

Ninth Sitting on Monday, the 22nd November, 2005.

MEMBERS PRESENT

PU LALCHAMLIANA, Speaker at the Chair, Chief Minister, Deputy Speaker, 11 Ministers and 20 Members were present.

QUESTIONS

1. **QUESTIONS** entered in separate list to be asked and oral answers given.

LAYING OF PAPER

2. **DR. LALZAMA**, Minister of state, to lay on the Table of the House "The Mizoram Narcotic Drugs and Psychotropic Substances Rules, 2004"

DISCUSSION AND VOTING ON DEMANDS FOR GRANTS

3. **DR. LALZAMA**, Minister of State to submit to the vote of the House various Demands under his charge.
4. **PU ZORAMTHANGA**, Chief Minister to submit to the Vote of the House various Demands under his charge.

LEGISLATIVE BUSINESS

5. **PU ZORAMTHANGA**, Chief Minister to beg leave of the House to introduce The Mizoram Appropriation (No. 5) Bill, 2004.

ALSO

to introduce the Bill

to move that the Bill be taken into consideration

And

to move that the Bill be passed.

S P E A K E R

A theih phawt chuan nangmahni lam tal, mi zawng zawng nen inremin awm rawh u.

Rom 12:18

Zawhna kan la nghal ang a, Starred Question No. 149-na zawt turin Pu Lalrinliana Sailo i lo sawm ang.

.....764/-

PU LALRINLIANA SAULO:

Pu Speaker, ka lawm e. A hmasa in hei kan Opposition Leader zahawm tak Pu Lal Thanhawla India ram Prime Minister zahawm takin National Integration Council Member-ah a rawn ruat a, hei hi Zoram tan thil lawmawm a ni a, lawmpuina kan hlan hmasa a ni. (Speaker : Zawhna hunah chuan khatiang ah khan peng lo ila discussion kan neih hunah) Ka zawhna Starred Question No. 149-na Food & Civil Supplies Deptt. Minister zahawm tak chhan atan :- (a) Sorkar-in Buhfai leh thildangte phurh nan Food & Civil Supplies Deppt. hnuaiah engzatnge bat anih ? (b) Engzatnge Bill clear loh ? (c) carrying Contractor tiute hnenah engzatnge bill ba a neih ? (d) January, 2004 atanga 20.10.2004 Contractor te Bill pek tawh zat theuh min hrilh thei em ? (e) Food & Civil Supplies Deptt. In material leh supply a leiba tam tak leh Motor Vehicles ah leiba tam tak a nei ni-a a lan lain Fire Extinguisher Rs. 19,95,200 man lei a ni em tih ka zawt e.

**PU K. SANGTHUAMA
MINISTER**

Pu Speaker zawhna No. 149-na
(a) Rs. 11,55,75,222
(b) Rs. 1,15,57,522
(c) Carrying Contractor te hnenah Food & Civil Supplies Deptt. in Rs. 6,34,05,874/- ba a nei. Chungte chu :- Lalhai Rs. 2,39,200/- A sei khawp a, an duh a ni si a, chuvang chuan khalamah khan a ziak kha an nei si lova, chhiar vek a tha mai lo maw ? Pu Speaker, a chhan chu an hriat duh si chuan a copy an nei si lova. An duh a kha heii hi chuan a fiah lo mai ang a, ka ti deuh a, chuvang chuan an duh ber a kha helaia an bill pek te an rawn zawt a, helai hi chhiar vek ila House-ah hian a chiang berin ka hre deuh a. An pawm theih chuan a tha mai a. (d)-na January, 2004 atanga ni 20.10.2004 thlenga Contractor-te bill pek tawh zat chu Rs. 8,77,85,957/- a ni a, Annexure-II ah khan hei pawh hi thil tel a ni a, a hriat theih mai ang a. (e)-na Food & Civil Supplies Deptt. Go-down hmanlai 192 leh Staff Quarter 96 a enkawl mek a, heng Go-down ah te hian pakhatat Fire Extinguisher 2 tal dah vek a tul a, Go-down ah Buhfai leh thildang awm te hi chawhrualin englaipawhin 5 lakhs hu aia tlem lo a awm a ngaih theih a ni a. A thenah pheichuan lakhs 10-40 man te dah a ni a. Chuvangin, inven nan Fire Extinguisher hi lei a ni.

PU LALHMINGTHANGA :

Pu Speaker, ka lawm e. Buhfai phurh hi Lunglei District bikah saw chuanin Lunglei District Truck Owner Association sawn hmanlai atang tawh khan rambuai lai leh U.T. lai atanga\ khan an chhanga . Mizo tlawingaihna nen Association sawn kawng chhe takah pawh an kalpui hram hram thin ani. Amaherawhchu, hei kumli kumnga kalta vei atang khanin Truck Owner Associations te ai hianin Lunglei chhung lama mi pawh nilo Aizawl lam ami Contractor mi pakhat emaw pahnih emaw hi thei zual bik an awm ta a. Chu chuanin Lunglei District chhunga Truck Road a buhfai phurh te saw kum tin an chang a .Tin, Truck Owner Association te pawh tiem tiem chu pek chu pek ve an ni a. Mahse, an Bill hi pek lohah a tang chho ta zel a, tunah hian Truck Owners Association sawn 75 lakhs vei bill tang an nei a. kha kha Association Member hrang hrang tena an phurhna man a ni. Tin, kawng chhiat elkhen laia Chawngte lam te leh hmun hrang hrang mimain a tih hleihtheih loh an pekna. mipui an chawmna te kha a ni a. Khawngaih takin kan sorkar hianin khami leiba kha Truck Owner Association te hnenah hian tun Budget pass atang hian pek theihna assurance te min pe thei em tih kan dil duh deuh a.

Tin, hei hun lo kal leh zel turah sawmi Association saw sorkar hian zah taka thlirin mimai ti Lal lo zawk turin rilru te an siam thei ang em tiin kan zawt bawk a ni e.

PU LALRINLIANA SAILO:

Pu Speaker, zawhbelhna - Tunah khan Lunglei bialtu zahawm tak khan a rawn zawh kha ka sawi tur pakhat a ni a. Pakhat lehah chuan hei kan hriat danin Contractor te hi hun reitak a ta Mizoramah Lunglei chauh ni lovin helmah pawh hianin ba a tam a ni. Amaherawhchu, tunah hian mi pakhat Pangzawi chhuak ngo tak hian thil a ti thei lutuk a, humanni a kan sawi tawh ang khan file a mi a hnuai a mi a pawtchhuak zawk zawk mai a, khatiang nilo khan seniority khan an pe thei tawh lawm ni ? Tin, DCSO in pawisa a neih loh pawhin LOC sawia mite kha hetah Aizawl-ah an la lut a, tiang chuanin Directorate-ah an pe deuh zawt zel mai a ni. Khatiang kha awm tawhlo se, phur ve tho an ni a, Lawngtlai te, Lunglei te, helama Mizorama mi zawng zawng nen a theih tawh lawm ni tih ka zawt a.

.....766/-

Tin, Fire Extinguisher hi kan lei a, kan sawi zing tawh a. Session hmasa-ah pawh Starred Question No. 100-na ah ka zawt a, discussion-ah pawh ka sawi tawh a, tai kian lei tum a nia, tul lovah. Tunah hianin Go-down chei tur tam tak a awm a, a then chu a far vang leh chhaklam atanga tuhawk leh lei in a rawn chhilh thlak a Buhfai tihchhiat tam tak a awm a ni. Tin, a kawtkai khuar kek kuk tam tak a awm a, chutiang ti lovin engatinge hetiang hi a lei leh theih ni. kan ti a ni. Chuvang chuan tunhu-ah hetiang hi ni tawh lovin Supplies Deptt. in an mamawh tak tak hi lei tawh thin ani ang em ? tih kha ka zawt a ni.

PU SAIKAPTHIANGA : Pu Speaker, zawhbelhna - Kan Supply Minister zahawm tak hian tuna Truck neiho harsatna hi a hriatpui em ? tih angin han zawt phawt ila. Chu chu tiem sawifiah a ngai ang a. Pu Speaker, tunah hian a bikin Kolasib District ah khulai khu kan Kudam lianber te zinga mi awmna a ni a. Tahkhuah tunhma a tih ngai loh ang reng rengin Truck neiho hian an duh Contractor ho ta an phur thei tawh lova. A Contractor kha a tuikang ngiah in an ti nge ni, hotutena an duhsak kha an intlar tir a, khami huna va lut apiang Truck kha kha Contractor ta kha an phur ringawt mai a ni. Tichuan, Contractor leh a phurtu pawh kha an in hire lova, tichuan bill an han dil a, pek dan a inanglo thluah mai a, a thenin sorkar rate angin an lo pe a, a thenin kan inbe hmasa si lova tikhan tiem zawk deuhte an lo pe a, chuvang chuan an harsatna sukiang tur hian Truck neiute hian an duh Contractor an rin zawng Contractor ta Buhfai hi an phur thei tawh ang em ? tih ka zawt e.

S P E A K E R

: A chhang turin a chhangtu Minister Pu K. Sangthuama ilo sawm ang.

PU K. SANGTHUAMA
MINISTER

Pu Speaker, helaia Pu Lalhmingthanga, Lunglei South MLA zahawm takin a rawn sawi kha, ni e, Association ang ten an awm a, tin, hetah hianin mimal hming a ni a. Mimal hmingin hetilah hian chhan a ni a, chu chu Association angin kha mimal hming atang kha an phur thin a, tah hian an hat zat tepawh alang vek mai a. Tin an bill lakdan te pawh alang vek mai a. engpawhnise muangchang deuh hlekin kan sawi ang a, kum 2000-2004 ah pawh hian bill chungchang kan sawi a ni ta bawka, hei mi 30 vel ala tam zual a hi kan sawi phawt ang a tatang hian a fiah chho mai in ka ring a. Pi Hmingdailovi hian nuai 5,39,51,462/- ala a, Pu Lalhanmawia Pachuan, Ophel kan tih hian nuai 4,39,95,500/- a la a, Pu Lalbiaksanga hian nuai 3,29,70,631; Pi Lalzuali nuai 2,83,50,022; Lalhai hian nuai 23,89,92,732; Pi Lalhangliani nuai 1,67,57,322; Pu Zothansanga nuai 1,33,31,234; Pu Thangmawia, Lunglei Association a mi hian nuai 1,05,58,211 ala a ni. 2000-2004 thlengin. Chutah chuan Pu Lalhmingthanga, MLA zahawm takin a rawn zawhna a kha - Hetilah hian kum 5 chhunga an lak kha kan han chhutchhuaka ala tam ber anninghe nghe a. Chuvangin. phurh pawh an phur tam a, a lak pawh an la tam a ni. Chu chu House hian min hriatpui ka duh a, khatiang deuhva kan sawi loh chuan a chiang dawn lova, chuvang chuan khatiang kha anih avangin inlo ngaihthlak that loh kha chuan kan sawifiah thei dawn bawka si lova. Chuvangin, khalamna in zawhna a kan chhan theih kha in lo ngaihthlak chian a, an phurh zat chu hetah hian ka nei vek mai a. in ngaihthlak peih phawt chuanin heng hi chuan tih theih vek mai a.

PU SAIKAPTHIANGA

Pu Speaker, an phurh zat kha rawn sawi zel se chutah chuan a chiang ang, an bill lak ringawt ah kha chuan an phurh zat kha a chian loh chuan an pawisa lak atang kha chuan a dik leh dikloh kha a hriat theih chuanglo alawm.

PU K. SANGTHUAMA : Pu Speaker, an phurh zat chu ka
MINISTER nei vek mai a, in ngaihthlak peih

phawt chuan heng hi chu a tih
theih vek mai a. Pu Speaker, nuai
75 kha an ba lova, ka chhiarchhuah vek dawn chuan a sei lutuk ang
in ti bawk si a, chuvangin thil hi a chianna tak tur thlen hma hian
in lo hnawl ang reng bawk si a. Pu Speaker, hetah hian an ba zat
kha a awm a, kan chhiar ang. TOA hian nuai 37 leh sing 9 sang 6
leh zariat sawmsarih pariat a la nei a, tin hengah pawh hian a tam a.
Chu chu a ni a, chuvangin, nuai 4 te, nuai 5 te, nuai 10 te
(interruption) mi hran hran bat a nia, khatiang nei a intelkhawm te
an ni a, mimal bat zuk ngaihtuah chuan TOA hi chuan a ngah viau
na a mimalah chuan a tam lem lo a ni. Mimal ba tam tak tak nuai
20 te pawh a la awm a, a mimal ang chuan an ba tam lova. Tin,
hetilaiah hian Bill kan pek reng reng hian a daih thin lova,
vawikhatah hian nuai 200 te a nia, kha kha retailer mi 1000 aia tam
an awm bawk a, chutiang chuan bill pek tur reng reng a hi retailer
leh contractor pek tur hi chuti zah hetah ka ti ngai lo a ni. Hei hi
lo sem zai ula, retailer ah chuti zat pe ula pawh ka ti ngai lo a
ni.(interruption) an pek zat tur hi an ni hian an lo thliar thin a,
chu chu a kalphung a ni. Amaherawhchu, kumhnih, kum thum
retailer pawh thawk tawh lo te, vawiina thawk tawh lo si te heng hi
a full in min ziah teh an tih chu sing 2, sing 3 te an awm a, heng
hi chu lo khawngaih ula, a full in lo pe ta che u tih te kan nei a,
chutiang chu kan kalphung a nia, theih ang tawkin kan ngaihtuah ang
a, Lunglei lam pawh helaiah hian kan MLA zahawm tak khan a
rawn ngenna kha chu theihtawp kan chhuah ang a, bill pawisa kan
neih dan ang khan ngaihtuah kan tum zel dawn nia.

Tin, Pu Lalrinliana Sailo in a
rawn sawi seniority chuan a pek vek theih lem lova, seniority a pek
chang a awm a, pek loh chang te pawh a awm a. Chuvangin,
helaiah hian kan sawi leh ang a, in hrethiam maiin ka ring a, kumin
chhunga kan bill pek pawh a awm vek a, duhsak in tih kha kan
duhsak nge sak lo chu in hre mai ang a. Pi Lalthai Rs.61,22,939/- Pi
Lalrampari Ralte, hei hi phur tlem na na na chu pek tam tur awm
heklo le, chu chu a chiang a lawm. Pi lalrampari Ralte Rs.1,08,969/-
Pu L.T. Mawia Pachuau Rs. 1,50,75,235/- Pi V.L. Chhuangi Rs.
25,92,660/- Pi Hmingdailovi Rs. 1,40,32,850/- Pi C. Lalrampari Rs.
61,18,729/- hei hi in han sawichhuah kha a ni a, parukna kumin

chhunga pek a ni. Pu Biakliana Rs. 14,78,925/- Pu Lalbiaksanga Rs. 76,96,145/- a fiah in tih chuan kan duh tawk mai ang a, a fiahlo in tih chuan Contractor hi 144 an awm a, kan chhiar vek ang a, Deptt. in kan pek zah a awm a, kan pek zahah khan chiang takin a inziak a Pu Speaker, hemi ziak hi in ringlo anih chuan kei chuan ka Staff-te ka ring tawka, dik tawka an rawn tih a ni a. Chuvangin, heta tang hian kumin chhunga kan bill pek zat te chiang takin a lang a, mi duhsak bik kan neih leh neih loh chu hetah hian chiang takin alang a ni. Chuvangin, hei hi in nei veklo anih pawhin la inpek theih turah ka ngai a ni.

Tin, Bill pek reng reng hi tun LOC ah hianin hei keipawh sorkar duhsakna a zarah kum 30 lai Contractor ka lo ni ve tawh a, P.C. hunlai khan hna ka hmu tam ber zawk a, a lawmawm pawh ka ti a. Tuna Pu Hminga kan MLA zahawm tak hian i he lovin khalaiah khan Congress ka ni ve bawka chuti chung chuan hna tam tak min pe a, vaibelchhe tam tak U.T. atang khan State nih hnuah chuan hna hi ka la hmu lo hrim hrim a, kum 30 chhungin ka lo thawk ve a, vaibelchhe tam tak man, chutiangah pawh chuan kan thian ten bill nuai 10 an lak leh nuai 50, nuai 20 an lakin ka lawmpui mai thin a ni. Nuai 20, 30, 40, 50 ka lak chuan min lawmpui ve mai hin a ni. Chuvangin, vawiinah hian kan chhangchhe em mai a, hemi supply lampang a hi chuvangin hemi kawngah hian chiang takin bill lakdante a awm a, vawiina helaia a rawn complaint tu pawh hi bill la hnem ber tu kumin chhungin a ni nghe nghe a ni tih hi House pawhin min hriatpui ka duh a ni, Pu Speaker. Chuvangin, hetiang ang kawngah hianin tun LOC ah an la tlem deuh anih chuan tun LOC ah khan cheng 5 Carrying Contractor-in la tase, pakhatin cheng 2 ten lo la tase, LOC lelah chuan cheng 5 la kha cheng 3 ah an tlahniam ang a, cheng 2 la kha cheng 6 ah te an chho ve thin tur a ni. Chuvang chuan hemi kawngah hi chuan hetiang zawnga inbei vak vak lo hian contractor te pawh hian semzaia kan tih hi a him ber a, chuvangin heng bill reng reng hi vawiina awm mai a ni lova, kan House zahawm tak hian min hriatpui ka duh chu 1998 hmalamah pawh khan bill ba vaibelchhe tam tak a awm a, a inluh khalh chho zel a, sorkar hmasa kan demlo, sum leh pai a indaih lova, carrying bill leh retailer bill zawng zawngte hi kan tlak mai thei lo a ni. Kum 1998 hmalama bill tam tak awm kha a chhawmchho zel a, kan kumkhat budget hian kan carrying bill te hi a daihlo hrim hrim a. Chuvangin, kuminah pawh nuai 887 vel chauh kan la pe thei nghe nghe a ni. Kan ngaihtuah chho zel ang a, kan ba tepawh hi kan la clear chho ze dawn a ni tih kha House kan hrilh duh a ni.

Tin, Fire Extinguisher hi nikum budget tawp lamah khan pawisa min han pe a, Go-down kan la ngah viau mai a, Go-down hi 192 kan nei a, Buhfai hi ka sawi tawh ang khan nuai za tam tak man a awm a, hei Fire Extinguisher hi phailama in kal chuan Office lianah te chuan an dah vek nghe nghe a ni. Tin, Fire Extinguisher reng reng hi a kan hnu a lei chi a ni lova, invenna atana tih a ni a, chuvangin India ram hmu vek tawh kan ni a, Office lian pui pui, zahawm tak takah te chuan Fire Extinguisher hi kan hmu vek a ni. Delhi Sectt. ah te pawh kan kal a, pahnih, pathum, pali, panga thlengin a awm vek nghe nghe a ni. Tin, heng kan Office ah te pawh hian dah ve fur tur a ni zawk a, chuvang chuan kan Go-down ah hian kangmei te a lo chhuah tak a hman atan tiin kan lei a ni a. Chuvangin, hemi kawngah hi chuan thiamlo- ah pawh kan in ngai lova, a kan hma a kan Buhfai-te, kan sum neih tam tak a kan chhiat hlahu thu-ah a ven nan kan lei a ni. Tin, meikang reng reng hi a tirah chuan te takte a ni thin a, mahse a kan hlim atanga theih theih anih chuan mahni in-ah pawh dah vek rawh u, in Office zawng zawngah pawh dah vek rawh u, a tangkai a ni. Hei hi vawiin niah kan rilruah awmse a tha in ka ring a, chu chu kan lei chhan a ni a. Chuvangin, kan House pawhin ngaih loh lama in ngaih ka ring lova, hemi ah hi chuan.

Pu Saikapthianga kan MLA zahawm takin a rawn sawi kha Buhfai phurte hi Contractor 144 lai an ni a, Buhfai phurh hi a dik chiah chuan milian deuh thil ti thei deuh te an awm ngei a ni, thenkhatin phurh tur an hmu lova, thenkhatin an hmu a, cheng singthum route khatah miin an deposit vek a, cheng singthum kan deposit ve vek si a phurh tur kan nei lova, chuvangin min sem rual sak rawh an ti a, tichuan allotment kan siam ta a ni. Contractor tam tak an lokal ve bawka, contractor pali, panga in he Buhfai phurh hi contract mai tur a ni bik lova, a ni tak alawm in harsatna chu ka lo en ang.e, engpawh nisela a chin nan allotment kan han siam ang a, route khata cheng singthum deposit dah theuh hi in phurh theih dan ka lo ngaihtuah ang e, ka ti a. Tichuan, tunah hian hman deuh atang khan allotment kan siam a, an phurh dan tur kha. Chuvang chuan a thenin an duh a, a thenin an duh lova, a duh tam tak contractor 144 zingah hian nitin khatiang duh a lokal kha an awm ve bawka ni. Thil hi a rualkhai taka tih hi a har ang reng khawp a, supply phei chu House hian min hriathiam pui loh chuan anmahni leh anmahni hi an insual an insual ve bawka, chuvangin, contractor tam zawk duh danin hei hi kan ti a ni a, hetiang harsatna hi theihtawp kan chhuah ang a, kan MLA te pawhin rawn sawi zel ula, harsatna hi chu a thalo anih c huan kan siam tha leh thin turah ka ngai a.

PU SAIKAPTHIANGA : Pu Speaker, ka zawhna kha min Chhang lova, a Contractor din-Hmun, a Driver ho dinhmun kha Ka zawt a ni a, kan Minister zahawm takin allotment a siam a, an rawn intlar ta a ni. Buhfai phur tur kha chuan Motor an rawn nei tur a ni a, Motor nei lova va lut apiang kha allotment va phurh luh tir ringawta kha a ni ka sawi ni.

PU K. SANGTHUAMA MINISTER : Pu Speaker, chu phei chu a awm anih chuan kan lo enchiang ang.

PU SAIKAPTHIANGA : Pu Speaker, chu chu a awm a, an rate, route khatah pawh hian a inanglo a ni. A chhan chu Driver, a phurtu leh a Contractor kha inbiak hmasak pawh awmlo. A va lut apiang kha chumi hun chu a ni, ti a an phurh tak zel avang khan. Chuvang chuan helai hi chu Pu Speaker siamrem ngai a awm ani tih ka zawt a, kan sawi nghal a ni.

PU K. SANGTHUAMA MINISTER : Pu speaker, ni e, keimah pawh ka zu kal mai ang. Chutiang harsatna bik a awm anih chuan engpawh nise, ka zu enfiah ang a, thil awmdan chu kan la in hriattir leh thei ang chu. Le, tichuan a kim em?

S P E A K E R : Starred Question No. 150-na zawt turin Pu Zodintluanga i lo sawm ang.

PU ZODINTLUANGA : Pu Speaker, ka lawm e. Kan Minister zahawm tak, Home Deptt. changtu chhan atan Starred Question No. 150-na (a) Police Modernization Scheme hnuai pawisa dawnte hi Bungraw lei nana hman an nite hi approve rate awmsa hmanga lei a ni em? (b) Bungraw lei turte hi Deptt. mamawh anih leh nih loh fiah hmasak a ni thin em? tih ka zawt e.

S P E A K E R : A chhang turin Pu Tawnluia ilo sawm ang.

**PU TAWNLUIA
MINISTER**

: Pu Speaker, Member zahawm tak zawhna (a) chhanna chu - Bungrua hi la lei ngai loh a tam a, lei turte chu DPAB emaw SPAB emaw recommendation awm hma zela lei a ni. Amaherawhchu, hetiang lo lei tawh item thenkhat hi mamawh belh anih avanga lei nawn a tul chang chuan heng hote pawh hi a hma a DPAB leh SPAB in emaw an lo recommend tawhna rate in lei thin a ni. (b)-na chhanna chu - Bungrua-te hi Deptt. mamawh a ni tih fiah hny-ah lei a ni thin.

PU R. LALZIRLIANA

: Pu Speaker, ka lawm e. Hei, Modernization Scheme hnuai sum hi a tam tham hle a, anihna ang tak chuan hmang ila Home Deptt. hi an changlung pha hle in a rinawm a, 2001-2002 vela PTC ah ringawt hian Tarfelt, Silpouline fencing material lei nan hian Rs. 55,81,514/- an hmang a. Building sakna pakhatmah a awmlo, heng hi Silpouline te hi Rs. 3810/- pakhat man a ni a. Hetiang hi a sei zawng leh a hlai zawngte hi engtiat nge ni a, a thickness, a chhah zawngte kha eng ang nge tih kha ka zawt duh a.

Tin, Thenzawla PTC atana ram leina leh in sakna atan hian engzatnge kan hman tih leh in hi engzat chiah nge sak anih tawh tihte hi min chhan theih chuan. Tin, Bawngkawnah hian Police Quarter engzatnge sak anih tih hei a bu puiah hian a lang vek mai a, sak niin an sawi thin a, engzatnge sak anih tih te, tin chu lo ah chuan Forensic Science Laboratory Gypsy hmanah pawh kan sawi tawh thin a, ka sawilai khan a lo la thlenglo in ti a, kha kha cheng nuai tam tak man a ni a, tunah hian khawiah nge a awm tak? A lo thleng tawh em? tih te kha ka zawt duh a. Heng leh helaia thil lei, zawhna in a rawn tum tak niawm tak tul lemlo, keini ang a zu hre pha velo tan chuan tullo tak si, manto pui pui, nuai 33 nuai 28 nuai 19 khatiang kha a tam lutuk a, chutiang chu heng a list keng pah hian MLA emaw, a interest deuhthe hi min enpui thei em? Min enpui an lo lei ngei anih chuan a leitute pawh hi chawimawina pek tepawh a tha in ka hria a, amaherawhchu, an lei lo anih si chuan heta mawhphurtute hi sorkar hian a hrem thei ang em? tih hi ka han zawt a ni.

.....773/-

PU ZODINTLUANGA

Pu Speaker, zawhbelhna - Kan Minister khan SPAB leh BPAB Recommendation la hmasa zet thin a lei a ni tih a sawi a, SPAB te hi ka lo hriat dan chuan Chief Secretary kaihhraina a din niin ka lo hria a, chutiingin a hnuailamah pawh DPAB chu cheng nuai 20 hnuai lampang chinah an thu deuh niin ka lo hria a. Heti khawpa kan Chief Secretary meuh kaihhraina hnuai Purchase Board in a hetiang rate an han approve thei mai hi a mak a, Session hmasa July 8 a Unstarred Question No. 57-na an rawn chhanna-ah hian a lo lang a, rate uchuak tak tak tualchhung chanchinbu ah tepawh an chhuah a, Police Officer leh an hnuai a mite pawh nuihza siam nana an hman a ni, he lehkhabu hi cheng maktaduai tam tak hmanralna a ni a. An thil leite hi a quantity pawh ziahlan ngam mang loh, an ziahlan ngam chin pahnih lek kan sawi ang a, kan Saitual bialtu MLA khan a sawi tawh a, Silpouline kha pakhat Rs. 3810/- in an lei a, chung zawng zawng total chu Rs. 62,72,250/- man an lei a ni.

Unstarred Question ni 19-a R & R Deptt. zawhna ve thungah chuan Minister chhanna chu Silpouline pakhat leina hi Rs. 725/- a ni. Hemi awmzia chu Police Deptt. a Silpouline an lei hian R&R Deptt. chuan paruk an lei theih tihna a ni. Tin, socks an ti a, pair khat kha Rs. 1600/- a leina te a inziak a ni. Ka rawn zawhna taka chu hetiang thil manto lutuk leh uchuak lutuk nuai 2221.60 luanralna approve tu SPAB te hi kan Minister hian Inquiry Committee chhui turin a din thei ang em ?

Home Minister hian Agriculture Minister anga huaisenin hetiang thil ti diklotute hi a suspend ve ngam dawn em ? He House zahawm taka kan Member tam tak ten an sawi ve fo tawh thin a, Police Commandent thenkhatte an thil tih dikloh vawi tam tak an sawi kan Home Minister in a DGP hnenah ti tawhlo turin ka ti, tih mai a kha duhtawk lovin Agriculture Minister anga huaisen in khatiang chungah khan action hi ala ve ngam em ? tih kha ka zawt duh bawk a ni.

Tin, bungraw leite hi Deptt. te mamawh an ni tih finfiah hnu a lei anni thin tih kha chu Police Officer leh an hnuai mite tan chuan an neih sa thlan mai mai a ni. Pu Speaker, ka lawm e.

PU LIANSUAMA : Pu Speaker, Bomb Disposal Equipment pakhat cheng nuai kua a lei hi eng ang nge ? Power Engine Boat pakhat nuai thum singli zel lei hi eng ang nge ? Explosive Detector pakhat nuai sawmpakhat zel lei hi eng ang nge ? Tin, Portable Pump Set 15, pakhat nuai khat singkua sangli zel lei hi eng ang nge ? Saw Machine 10 nuaikhat singkhat sangkua zaruk zeal lei hi eng siam nge ? Keini Member-te hian kan hmu thei ang em ?

PU TAWNLUUA MINISTER : Pu Speaker, Khawdungsei bialtu zawhna kha, keipawh khang kha ka la hmu lo. Minister-te chuan kan hria a, mahni Deptt.-a thil lei va en duk duk a kha chu kan awm ngai lova, amaherawhchu, mamawh a nih avanga an lei anitih chu ka hria a ni. Khang kha eng ang chiah anih hre tur chuan ka mit ngeiin ka hmulo. Pu Speaker, kha kha chhanna a ni.

Tin, Silpouline rate a sang tih kha helaiah local rate ah (Floria Glamour) rate-ah SPAB in an approved a ni. Chulo lehah chuan hemi kan modernization chungchang ah hian Home Ministry atang khuan hemi programme hi uluk taka kenkawh a nithin a, khutah khuan.....

PU R. LALZIRLIANA : Pu Speaker, Silpouline an leina Floria Glamour te ta anga an approved ani a tih si chuan a man kha a tam viau mai a, khangte leh thildangte kha a chhui theih lawm ni tih kha ka zawt duh tel a. Minute-ah khan awm mahse a nilo in an lei em ni tih kha kan zawt a ni. Hetah hian kan Minister hian inrawlhna a nei ve em ni ? engatinge heti em em a a dawihzep tak ? hmanah MNF a an awm lai chuan India Sipai Brigade pawh kap ngam a nia, vawiiinah hian engnge a nih tak ?

PU ZODINTLUANGA : Pu Speaker, a supply-tu a nia, hei he House-a chhanna a ni. Floria Glamour Bara Bazar Rs. 725/- ani a, khalai kha a in an loh avangin eng ang nge a size min han hrilh thei em ?

.....775/-

**PU TAWNLUIA
MINISTER**

Pu Speaker, Silpouline hi a size chihrang hrang a awm a, a quality hrang hrang a awm bawk a. Chu ber chu engnge ni tih tunah hian ka sawi thei hauhlo mai. Mahse, SPAB in a approved ani tih erawh kha chu ka sawi duh a ni.

Tin, Pu Speaker, adang lehah chuan hemi thildang vawiina kan sawite kha Police changtlunna modernization atan hian Bomb Disposal tih te, Bomb Blanket tih te kha kan mamawh takzet zet a, mahse a man erawh hi chu a to lo theilo a ni. Keipawhin a hmunah ka la en bik tlat a. Chu chu min hriatthiampui ka duh a. Tin, heng Disposal emaw, Blanket hian Bomb an va senghawi dawn hian an ve khuh hmasa phawt thin a ni. Chutiang chuan mihringin va khawih mai lovin hla deuhin va pawhna a awm a, chu chu a slete a awm a, tin, a box te a awm bawk a, chu chu a hnua an dahthatna tur a ni. Khang kha chu tunlai Indir ramah hian Police-in hel chi hrang hrangte an tackle thin avangin thil pawimawh a ni a, kan mamawh takzet zet avangin kan han lei ve a, chuan pawh kan chhuang ru viau a ni. Pu Speaker, tunhma a kan neih ngai loh thil tangkai a ni a, chu chu kan sawi tel duh lawk bawk a ni.

A tlangpui thuah chuan heng kan modernization lo kal dan hi 75 percent hi khulam pangin an tum a, 25 percent hi state share a ni a, tin chihnih in a lo kal a, pakhat chu a kind in a local a, vehicle te, arm & ammunition te, vehicle pawh hi 400 dawn thaw a kind-a lo kal kan nei a, a lawmawm hle a. Tin, Arm & ammunition-ah pawh hianin Silai hi AK 47 tepawh tunah hi chuan lo thlengkim se chuan tuna approved sa te pawh hi sang a kai ve tep dawn a ni. Tin, 7.62 Silai pawh hi 1000 chuang kan hmu tawh a, khatiang khan Ammunition nen. Tin training-na atan hemi Ammunition pawh hi tiang khan duham takin kan ti thin a, kan Police te ralkah an thiam theihna turin Silai kahna atan pawh heng Ammunition kan han neih belh atangte hian a tul angin kan thawk chho zel a ni.

Tichuan, Central atangin Empower Committee an awm a, tin, state-ah hian Empower Committee, Chief Secretary hnuaiah hian a awm a, chu chu proposal siamtu, project siamtu a ni ta a. Tin, khutah Empower Committee, Home Ministry hnuaia mi khanin hemi modernization equipment leh Arm & Ammunition leh thil chihrang hrang item list a kha approved list a nei a ni. Chuta tang chuan kan mamawh kha State tinin State

Empower Committee khanin an han ti a, project an siam a, chutah Central-ah a lut thla ta a, an nin an rawn approved ta a, an approved hnuah chuan a chang chuan khulama an rate kha hei hi a rate a ni tih sa tam tak hi a awm bawk a, chumai nilo kan lei belh theih tepawh helaiah khatiang ang khan Board-in an ngaihtuah vek a, a rate a sang deuh tih erawh kha chu kan fimkhurna tur a ni ang tih erawh chu kan lo chhinchhiah ngun pawh a tha in ka ring a ni.

Tin, adang lelah chuan kan modernization atang hianin thil hrang tam tak radio organization-ah hemi communication kan tih inbiakhlat lamah te hian kan changtlun phah em em a ni. Tin, Forensic Science Laboratory kan tih ang chiah pawh hian kan changtlun phah em em mai a, tunah hian DGO kaihhruaina hnuai hian changtlung deuhin kan ti chho a ni. Tin, hemi atan hian Gypsy 3 alo thleng tawh a tunah hian an hmang mawlh mawlh tawh tih kha kan sawitel duh bawk a ni.

Tin, Bawngkawn P.S. atana Quarter engzatnge sak tih a kha Pu Speaker, Pu Thangluaia building saw Police Station atan a rawn suggest a, chu chu lei a ni ta a. Police Station kha a leng a, a hranpa a ram lei lovin, in pawh a hranpa a sa lovin hei hi chu dik tak chuan kan siamrem ve a ni. Pu Speaker nuai 100 in chu chu a tha min tihpui kan ring khawp mai a, Land Acquisition emaw, khami procedure draw ngai hauh lovin Pu Thangluaia khanin nuai 100 in min zawrh tawp mai a ni, chuan PWD kan assess tir a, nuai 100 chuang a ni, ani pawh sum a mamawh ve a niang khatiang ang khan kan siamrem a, Bawngkawn P.S. saw a leng thlap a ni.

Tin, Thenzawl P.T.C. saw sorkar hmasa Congress Ministry in-a an lo ruahman a ni a, a ram saw a tha a kan tumdanah chuan Police hotute helampang titute khan an lo va enfiah tawh a, an report pawh an pe tawh a, Home Ministry pawhin an approve vek tawh a ni. Sawmi tih thar tur a saw a hranpa in pawisa a hlawma min pek loh chuan helai kan pawisa neih, kuminah nuai 50 in i sa ve ang, nuai 20 in i sa ve ang tih ang khan kum 10 chhung pawhin PTC saw a thar kan dinzo dawn si lova, chuvang chuan a hlawmin pawisa kan dil mek a, chu chu alo la kal ve mai turah pawh kan ngai a. Hei, sorkar tharte alo dinga hetah hian arang thei angin helai kan scheme pawh hi bawhzui turin kan in buatsaih ve a ni.

Tin, Pu Speaker, modernization chungchangah hian hmanni a Home Minister Pu Shivraj Patila'n Shillong a North East Chief Minister te a hmuhkhawm tum khan kan Chief Minister hnenah hian modernization fund, utilization chungchangah hma la chak leh hnathawk tha anih avangin a lawmthu pawh a hrilh nghe nghe a ni. Chuvangin, helai hi kan tangkai pui em em mai a, vawinah hian kan hotute'n an han sawi ang khan kan changtlun phah khawp mai

S P E A K E R : Kan Member zahawm tak takte hian khang kan equipment Police ten an neih tharte kha hmuh an chak hle niin a lang a, Secret Equipment anih loh c huan a lo thleng tawh ho a kha chu remchangah entir theih ni sela tih kha an duh dan a ni a.

PU ZODINTLUANGA : Pu Speaker, kan sawi nawn leh dawn a mi ? hetiang manto lutuk uchuak lutuk cheng nuai sanghnih zahnih sawmhnih pakhat lai hmanralna approved tu SPAB te hi chhuichiang turin Inquiry Committee in din ngam dawn em ? tih lai te kha a chhang miahlo a ni.

PU TAWNLUIA MINISTER : Pu Speaker, kan din lovanga, Sorkar erawh chuan a tul angin helai kan sawina eng atang hian kan lo en ang e.

S P E A K E R : Secret Equipment ho chu remchangah chuanin an enduhna kha min lo hriatsak dawn anih chu. Starred Question No. 151-na member zahawm tak pathumte intawm a ni a, Pu Liansuama, Pu Andrew Lalherliana leh Pu R. Lalzirliana, tu berin nge han zawt ang ? Pu Liansuama.

PU LIANSUAMA : Pu Speaker, zawhna No. 151-na LAD Minister chhan atan (a)-na Sorkar hian V/C te mawhphurhna leh thuneihna leh an hlawh pekbelh a tum em ? (b) Tum tase, engtik atangin nge ni ? Engzata tihpun nge a tum ? Tum lose, engnge a vang ? (c) 2003-2004 Financial Year chhung khan Mizorama Village Council/Court Member te hlawh atan engzatnge sorkar hian a senso zawng zawng zat ? (d) Village Council/Court te hlawh hi LAD hian eng Head leh eng Sub-Head atangin nge a pek ? (e) Kumin (2004-2005) atan hian hlawh tur an nei dawn em ? tih a ni e.

S P E A K E R : A chhang turin LAD Minister Pu H. Vanlalauva ilo sawm ang.

PU H. VANLALAUVA : Pu Speaker, Member zahawm tak tak pathum Pu Liansuama, Pu Andrew Lalherliana leh Pu R. Lalzirliana te zawhna chhanna No. (a) chu hetiang hi a ni :- V/C te mawhphurhna leh thuneihna pekbelh tum a nia, chumi atan chuan dan siam mek a ni. V/C te hlawh sorkar-in a pe ngai lova, V/C te lawman erawh chu tihpun sorkar-in a duh a, State Sorkar sum dinhmun en chunga ngaihtuah tur a ni. (b) V/C te lawman tihpun hun tur leh a zat tur hi a la sawi theih hrih loh a ni. (c) Kum 2003-2004 chhunga V/C te lawman atan sorkarin a sen zat chu Rs. 77,87,836/- a ni. (d) V/C te lawman sorkarin a pekna chu Non-Plan Major Head other charges 2070, Sub-Head 800(03) V/C te lawman tih atangin a pe a ni. (e) Kumin 2004-2005 ah V/C te lawman tur hi Sorkarin a 'nei e' tih a ni e.

S P E A K E R : Pu Duhoma kha a phar na a, a neitute khan han ti phawt sela kan sawm dawn nia, Pu Andrew Lalherliana ilo sawm ang.

PU ANDREW LALHERLIANA : Pu Speaker, rang deuh a zawh a ngai leh dawn a, rang deuhvin zawh kan tum dawn ang e. Kha chhanna kan hmu a, lawman atana an hman zat kha 2003-2004 ah khan 77 lakhs chuang a ni a, tin, tihpun dan turah khan engmah ruahmanna la tihpuitlin loh a ni tih kha a ni a. Pu Speaker, Mizoram pum puiah hian V/C hi 871 kan nei a, Aizawl undivided ah hianin V/C 532 ah Member awmzat 2342 te ang ratio a han tih a, han chhut hian Mizoram zawng zawng a V/C 871 ah hian Member 3698 ang vel a awm a ni.

Village Council-te lawman hi tihpun ve a tul a, Aizawl an lo kal reng reng hian pawisa hi harsa tak a ni a, an hnathawh tur ang pawh hi d uh anga an thawh theih loh avangin an buai hle a ni. Chuvangin hetiang hianin ka han sawi duh c hu hei hi a ni. Village Council te lawman hi V.C.P. hi Rs 1000/- tal dah ila, Vice President hi Rs. 900/- tal in emaw Secretary leh Member dangte hi Rs. 800/- ve ve angin dah ta ila, chutiang anga hisap chuan V/C hlawh tur zawng zawng hi kum khatah Member 3698 ah hian cheng vaibelchhe li leh nuai sawm sarih chauh a ni. Tun tuma Budget kan Demand pass turah hian vaibelchhe sangkhat leh zanga leh sawmli chuang kan pass dawn a ni a, Central Sponsored Scheme te nen a kan pawisa hmuh tur zawng zawng hi vaibelchhe sanghnih chuang a ni. Chutah chuan Mizoram mipui za a sawmruk chuang aiawh heti khawp a lawman kan ti tlem hi tunah hian kum khatah nuai 77 chauh an lawman a kan hman thin hi vaibelchhe li leh nuai sawm sarih a tihpun in a tlem berak V.C.P. in Rs. 1000/- alo hlawh ve theihna tur leh Member-te pawhin Rs. 800/- chuang an lo pun ve theihna tur hi Pu Speaker, vaibelchhe li leh pasarih chauh hi chu tihpun theih a ni. Kan sum leh pai dinhmun han en leh kan ngaih pawimawh zawng a kan pawisa hmaudan han en hian kan Demand kan pass turte nen hian hei vang hian khawngaih takin a tlem berak V.C.P te hi Rs. 1000/- lawmman pe a, a Member-te pawh hi Rs. 800/- chuang pe ve tur hian kan Minister zahawm tak hian hma a la thei lawm ni tih ka han sawi duh a nie.

Zawhna dang pakhat leh chu ho mai mai a kan dissolve thin hi chhuanlam kan siam hi khawngaih takin kan ti tawp thei tawh dawn lawm ni tih ka han zawt tel duh bawk a ni.

PU R. LALZIRLIANA : Pu Speaker, kei chu ka sawi ve duah dawn lova, ka han zawt mai ang a, V/C-te hi an pawimawh hle a, Disaster Committee, Management Committee hi Notification siamin sorkar-in a din tur a ni a han ti leh a. Heng ai hian a dah nep ta tlat mai niin a alang a, Village Council Member te hi. A chhan chu an khua-ah chhiatna a lo awmin Silpouline emaw tanpuina emaw pe tur reng rengin Disaster Committee chauh lo hi chuan an ti thei lovang, pawm a ni lovang an ti a. Hei hi V/C te dah nepna niin a lang a, hei hi tihsual palh a ni em tih ka zawt duh a.

.....780/-

Tin, Ram/Inhmun theh chungchangah thuneihna pakhatmah an nei ta lova, vawiiinah Sazep khua-ah te chuan Sorkar thleng kher lovin V/C te khan pek mai theih niawm tak a ni a, khawpui deuhah hi chuan hetiang hi a tha love an ti anih pawhin zoram khua zawng zawng atan hetiang tih ngawt mai hi V/C te hmuhsitna a ni lo maw ?

PU LIANSUAMA : Pu Speaker, V/C te hi Deptt. tin hian kan chhawr vek a, kan chhawr ni hi chuan an D.A. hi a chhawrtu Deptt. khan 1st Class Officer ang hian pek dan a ruahman thei lawm ni ? Entirnan tlang kan au tir a, chumi khami a lo kal dawn e, tiin Officer pawimawh zawng zawng te hian V/C hi hmathehah kan hmang lo thei lova, an thathulh man hi a tam hle si a, chuvang chuan D.A an pek theih dan hi Office Order/Memorandum emaw in a tih theih lawm ni ? Hlawh pung tur kan sawi a thlen hma pawh khan kan Minister zahawm tak hnenah pawh hian ziakin kan thlen tawh a, in hriatsual palh vangin min tih puitlin sak lova, House-ah hian kan zawh duh chu Kanghmun tlangdung Reiek pawh huam tel hian an lawmman tlemte hi Mamit-a zuk lak a ngai fo thin a, Aizawl-a LAD Directorate hian an hlawh pekna Head kha operate in hlawh pekchhuah kha chu a tih theih lawm ni ? Aizawl-a LAD Director hian an Minor Works nen hian operate mai kha a sam khawpin ka hria a, min tih sak thei ang em ?

PU LALDUHOMA : Pu Speaker, V/C inthlan leh hunah chuan Non-Tribal tumahin vote an nei thei dawn tawh lo tih kan Minister zahawm takin House-a a sawi kha lawmawm hle in ka hria a. Amaherawhchu, khami inthlan dan tur Rules an peih tawhah khan kan lo beisei hi a awm leh awm loh ka zawt duh a, V/C inthlan-ah hian pindan chhungah tuma hmuh lohvin kan lut a, Candidate tinin bawm an nei hrang a, tahchuan vote tla hauh lovin ballot paper kha a ah chhuah leh theih tlat mai a, chu chu pawnlamah an hralh chur chur tih hi tlang hriat a ni a, vote leiah pawh hian a chiang lehzual a, a ballot paper tak tak lei theih anih avangin. Hemi hi tihbo theih a ni a, a system a kan thlak chuanin MLA, MP kan inthlan dan anga kan tih mai hian he corrupt practise nasa tak hi kan ram atangin kan tibo thei ang. Chu chu kan Minister zahawm tak pawh hian a veive hle thin a, ka hriat a ni a, a mimal tak pawhin. Chutiang chuan he kan inthlan leh turah hian a rules hi an rawn siam em ? an siam lo anih pawhin siam an tum thei ang em ? tih kan zawt teh ang.

S P E A K E R : A chhang turin kan Minister sawm ila. Question Hour a peli hret pawhin chhangzo law law sela tha kan ti em ? A changtu Minister Pu H. Vanlalaiva i lo sawm ang.

PU H. VANLALAUVA : Pu Speaker, zawhna neitu
MINISTER Pu Andrew Lalherliana zawhna--
V.C.P lawmman Rs. 1000/- leh Member te Rs. 800/- emaw tala tih khan cores 4.70 vel chauh a ni a, hei hi tih theih a ni dawn lawm ni tih kha nichina kan chhanna-ah V/C te lawmman tihpun ngaihtuah mek a ni tih ah he rawtna hi kan lo telh ang a, tih theih dan kawng a awm em tih chu uluk takin kan lo en ang. Hei hi Deptt. pawhin nghahhleh leh a duh a ni a, kan sum harsatna avanga kan ti theilo hi V/C enkawltu nih a hrehawmna lai tak pawh a ni a. Hei hi kau duhthusam leh vei zawng tak a ni a, ngaihtuahna-ah a theih dan kawng kawng a lo zeh tel ngei kan tum ang tih kha kan chhanna ni sela.

Tin, Pu Zira zawhna Disaster Management Committee hianin V/C a thuneihna a lan tlai mai tih hi thil ngaihtuah theih tak anihna lai a awm a. Amaherawhchu, hei hi GAD atangin harsatna kan tawh tawh tam taka kan experience te atangin a tulna leh pawimawhna tak a awm a hriat a ni a, kan V/C te thuneihna leh an power a kha zuk chhuh tura tih a ni lova, hei hi in siamrem leh thawkho tura ruahman leh tih a ni tih hi vawiin ah House ka hrilh duh a. Disaster Management Committee GAD in a rawn din a, helai khawpuiah pawh a awm nual a, keima bial ngei Armed Vengah tepawh a awm a ni. Heng hi kan V/C tenen in co-operate a, tangruala thil ngaihtuah ho tur a ni a. Tin, Silpouline leh thildang han tih a kha a veng pumpui harsatna thleng a huam a ni lova, khalai a bik a chhiatna thlengah chuah khan a ni Disaster Committee hi chuan thuneihna ti mai ila, mawhphurhna a neihna kha, chulai chu hriatchian a tha in ka ring a. He House-ah vawiinah hian kan in hrilhfiah nise langin.

Tin, zawhbelhna pahnihna-ah Inhmun pek theih ta lo vek mai tih a chu Pu Speaker, Member hian a hriatsual palh anih ka ring a, khawpui-a puan chinah chauh hian inhmun an pe thei lova Village-ah chuan inhmun an pe thei a, kum khat neih atan ram an pe thei a, an theh thei bawk a, tin, an ram thehah pawh kumkhat atan chuan Leipui a ni emaw, Lo atan a ni emaw theh theih vek a ni a. Tin, inhmun pawh V/C ten an la pe thei reng a ni tih hi vawiinah a Dan a hi tih danglam ala ni love.

Tin, zawhna neitu Pu Liansuama zawhna - Deptt. in a V/C te mamawh a an va hman hian an lawmman an va buaipuina man hi kan pek ve a tha lawm ni, chutiang tur chuan ruahmanna pawh han siam a tha lawm ni a ti a. Hei hi a enkawltu Deptt. duhthusam leh rilru a awm reng a ni a. Amaherawhchu, inthlahrunna avangin vawiin thlengin tih a la ni lova, chuti chungga Revenue Deptt. in a khatianga V/C te an hmanna-ah a hran a lawmman pe tura an rawn rei kha lawmawm ka ti a. Tin, tihawm reng pawh niin ka hria a, Deptt. dang pawhin an tih theih dan tur kawng a hi he zawhna lo lut atang hian Deptt. pawhin rawn umzuiin a rawn ngaihtuah zui ang tih kha House kan hrilh a ni.

Tin, Pu Lalduhoma, Ratu bialtu zahawm takin V/C Election Rules tuna lay mai tura han buatsaih-ah khanin a inthlan dan hmanga kha a tel em ? Vote nei thei tur chin mai ni lovin tih zawhna kha. Hei hi kan peih hman lo a ni, zep thu pawh a awm lova, kan buaipuina a rei tawh, system thar kan han zawng thin a, LAD Deptt. neitu a kan ngaih min retired san ta pawh kha a bikin OSD ah ruaiin kan zawntir a ni. Amaherawhchu, a formula kan la hmuchhuak tak tak thei lova, chuvangin nakum inthlanna ah hi chuan Vote nei thei tur chin baka hi chu a la tel thei rih dawn lo a ni, pawl kan ti khawp mai tih hi ka chhanna a nie.

Pu Speaker, Kanghmun lam V/C te thil a hi chu a Deptt. in han tih mai theih niin a lang a, hei hi kan lo mangnghilh palh deuh pawh a ni thei a, hei hi chu kan rawn umzui ang a, tih puitlin kan rawn tum ang e, tih kha kan chhanna a ni e.

S P E A K E R

: Awle, Question Hour a tawp ta a, kan List of Business angin kan kal dawn ang a, chumi hma chuan hei kan Member pui

Tlungvel bialtu zahawm tak Pu Sainghaka chu Mizoram pawnlamah medical check-up kal a tul avangin Session-ah a rawn tel thei lo a ni. Kan List of Business ah kan kal ang a, Dr. Lalzama, Minister of State chu paper lay turin kan sawm ang a, hemi hma hian sawiduk pakhat ka neih chu tihsualpalh liau liau in kan List of Business semah khan spelling tihsual kan nei a, The Mizoram Narcotic Drugs and Psychotropic tih a Psychotropic tihlai tak a kha s kan chhu hmasa a, p leh s kha a awmna inthlak tur a ni a, kan lo tihsualpalh liau liau a ni a, House hriatthiamna kan ngen a. Tunah Dr. Lalzama, Minister, The Mizoram Narcotic Drugs and Psychotropic Substances Rules, 2004 House a lay turin ila sawm ang.

**DR. LALZAMA
MINISTER**

: Pu Speaker, i remtihna in leh phalna in The Mizoram Narcotic Drugs and Psychotropic Substances Rules, 2004 chu he House zahawm takah hian ka rawn lay e.

S P E A K E R

: Awle, a copy kha han sem ni sela a tha ang e. Business chu Discussion and Voting on Demands a ni a, Minister pahnih te chanpual chhawpchuah a ni a, Voting on Demands ah chuan hei hi a hnuhnung ber turte an nia, kan tihdan pangngai ang khan a mal mal a la lovin a pahnil hian la lehngal mai ila a tha mai kan ti em ? Le, chuti anih chuan Dr. Lalzama, Minister zahawm tak a Deptt. enkawl te tana Demands for Grants House-ah rawn pharh turin ilo sawm ang.

**DR. LALZAMA
MINISTER**

: Mr Speaker Sir, on the recommendation of the Governor of Mizoram and with your permission Sir, I move the demand No. 7, 21 and 23 for Rs. 41,18,14,000/- only for meeting expenses during 2004-2005 in respect of the following Deptts. Demand No. 7 - Excise Rs. 7,82,97,000/- Demand No. 21 - Higher & Technical Education Rs. 30,34,02,000/- Demand No. 23 - Art & Culture Rs. 3,01,15,000/- Total Rs. 41,18,14,000/- only. Thank you.

S P E A K E R

: Kan Chief Minister zahawm tak Pu Zoramthanga a Deptt. enkawl te tana a Demand House-ah rawn pharh turin ilo sawm ve ang.

**PU ZORAMTHANGA
CHIEF MINISTER**

: Pu Speaker, i remtihna leh he House remtihna in kum 2004-2005 inkara ka Deptt. chan a Demand hrang hrang No. 1, 2, 3, 5, 9, 14, 15, 39, 40 leh 45 te kan pawisa hman tur hetiang hian House-ah hian ka rawn submit a. Chutah chuan Legislative Assembly ah Rs. 7,84,00,000/- Governor-ah Rs. 5,10,000/- Council of Ministers-ah Rs. 1,89,60,000/- Vigilance-ah Rs. 1,00,16,000/- Finance-ah Rs. 1,19,79,66,000/- Planning & Prog. Implementation-ah Rs. 14,87,31,000/- General Administration-ah Rs. 29,12,18,000/- Power & Electricity -ah Rs. 1,04,08,70,000/- Industries-ah Rs. 17,34,49,000/- leh Public Works Deptt.-ah Rs. 1,56,08,01,000 a vaiin Rs. 4,52,09,21,000/- Ka lawm e.

S P E A K E R

: Awle, Minister pahnih ten an Demand an pharh a, kan sawiho ang a. Nidanga Demand for Grants sawiho angin Member tin te 12 minutes theuh pe ila, Group Leader leh Opposition Leader te pawh an hun neih ngai kha nise, tha kan ti tlang em ? Pu Lalduhoma kan sawm hmasa ang a.

PU LALDUHOMA

: Pu Speaker, ka lawm e. Vawiin chu a bul kan tan ang e. Demand No. 39 ah hian kan lut nghal ang a. Tuirial leh Tuivai khuah tur pahnih atan hian May 29, 1996 ah daih tawh khan Mizoram Govt. leh NEEPCO hian agreement an lo siam fel tawh a, he agreement pahnihte hi a lui hming tih chauh lo chu danglam a awm lova, ni thuhmuna sign ve ve a ni.

Tin, kan State Sorkar-in kan chan ve tur hi 32 MW chauh a ni a, Tuirial atangin 7.2 MW, Tuivai atangin 25.2 MW a vaiin 32 MW zet chauh kan chan ve tur a awm dawn a ni.

Tin, agreement para 8-na ah hian ti hian a in ziak a, 'The total land required for the construction and completion of the protect shall be acquired by the State Govt. and handed over to NEEPCO on payment of necessary fee to the State Govt. as assessed by the State Govt' Chumi awmzia chu tuikhuahna atan ram tul zawng zawng Mizoram Sorkar-in a laksak ang a, a

lakna rate a siam ang a, sum ngai zawng zawng chu NEEPCO in a pe ang a, chumi hnu-ah Mizoram Sorkar-in NEEPCO hnenah ram chu a hlan ang tihna a ni. 'handed over' tih hi Pu Speaker, 'hlan' tih bakin ka let thiam lova. Lawyer ka ni lova, constitutional expert pawh ka ni bawh lova. Mahse, kan ram zau tak mai hnamdang kuta pek ringawt mai hi vawiin ni thleng hian mi tam takin khuarei thleng a kan hnam pum tana la pawh hle turah an sawi thin a, a pawh hle nge pawh hle lo kei chuan ka hre lova, vawiin niah hian hriat ka duh khawp mai. Agreement sign anih laia kan Chief Minister zahawm tak vawiin niah kan Opposition Leader ni in kan zingah a awm a, chumi hnu a he agreement rawn ti puitlingtu kan House Leader a awm bawh a, anni pahni hnen atang hian he ram hnamdang kuta lo hlan maina-ah hian a pawh viau love an ti mai nge, an lo ti palh nge, engnge a awmzia min hrilhfiah se ka phut a. Pawh vak lo pav i anga in chhirheh nan kan hmang anih chuan a dik ka ti chuang lova, min convince thei sela ka duh hle a ni.

Tichuan, kha agreement 1996 a lo sign tawh kha lo felhleh deuh anih pawhin ennawna hun kum tam tak a awm chungin a ngai ngai in tuna kan sorkar hian a rawn ti puitling ta a, thu mai ni tawh lovin tisa ah chantir a lo ni ta a. Tuirial bika kan ram hectare 531.03 chu 1999 November, 5 kha he Sorkar hian NEEPCO kutah a lo hlan fel der tawh ani tih kan Chief Minister ngeiin hetah hian hmannah a sawi anih kha. Chuti anih chuan 7 MW lek Mini Hydel Project tha deuh hlekah pawh han neih mai theih tur atana kan ram zau tak hnamdang kutah kan lo hlan fel ta der mai hi a mak hle. Tin, a thu hrimah agreement kan en chuan hemi atana compensate tul zawng zawng NEEPCO in a pek zawh hnu-ah ram chu an hnenah pek chauh tur a ni. 1999 ah hian civil mi hnaena compensate pek tur chengkhat mah NEEPCO in min la pe mi h lo. Kan sorkar in thehluh pawh a la thehluh miah lo. Kum 2003 ah kan civil compensate hi chu pek tan chauh ani. Engatinge chengkhat mah a ram man pawh min pek hma a a ram pumpui chu kan lo pek mai le ? NEEPCO hian veibelchhe 4 min pe tawh a, vaibelchhe 18 an la ba a, kan ram sum tur, kan ram an lakna tur za ah 95 an la bat an tlak hma hian engatinge a ram chu an lo pek thawt thawt ? Engatinge an hmanhmawh viau ? Kan Politician ten thil an lo hrechiang tawklo anih pawhin kan Official te pawh hi mifel pui pui awmkhawm, hre zawk te an ni a, helaiiah hian engatinge an ngawih, an lo veng tha tawh lo em ni ka ti a ni.

He House-ah hian vawi engemaw zat ka sawi tawh, Bengal Eastern Frontier Regulation, 1873 Section 7-na te, Indian Constitution Article 46-na te hian kan ram chung a cheng mihringte leh a leilung hi tha lutuk a min venhim sak lai hian heng. Dan tha kan neih ang hmang lova hetia kan ram kan nghaisa hi a pawika ti a ni. Tunah hian a siamthat dan a la awm em tih ka rilruah a awm a, handed over tih chu hlan tihna a ni a, an hlan felder tawh mai chu a ni a, khatia hand over tawh hnuah khan a hand over dan kha sawi a awm bawksi lova, tunah hian rental basis in kan la ti thei em? lease system te in kan la ti thei em? a kawng a la awm em? kan House Leader hian min hrilhfiah se ka phut a, duhthusam leh mumang ram ni lovin a theih tak tak leh theih tak tak loh thu he House-ah hian min hrilhfiah se ka duh a ni. Anih loh leh Central Sector-a kan dah hi State Sector-ah dah dan a la awm em? a tih theih dan a la awm em? hengte hi a hnen atanga hriat ka duh khawp mai.

Tin, Compensation chungchangah hian Tuirial khuah in a chim tur area ah hian Forest ram km 17 bial a awm tih a ni a, chumi ram lakna atan chuan Compensatory Afforestation atan 1998 daih tawh ah khan NEEPCO hian kan Forest Deptt. hnenah crore 24 a lo pe fel diam tawh. Chumi hnuah chuan civil mi ta tur chu pek tur a lo ni ta a, hetah hian kan Sorkar a muang em em a, NEEPCO Executive Director zawk hian kan Chief Secretary hnenah lehkha rawn thawnin July 31, 1999 hma in heng hi chingfel tura tih a ni si a, vawiin thlengin engmah in lo theh lut si lova, tiin a rawn nawt zawk hi mak ka ti. Engatinge a hmanhmawh zawk tur a muangchang zawk a kan tan? tute unauten emaw ram an la nei tam tawksi lova kan nghah vang em ni zawk? Tichuan, Phase-I, II, III thlenga a pumpuia an final theihna hi chu nikum chauh kha a la ni. An han peih meuh chuanin vaibelchhe 22 chuang NEEPCO chuan pekbelh tur a lo nei reng mai, chu chu NEEPCO in a pe duh ta lova, kan buai ta anih hi. Engnge an duhlohna chhan? He tuikhuah area sq. km 17 Forest ram man vaibelchhe 24 kan pe tawh che u, a tawksi tawh ani lawm ni, an ti a. Hetiang ang zat zat mai civil mi ram pek tur a lo la awm cheu em ni, a tam ber hi Forest ramchung a ni bawksi si a, chumi man kan pek tawh si chuan Forest ramchungah mimal ram chuti zat a awm thiang dawn em ni? Lo awm pawh nise Forest Conservation Act hmang hianin in hnawtchhuak tur ani mai lawm ni? compensate pek tur hi a tam lutuk hrim hrim, thei leh thlai hlu hetah hian engmah kan hmulo, mau bak a awmlo, heti em em chu kan pe thei tawh lo che u, an ti a. Chu chu kan mutan ber a lo ni ta a ni.

He thil in a khawih-ah hian ka bial mipuite tam tak an awm a, chuvangin mipui rilru a natzia hi ka hria a, bigha 10 rau rauah a ram neitu dik takin singhnih khat an dawn laiin chutiang ang tiatah tho chuan mi thenkhat khaw hla tak taka awmte zawk chuan nuai 10 chuang an la dawn si a, a assessment siamdan rualkhai lo lutuk te hian mipui rilru a tina ngawih ngawih tih he House-ah hian ka sawi duh a.

Tin, Compensation chungchang hi Rawlthar Bi-Weekly October 11, 2004 ah khan a lo chhuak a, chutah chuan kan Chief Minister leh a chhungkhat laina hnai ten Rs. 92,42,000/- lak tur an lo nei reng ani tih a rawn inziak a, ka chhiar tirh chuan mak ka ti khawp mai. Official Document kan bih chiang a, he House ngeia tun tum Session-a Revenue Minister-in zawhna a chhaina copy hi kan en a, kha Chanchinbu-a inziak zawng zawng kha a lo dik thlap mai hi a lo ni a. Kan Chief Minister zahawm tak nau Pu C. Vanlalchhuana chuan a ma hming leh a fate pathum hmingin Aizawl, Electric Veng Address a hmangin Serial No. 120, 121, 125 leh 127 ah hian Rs. 45,50,000/- lak tur an lo nei reng mai a. Tin, an laina dang panga Serial No. 126, 128, 131, 134, 137 heng mi panga te hian Rs. 46,92,000/- lak tur an lo nei bawk a lo ni a. Tichuan, he chhungkaw hlawm pakhat hian an lak tur hi a vaiin Rs. 92,42,000/- a lo ni ta a ni. Pu Speaker, kan House Leader te chhungkua heti taka huan lama an tui pawh hi tunhma khan kan lo hre ngai lem lova, heti em em a ram an lo ngah hi a mak ka ti khawp mai. Hei hi Phase-I hnuaia Block-III hnuaia Saipum Area a mi vek an ni a, a vai hian V/C pass thah an ni. V/C te hian huan pek theihna an nei lo tih lah kan hre vek si a, chu chauh a la nilo, Phase-II leh III Zerzawl tih lampang ah te hian Lal chhungkaw dang an inzep nasa lutuk hi hun awmse vawiinah hian sawi ka chak khawp mai. Mahse, sawina hun a awm lo, an la la lo bawk a, an la inzep tul mai a ni.

Tlawng atangin Serlui 'B' a ni emaw, Lengpui Airport a ni emaw, Project lian kan tih apianga Lal chhungkaw inzep tei vet hian Politician te hi mipui hian min ngainat loh phah a, min zahloh phah a ni, he House zahawmna pawh hi a hnukhniam thin a ni. Tichuan, Phase-I bik hi kan Chief Minister chhungkaw awmna a nih avangin chak taka kalpui a ni ta bik a

Tuirial Compensation Claimant

Association din a lo ni ta a, chumi te chuan nikum August 1-12 chhung 'cha road block an siam a, NEEPCO ho chu hnathawk thei lovin an siam ta a ni. An han inbia a, Phase-I a mi a chanve chu pek an remti ta a. Tichuan, Rs. 40,00,00,000/- zet kha an pe ta a, kan Chief Minister chhungkua hian Rs. 46,00,000/- an la fel hmak tawh a ni, Missionary nuaikhat thawnchhuah pawh an tan chuan har vak tur a ni lo reng a ni. 2nd Instalment ah Rs. 46,00,000/- dang an chhungkua ringawt hian lak tur an la nei bawk. Chumi anih avang chuan chak takin 2nd Inst. Atana nawrna a awm leh ta a, tichuan kumin June 9 atanga August 13 thleng khan ni 62 chhung NEEPCO ho khu hnathawk thei lova siam a ni ta a, Pu Speaker, mak deuh mai chu NEEPCO ho hna thawk theilo a road block siam a band siam tute khuan hlawh neiin zu thawk a mawle. Band siamtu tur hlawhfa an vuai a, kan Chief Minister nau in an eitur leh an hlawh turte, an in turte a tum vek an ti, a kal ngei ten min hrilh a ni. Pu Speaker, hlawhfa maia band siam khawvela ka hriat chhun a la ni. Tichuan ni 62 an tibuai a, NEEPCO hovin a dangah pawh khuah tur kan ngah, min veng duh lo leh dan pawh dang tha duhlo Sorkar hnuaiah hian a changin min kidnap thul an ti a, an puanthuah telin an haw ta a, vawiinah hian kan buai ta anih hi. Tichuan, tunah chiah hianin NEEPCO te an lo in withdraw tak avang hian he project lian tak hi hlamzuih mai thei dinhmunah a ding mek a, tunah tak hian eng dinhmunah nge a awm tih hi vawiinah hian ka zawt duh. Eng ang chiaha kalpui tum nge anih ? A assessment, a compensation te hi revise leh a, uchuak lutuka dawng turte hi tih tlem a NEEPCO hi tih lungawi theih a la ni em ? A nilo anih pawhin Forest Deptt. in crore 24 an lo dawn tawh kha heta tan hian a hman mai theih em ? loval arrangement siamin crore 18 a la ngai a, crore 24 chuan a daih a ni lawm ni ?

Tichuan, a tawp nana ka sawi duh chu Pu Speaker, 1982 atangin kum 22 a ni ta, Mizoram-in tui kan khuap ve tawh hemi chhung hian tuikhuah project 20 kan khawih tawh, 5 thawh mek a ni, adang kan zo tawh. Heng kan zawh zinga a chanve vel chu fur lai chuan chhawr ve theih, a chanve dang erawh hi chu hluihlawn leh chhe vek tawh an ni. Heti em em a kan tuikhuah a tlo lo te, kan sum sen zozate ka ngaihtuah hian hruaitu kal tawh zawng zawng mai te hi mifel pui pui an ni chung hian dem mai palh hi awl ka ti khawp mai. Kum 20 chuang chhunga kan tui khuah zawng zawng a power chhuak chu MW 7-8 chauh a ni. Kan hnathawh hi a nep lutuk, tui kan khuah reng rengin

Compensation engzatnge ka dawn ang, a kawng tu in nge lai ang, a in tu in nge sa ang, a khawl tu in nge supply ang tih mai maiah hian kan hotute an. kalral thin niin a lang tlat. A power tak tak lamah hian kan tui tak tak lo nite hian ka hre thin a. Chuvangin, hmanni lawkah te pawh Bairabi Thermal Plant kan Chief Minister-in ropui takin May thla ah a hawng a, vawiinah engmah a la ni si lova, awmze nei lova thil hawn mai mai hi a ninawm. Entirnan - Sakawrdai-ah SDO(Civil) Office an hawng a, Pu Speaker, i bial khaw thenkhat leh Ratu Bial leh Suangpuilawn Bial a enkawl vek a, a zau khawp mai. Vawiin thleng hian a Staff neih chu Sweeper pakhat leh Driver pakhat chiah a la ni. Tiang mai mai a Sub-Division hawn hi kan sawikai lawk anih chu.

A tawp berah chuan, kan hotute chu ka demlo riai ang, mifel pui pui anni si a, Zan Arsi eng hnuai thutiam lakluhte tan chuan a lo harsa a ni e. Zan thim hnuaiah zawng NEPCO Engineer thiam pui puite meuh pawhin tui an khuap thei bik lo a ni. Lal Davida khanin Temple a sa duhlo a ni lo, mahse a kutah Pathianin a dah tlat lo, 'Nang zawngin i sa lo ang, thisen chhuah mi i nise a' a ti tlat mai. Chuvangin, Pu Speaker, ni a chhuah hi a ngai a ni. Lo khawih tawh lo law law mai sela, ni chhuah hun atan lo dah tha tawh mai selangin a tha in ka hria. Ka lawm e.

PU LALRINLIANA SAILO: Pu Speaker, ka lawm e. Tuikhuah chu kutin kan la khuap dawn nia damtein awm ila. Demand No. 21-na Higher & Technical Education ah hian engemaw sawi ka duh a. Hei, nikum khan Sorkarin B.C.A. zir ve theihna: Zirtiri Science College ah a dah a, a lawmawm hle a ni. Amaherawhchu, tunah hian Zirtirtute hi Guests Lecturer vekin an la awm a, hengte hi tihngheh dan a awm em? tih khai Minister zahawm tak khan min lo hriatsak se. Tin, I.T. ah State dang kan an ve theihna, kan khum theihna tur zawkah ka ngai a, hei hi tih changtlun dan a awm lawm ni? Tin, chu B.C.A. chu tunah hianin semester thumna exam an ti dawn chauh anni a. Sikul-ah hian Qualified Teacher hi kan mamawh thuai thuai mai bawksi a, chuvang chuanin helai hi Sorkar hian ngaihtuahna an pe thui thei deuh em? tih ka zawt duh a.

Tin, Post Graduate Diploma in Computer Education kum khat zir vel tur hi Sorkar hianin a siam thei lawm ni. A chhan chu tunah hian ka hriatsual loh chuan Computer hi Sikul-ah an sem tan tawh mai a, sem tumna zel pawh a la awm chhova, Deptt. dang dangah tepawh. Chuvang chuan High School leh Middle School-ah te heng ang zirtirtu turte an awm loh chuan Computer leh a supply ilo vel a kan rilru a len khan a dik dawn lova, chuvang chuan helai hi ka rawn sawi a ni.

Tin, thil pakhat leh chu subject thar Electronics leh Bio-Chemistry hi job-oriented in tih tawh a niin ka hria a, course hawn tawh a ni a, ram hmasawn zelah zirlaite, Mizoramah pawh zirlai brilliant tak tak an lo awm tawh a, chungte tan chuan kawng in hawng chho turin Bio-Technology hi Session tharah hian Sorkar-in a hawng thei tawh ang em ? tih hi ka rawn rawt a ni. Hei hi zirlai lo thangchho zel tur te leh Zoram tan a tha dawn hle in ka hria a, chulai te chu Demand No. 21-na Higher & Technical Education-ah khan ka han sawi lawk a ni.

Tin, Demand No. 23-na Art & Culture-ah hian, hei tuna kan Sorkar zahawm tak hi Mizo National Front a ni a. Mahse, Art & Culture, a Mizo-na lai tak hi in ngaihthah riau in ka hre mai a, hetilo deuh hian tih dan a awm em ? Entirnan - Traditional Dance kan ti emaw Folk Dance kan ti emaw hetiangte leh hla leh thil hrang hrang han zirtir tur hian sum leh pai a indaih loh lutuk avangin tunah hian YMA atangin Demand a sang em em mai a, Folk Dance te zir tur hian. Tunah sawn zirna hmun pakhat a awm a, mi 30 vel zir theihna. Tahchuan, YMA Branch tam takin an dil thin a mi 200-300 velin an dil thin a, kumtin hian. Tin, chu mai ni lovin YMA Branch emaw Club-in emaw a khaw hrang hranga an tih hian Art & Culture hnuaia zirchhuak tawh ho kha an in tir chhawng a, Deptt. atangin TA/DA an pe lo reng reng a, khami Club emaw YMA emaw khan pawisa an lo pe mai thin a. Chuvang chuan a Mizo bera inchhal si hian hei hi an ngaihthah deuh em aw, ka ti a ni. Kan Office tepawh hi 'Hnam Run' tih a ni a, a hnam lai a hi kan ngaihtuahlo deuh hlek em aw, ka ti a ni. Music & Fine Arts chungchang tepawh saw tunah Mizoramah zaithiam an tam em em tawh a, Pu Rokunga'n Rimawi Ram a tih tepawh a dik chho zelin a lang a. Chutih rualin heng hi khawng an kal zelang. An future tur, thangtharte develop chhoh zel dan tur hi a awm em ? Sorkar hian ngaihtuahna seng deuh se.

Tin, eng Deptt. ber tur nge ka hre lova. Mizoramah hian Film hi an siam a, tawngmawilo ni suh se, a hman hmanin an siam ta a, hei hi censor emaw hi a awm lova, a nilo zawnga min hruai chhe thei a awm tlat a ni. Naupang zawkte hruaichhe thei a awm tlat a ni. Deptt. tha tak enkawltu fel tak nei tase a tha dawn lawm ni tih kha kan sawi duh a.

Tin, Demand No. 1-na Legislative Assembly hi. Hei, Committee hrang hrangte a awm a, mahse Committee thuchhuak hi Deptt. hian an ngai pawimawh lo deuh em aw, ka ti a ni. Helai hi dan siamna hmun a ni a, pawimawh kan tihte leh kan ngaihdante kan theih ang tawk tawk kan thawh ve te leh kan thuchhuakte hi Deptt. hian an ngai pawimawh lo deuh em ni ? Ram hmasawna tur ani emaw, corruption dona a ni emaw leh subject committee kan tithe hi Deptt. hian min ngaihthat lek lekin ka hria. Kan Chief Minister hian lo hria se, tun hnuah chuan hetiang thuchhuak hi Legislator kan nihna angin min lo hriat sak se.

Tin, GAD ah hian, Lengpui Airport khu hmannah pawh Pu Speaker, orientation course a min tirh thlak khan flight cancel avangin kan buai hle mai a ni. Tin, 22nd October atanga 25th thleng khan cancel a ni a, a chhan leh vang bera lang chu fuel a awm tha lo a ni, ATF an ti a hemi hi awm tase, tunah hian Silchar a mi an zu la zela tichuan Silchar-ah chuan CST ah 4% an chawi niin ka hria a, a sual loh chuan. Chuvangin, Lengpui-ah hian awm ve tase a tha in ka hria. A chhan chu khua a lo chhiat chuan an rawn risk ngam thin lo a ni, re-fuel na tur oil a awm thin loh avangin a ni a. Oil hi litre nuai li, nuai nga te awm theihna siam ta ila chuanin flight cancel tam zawk hi chu avoid theih awmin alang a ni.

Tin, chumi rual chuanin ILS (Instrument Landing System) an ti a, hei hi kan Chief Minister hian ngaihtuah vat se ka ti a ni. Tunah Marginal Weather Visibility hi an sawi danin metre 5000 emaw a lo ni a, Boieng tan. Hemi ILS a awm chuan khawchhiat pawhin rang takin landing a awm thei dawn a ni. Hei hi a pawimawh a sorkar hian rilruah neih se rei pawh a ngaih ka ring lo a ni. Tin, pawisa kan neih loh pawhin Central atangin emaw Doner atangin emaw ti vat se a tha lawm ni.

Tin, khulai administration ah hian duhthu a sam lova, Staff an indaih lova, faina chungchangah pawh hian kar kawtchhuah ber a ni sia, Staff te ti tam deuh se a tha lawm ni. Chumi rual chuan Restaurant pawh khu a nihna tur ang dik takin ni tase. Damlohna in anglo tak tak thil kan hmuihmer ti theilo tam tak awmte tan khuan a rimchhe em em mai a ni. A chhung khu a khu chel chul mai a ni. Chuvang chuan, a chungah khuan Restaurant tha tak a awm a, engatinge a function loh ? tihte ka sawi duh a.

Tin, Terminal Building atanga thlawhtheihna inkara ruahsur ni khua-a kal theihna tur Bus emaw, engemaw khu tih ve vat nise ka duh a. Aviation chungchangah chuan chung chu ka sawi ve leh duh a ni.

Pu Speaker, Serlui 'B' chungchangah ka sawi leh duh chu, Serlui 'B' hi khawngaih takin a wind-up nah ah rawn teih hram se, ka duh chu tunah hian Jungle Clearance-ah 1,17,000 hi agreement ah khan an ti niin ka hria a, engatinge 382,70,352 hi tu accept nge ni a, engatinge lumpsum ringawta an dah tih hi ka sawi duh a. Tin, Technical sanction accord hi an tizel dawn em ? tih kha ka zawt duh a ni. Tin, spiel-way te, eartiera dam te, power house te, diversion-ah te hian heti zat zat a dah hi a diklo, heti lo deuh hian a tih theih lawm ni ? tih kha ka han zawt duh leh bawk a. A pawl dawn khawp a nia, kan nawr tawh hi chu kan nawrtlang thak zel dawn tih kha ka sawi duh a ni. Drawing han en reng reng hian leiverh chhungah Jungle Clearance a ngailo reng reng a ni. Tin, P & E ah hian Civil Engineer te hi engahmah an chhawro em ni ? tih ka zawt duh a.

Tin, Pu Speaker, pakhat lelah chuan hemi Generating Turbine Machine hi Adviser or Mizoram Consultant khan Mega Watt khat zelah crore hnih a advice-a chutih rualin kan Chief Engineer hian vaibelchhe thum-ah a dah niin ka hria a. Chumi anih chuan Mega Watt 12 atanga han chhut chuan vaibelchhe 12 hi a chuang liau liau a ni. Mizoram Consultant khan cheng vaibelchhe hnih Mega Watt khat thawhchhuah nan a tih laia engatinge a thum an dah rikngawt ni ? Chuvang chuan hemi project pumpui a khu a to ta lutuk a, a tuartu chu rethei chiah kan ni dawn a ni tih kha kan sawi duh a.

Pu Speaker, hemi ka han sawi a hi Zero Hour pawh ka hmang a, a hmunah ngei kan kal a, Tuirial-ah pawh a hmunah ngei ka kal a, ka hmuchiing a ni, ka sawite hi a dik thlap a ni, dawt a tello reng reng. Chuvang chuan khawngaih takin hetiang lo deuh hian ni teh se jungle clearance atana nuai zathum sawmriat pahnih singsarih leh zathum sawmnga pahnih ni lo deuh hian an accept na ah khan 1,17,000 chauh a ni si a, engtizia em em nge ni ? A tuihang heti em em a hawp chu a dik loving. Hei hi kan duh lo. Chuvangin, khawngaih takin hei hi min ensak leh rawh se. Ka lawm e.

S P E A K E R : Tunge han sawi leh tur. Pu R.Lal-zirliana. Chumi zawh chuan he- lamah kan ti leh dawn nia.

PU R. LALZIRLIANA : Pu Speaker, ka lawm e. Vawina kan sawiho tur hi Deptt. pawimawh tak tak vek mai an ni a, sawisen a ni dawn si lova, pawika ti hmasa a. Hei a hmasa in mi ngaih pawimawh tho, ka hma a mite pawhin an ngai pawimawh a Art & Culture hi tawite in a point te chauhin han sawi ka duh a. Mizo hnam anga kan nihna hriat tirtu Deptt. kan neih a ni a. Tin, a pahnihna-ah chuan hnamdang te chanchin min hriattirtu Deptt. a ni bawka a. A pathumna-ah chuan kan Culture bo tur vawn him kawnga tan la tu a ni a. tin, chumi anih rual rualin kawngtha dang min kawhmuhtu kan culture te a chhelai siam tha a khatiang ang a titu Deptt. kha a nia, hei hi hriatzui fe a tha in ka hria a.

Tin chutah chuan a pawimawh ber mai pakhat lo lang thei chu Library te, Art & Culture Library lian tawka tha tawka kan neih hi a pawimawh a. Hmundangah Kolkata ah te himunpui dangah te kal ila lian pui pui Archive Building te khawi khawiah emaw an nei a, chutiang ang chu a awhawm hle in ka hria a. Chuvangin, Library tur hi Sorkar hmasa Congress Sorkar kha chuan sawlai Millenium Building an tih takah sawn in awm selatih a ni a. Amaherawhchu, tuna sorkar hianin Capital Complex-ah sawn niawm takin ka lo hria a, hengte hi daipawna dah chi loh tak mai a ni a, a hulum lai taka dah chi niin a lang a. Hengte hi tih zawh a ni emaw, tunah pawh sawn chutiang anga ngaihtuah pui dan chu a la awm em ? A building kan neih hi chuan Central lama hetiang lam tui mi Deptt. lam hian engkim kan sum seng miah lova an rawn tihpuitlin theih tur anih avangin tan kan lak a tha in ka hria a, chu chu ka han sawi hmasa duh a.

Tin, Demand No. 7-na Excise Deptt.-ah hianin. Hei, Total Prohibition State kan ni a, kan Kohhran leh mipui duhdanin hetiang hian kan awm a, tan la turin min duh a ni, mipui hian. Chutih kawngah chuan kan Excise Deptt. te hi an thawktha hle in ka hria a, theihtawp an chhuah a, amaherawhchu, Zu erawh chu a tam a ni. Hei hi engatinge kan tih chuan ni hmasa lama kan sawi tawh angin anmahni aia lal ni a inhria Police Officer lian pui pui ten zu an lakluh thin avang hian an hriat hi a tam a, mahse an man ngam loh hi engemaw zat a awm a ni, an vanduai a siamin a changin an man chauh zawk a ni. Excise Deptt. hi a pawimawh em si avangin anmahni hi kan thuamthat a, hlemhletna it lo tura kan siam te pawh hi a ngai a ni.

An thawhna field atang hianin hlemhletna a irhruailuh hi a awl em em mai a ni. Chuvangin, vawiinah pawh hian kan Officer tam tak chu an ni lovang a, engemaw zat te hi chu Bawngkawn-a Zu an zawrhna runpui te saw check ngam tawh lo tepawh an awm niin ka hria a ni. Hengte hi engvangnge kan tih chuan zu zuar mi hausa ho khan Bike te, Gypsy te, eng engemaw an leisak aawlh nawlh ni te pawhin hriatna ka nei a ni. Chutiang ang hlemhletna umbo tur chuan kan siam a ngaiin ka hria, duhsakna kan pek hi a pawimawh hle in ka hria a, chutih rualin a thawktu ber Constable te an tlem a, strengthen a pawimawh bakah anmahni hlawh hrim hrim pawh hi Police-te nen Nurse te nen inangtlang vek 24 hours hnathawk an ni a, chutiang ang chu hlawh tlemte pek an ni fo mai hi kan hotute hian kan ennawn takzet zet a, heng atan hianin kan ram thianghlim nan Kristian-na mipuiten kan duh ber tih hlawhtlinna atan chuan engatinge pawisa hi kan ui lutuk tur em ni ? Kan Constable te pawh hi 24 hours an thawh ang hi Deptt. danga hetiang ang thawktute hlawh an hmuh ang hian hlawh hi kan pe ve tur niin ka ngai a, tiang chuan kan hotuten theihtawp chhuah turin ka han beiseiche u a ni.

Demand No. 39-na Power chungchangah hian tlem han sawive a tha in ka hria a. Hei, Tuirial Hydro Electric Project chungchangah hian Compensation diklo takin claim na a nasa hle ani tih a hriat a, hei kum 1990 khanin Revenue Deptt. atangin helai hmunah hianin tuman inhmun lo ram neih awi loh a ni a, LSC Pass reng reng pawh pek tawh loh tur a ni tih a chuang a ni, Sorkar-in order a chhuah a ni. Chumi denchhen chuan March 2, 1997 hian Notification Section 4 chhuahin helai hmuna ram nei zawng zawngte in report tur leh khatiang ang khanin ka sawi tamlo ang a, chhuah ani leh ta a.

Tichuan, helai hmunah hian chutihlaa LSC nei tute chu mi tlemte an ni. Mi 47 helai hianin ka zawhna sorkarin an chhanna-ah hianin alo lang a, chumite chu Revenue in a LSC a pek a te chu an ni a. Tichuan, 1997 hnulamah kha chuanin hetiang reng reng a V/C pass a ni emaw, eng pass mah kha neih theih tawh loh tur a ni. Mahse, tun Sorkar hi a lo piang a, 2001 ah khan 1997 a Notification an chhuah ang chiah chuan hei an rawn chhuah nawn leh ringawt mai a ni. Chumi awmzia chu kan sorkar rilru hi notification lochhuak double leh ta ah ringawt hian alang chiang em em a ni. Khami inkar hun reilote chhung khan compensation claim theih tur a ni, khulai khu an khuap dawn ani tih an hriat avangin mi tamtak anlo inthun ta a ni. Hei hi a zahthlak hle in ka hria a, chumi mai chu ni lovin hetah, kan Minister thenkhatte chu Hlimen VCP te zu riahchilhin zan hnih lai an zu riak a, in ramah hian ram min pe ve rawh u, tiin 2001 ral dawn tepah khan an zu riak ngar ngar mai a ni. Anni khan Minister ve meuhina khatianga alo ti kha chu an lo zah a, development dangah te khanin an ensan ang tih an hlau a tichuan blank paper-in ram panga kha an lo pe a ni, a hming pawh ziak lovin.

Chutiang chuanin, chu pa te chuan vawiinah hianin a maktaduai tel compensation a la a, lak tur a nei mek a ni. Heta tang ringawt mai hian kan rilru putdan hi hnamdangten min hmu sela, keimahniah hi chuan kan mualpho a, a chiang tawh. Hnamdang hian min rawn teh ve sela kan va han mualpho nasa dawn em ! A rapthlak lutukin ka hria a ni. Chutiang chuanin ram nei reng renglo, a lem a zuk siamchawp mai mai, khawilai nge an ram tih pawh hre si lo ho khan vawiinah hian share an nei ta vek a ni. Heng Saipum, Mauchar, N. Hlimen, Zohmun, Palsang khawi khawi emaw khawdang tam tak a share neitu tur a te kha vawiinah chuan an chuang a, tlemte nuaikhat pawh tlinglo te, tam tak an pe a, Liandova te unauin Saphai an zuk that a, a ti tha pawh an chang ve lova, a chhia an pe ang lek khan vawiinah hian heng mi rethei ho anihna taka chang tam tur, pipu tuan leh manga lo awm tawh te engmah kan pe lo a ni. Hotute u, a zahthlak lutuk a ni, vawiin ni a kan hnam hruaituten in tihdan/kan tihdan hi a pawh ka ti lutuk. Hei hi mimal ang pawhin han sawi tur tam tak ka hria a, kan Lal chhungkua ber, hotute pawh ka hre vek. Amaherawhchu, vawiinah hian hei hi a tawpna ni sela ka va duh tehlul em ! Tiang chuanin kan Sorkar hnathawkte pawh an banglo, kan D.C Revenue te vawiinah ram nei reng reng silo, vawiinah heti zat hi pawisa an la tawh a ni. Lal chhungkuate nen a insiamremin hengte hi action in la ngam dawn lawm ni ? Heng kan sawi atanga in tih hian vawiinah hian Ram leh Hnam tan a mi tha in ni. Ram leh Hnam hmangaihtu tak tak in nihna a lo lang ang. Chutiang anih loh a, in ngawihbo pui leh mai hi chuan in tan hian khawvel eng hmuh leh tur chuang a vang hle in ka ring a ni.

Nichina kan ngaihthlak tak ang khan kan hotute, Lal chhungkua atangin Total Band an zuk siam a, hnathawktu zawng zawng kan dang a, chung atangte chuan vawiinah hian pawl ta em em mai a chu compensation an lo la hnem a chu thudang a ni, an la tam a ni kan hria a, ka hma a mitten an sawi tawh, chutiang ai zawng zawng pawh a la pawl chu vawiin a power kan tlachham a, kan nei lova, ramdang a mi kan chawlut a, eng ang pawhin helai a mi chu a man a kan lei tur pawh lo ni ve rawh se. Mahse, State dang a mi Jugali lek lek pawhin a min rawn cut sak theih mai thin a kha helai chuan a ni tawh dawn lo. Mahse, vawiinah hian he power kan nei tur a hi kan nei dawn nge dawn lo tih pawh a hriat tawh loh. Hei hi engnge ni a chhan kan tih chuan Lal chhungkua vang a ni, zahna chang kan hria angem aw, anni chuan compensation an la hnem a an chapo pui a ni maithei e. Amaherawhchu, vawiinah hian hnamdangten min endan tur leh kan corrupt zia leh kan lo nep zia pholanna a ni, mizo mipui kan nep a ni, a la ve lo pawh vawiinah hian min ti nep zo vek a ni. Lalchhungkaw rilru hetiang anih avang hian min hrechiantute chuan min van zah dawn lo em tih hi ka hmuh dan a ni. Chuvangin, he thil hi tawp tawh sela Pu Speaker, khawngaih takin Sorkar hmasa lamah te Lunglei Greater Water Supply Scheme ah khatihlala kan Chief Minister Pu Lal Thanhawla hming hliau takin kan ti a, mahse i thutna dawhkan atang chiah khan enquiry committee a din a ni. Khawngaih takin helai chuan enquiry committee min din sak rawh, re-verification turin heng ram nei zawng zawng hian an ram a an compensation lakah chuan Fruit & Commercial Tree an ti, khawi a commercial tree nge an nei hman? Ka ringlo reng reng heng hi i check ang u, I en ang u. Heta tang chiah hian kan hnam kan siamtha ang, kan ram chuan thawvenna kan hmu ang. Chutiang anih loh chuan vawiinah hian a sual sual te, a hlemhle hle te lalna ram, misuak sualte paradise Mizoram hi a ni tawh anih hi. Chuvang chuan hemi siamtha leh tur hian hotu zawng zawngte vawiinah hian ka ngen takmeuh meuh che u a ni. Ka lawm e.

PU P. P. THAWLA

: Pu Speaker, ka lawm e. Vawiinah kan Minister zahawm tak Dr. Lalzama Demand 3 leh kan Chief Minister, House Leader zahawm tak Demand 10 han en hian a sum tak lam te a thlamuanthlak hle in ka hria a. Chuvangin, hetah hian ngaih pawimawh zawngte leh ngenna te han sawi rik ve ka duh a ni.

.....797/-

Demand No. 45-na P.W.D.
hmalakna tur chungchang - Kan hnung Zirtawpni khan Phura kawng lampang pawimawhna nasa takin kan sawi tawh a, Phura hmun pawimawh takah khuan P.W.D. lamin I.B. tha tawk min sak sak ngei se tih ka duh em em a, chu chu ka han tarlang hmasa duh a. A pawimawh dawn chauh a, hnathawh tur a tam bawk si a. District Council-in sum an neih loh avangin Forest Rest House chhete maiah khuan kan milian kalkhawmho zawng zawng awmna an inchuh thin a, hei keini phei chu Election hmachhawn leh tur kan ni a, a pawimawh em avangin helai hmunah hian I.B. tha tawk tak he kum kal mek kan Budget atang hian hma min laksak thei se ka duh em em a ni.

A dawt lehah chuan Kawlchaw atanga Phura kalkawng bik hi BRTF lam nawr hlawhtlin anih pawhin engemaw chen chu a awi dawn avangin chumi hma zawnga kan kalkawng khu Saiha bialtu zahawm tak Pu Hiato khan Motor hi a steering vawm pawh a ngailo, axcelerator hi rap ila a kal zel mai a ni a tih ang deuh kha kan kalkawng a ni a, chuvangin a maintenance a pawimawh hle a, chu chu kan hotuten min ngaila pawimawh sak hram turin ka han ngen duh bawk a ni.

Saiha khawpuiah hian AOC kan tih, College peng atanga Saiha tlang kawm inkar kalkawng khi km 1 emaw lek tur a ni a, PWD in a metaling an ti zet tawh a, amaherawhchu, Sangau - Hnahthial Saiha road a BRTF nen thuneihna an in hlan lai khan helai portion bik hi BRTF lam kan dawr leh keimahnin kan la tel lo an ti a, PWD lam kan dawr pawh BRTF nen kan inhlan tawh alawm an ti bawk si a. Laklawh deuhin khilai kawng pawimawh tak si khi vawiin thlengin a awm a, chu chu kan hotuten min enchian sak a PWD kuta a awm anih chuan kan tan chuan pawimawh tak anih avangin a metaling repairing khi min tihsak leh hram turin ka rawn ngen duh a ni.

Tin, Demand No. 39-na Power & Electricity ah hian sawiduh ka nei a. Hei Power kan in sem dan chungchangah hian a rualkhailo deuh em ni ang aw, tih ka ngaihtuah deuh a. Entirnan - Mizoramin mega watt 40 kan hmuh hian Aizawl khawpui hian 20 a chang a, Serchhip-in 4.90; Thingsul-in 1.24; Lunglei-in 4.48; Lawngtlai-in 0.76; Saiha-in 0.86; Saitual-in 1.5; Khawzawl-in 1.24; Champhai-in 1.90 a ni a. Heng atang hian kan power chan dan hi chu a intluklo hle mai tih a hriat a. In tam lama

chhut nge ni a, Industry leh khawl hmangtute mamawh lama chhut a ni nge ka hrethiam lova. Saiha .86 lek kan hmu te District hmasaber zing a mi kha a ni ve a. Kan chan hi a tlem lutuk a, chuvangin eng kan nei tha lo a ni ang tih ka rilru-ah a lut a. Vanduaithlak takin March 30, 2003 khan Saiha 33 KV Sub-Station a kan penal board khi a kang zo vek a, vawiin thlengin repair a ni lova, kan power dawn hi Lawngtlai leh a chhehvel atangin khalh kual pek mai mai kan ni ta berin a lang a. Chuti anih chuan kan dawn tur ang hi kan dawng kimlo thin tepawh a ni ang. Tuipang leh Saiha vel hian power kan nei chhe em em thin a ni. Hei hi hotuten uluk zawka min enchian sak atan ka duh hle.

Tin, Saiha-a 33 KV Sub-Station a kan Transformer pahnih a kangchhe tawh bawk a, a repair thiam Pu Chhako, J.E. kha hmundangah an sawn tawh avangin repair lovin a awm a, kan hmanng lawk khan pakhat zawk chu an repair hram an ti a, chutiang chuan Power lamah nasa takin harsatna kan tawh a, zirlai lehkha chhar hunlai tak anih bawk avangin heng harsatnate hi rilru-ah a lang lian lo thei lova, chungte chu vawiinah House-ah ka tarlang duh a ni.

Tin, Power lama kan harsatna em em pakhat leh chu 1999-2000 inkar vela Lawngtlai atanga Tuipang lampang kal tur 132 KV Tower Line hi a hmanrua thir te Lawngtlai-ah phurh thlen vek a ni tawh a. Mahse, hemi hmanrua Tuipang lam kal tur hi kum 2000 velah khan Tuirial Hydro lama hman atanah phurh let leh vek a ni tih hriat a ni a, a dik emaw. Chutiang anih avangin KV Line pangngai hi chu thing tlu te eng eng emaw ten a tichhe zung zung zel a, chuvangin heng khawpui Aizawl hmun atanga han tehin a kil ber District-a awmho hianin power lamah hian kan duh khawplo em em a ni. Chuvangin, a hlatna hmunlamah kalkawng a peng darh te a awm lehngal nen kan chan a tlem si phei chuanin harsa lo thei kan nilo ani tih rilruah a langchiang hle a. Chuvangin, Power & Electricity lampanga mawhphurtu, hotuten henglai kan harsatna hi tun aia uluk zawka min ngaihven ka duh a, chu chu ka sawi duh a. Tin, chumi point ah chuan kum 2000 District Council CEM ka nihlai te khan Tower Line Tuipang thleng tur kan neih tak loh a kan harsatna thu ah hian kan Chief Minister zahawm tak hnenah pawh ziakin kan theh lut fo tawh a, nakina kan harsatna chhunzawm tawh loh nanah hemi KV Line pangngai ni lovin Tower Line ngei hi Tuipang thleng thei hram se, chumi hmalakna lo awm tawh mahse hnukir leh mek ani tih kan hriatte hi ngaihtuah sak leh vat ni thei sela tih a chakawm hle a ni.

Excise Deptt. hi kan ngaihthlak tawh ang khan Deptt. pawimawh tak mai Mizoram Total Prohibition kan tih atanga he Deptt. hi a pawimawhna mipuiin kan hriat lar tak a ni a. Zu leh ruihhlo do pawl anni, an thawkrim hle mai, a thawktu sipaite hi zathum leh sawmli leh pakhat post pek kan nihah hian nasa takin thi leh pension te avangin a kiam tawh a, 317 bawr vel thawktu sipai an awm chauh a ni. Tin, chutah a thawktute hlawh leh hamthatna chungchang ah Police Deptt. lama an zawlpui te, Fire lam a mite leh Jail lam a mite nen intluk lohna nasa tak a awm a. Chumi chungchangah nichin a Saitual bialtu zahawm tak rawn tarlan tak te kha a tha hle in ka hria. Hengah hian heti tak a kan sipai pawimawh ve si te phur taka an hna an thawh theih nan chuan kan sorkar chak tak hian a ngaih pawimawh thar atan tha hle in ka hria a chuangin ka han belhchhah duh a ni. Reilote ka han enkawl khan helai a hmalak dan tur Total Prohibition ramah kan puang tawh si a, kan hmalakna hi duh a khawplo deuh e tiin ngaihtuahna nasa tak ka seng hman a.

Tunah a kalzel dan tur engtingge ni ang ka hre lova, chutihlala ka han ngaih pawimawh chu Excise Deptt. hian State Bank hlui building awmna hmun khu Deptt. ram atan an lei tawh a, cheng tam tawkin. Amaherawhchu, mahni building neilo anih avangin Commissioner awmna Office leh District Superintendent awmna Office hi thla khata kan senso hi Rs.25275/- lai a nia, House Rent ah nasa takin sum kan seng a ni. Plan sum neilo Deptt. a ni a, Non-Plan ringawta 7 crore 82 lakh vel nena kal mai a ni. Chuvang chuan plan sum neih loh lehngal phei hi chu harsatna tam tak Deptt. tan a awm a, chuangin hemi a Deptt. in building tha tawk tak a neih theih nan kan Engineer-in-Chief lamte pawh ngenna te siamin kan Plan & Estimate te min siamsak turin kan han ti a, chu chu tunah engtingge a kal tak zel ka hre lova a rang lama Excise Deptt. in mahni building ngei hmun laili lai berah a neih theih ngei hi thil chakawm tak a ni. Chutia mahni building anih chuan District Officer te, Commissioner Office te hmunkhatah a in khungkhawm vek thei ang a, cheng tamtak House Rent a kan sen te hi seng tawh lovin kan Total Prohibition Programme kal zelah chak zawka hmalak na alo nih theih ka beisei a. Chuvangin, he hna hi ngaih pawimawh atan ka han tarlang duh bawk a ni.

..... 800/-

Mamit leh Lawngtlai-ah Excise Deptt. kan la hawn theih loh avangin heng District bikah te hian ngenna a nasa hle a, chungte pawh chu a hmamin he sorkar kalchho hian ngai pawimawh thei hram se tih hi hemi Budget Demand sawi rual hian ka han tarlang duh bawka ni.

Tin, Higher & Technical-ah pakhat ka han sawi leh duh a. Hei, Saiha khawpuia kan Govt. College hi zirna hmun pawimawh tak mai a kilbera kan neih a ni a, Minister zahawm tak a enkawltu hian kan ngenna angin August thla khan vawikhat a han tlawh tawh a, Computer an hman turte pawh chawpchilhin nuai 25 aia tam man a pe tawh a, tuna kan harsatna ber chu Class 11 & 12 Science Deptt. hi Secondary lama pek anih tak avanga kan Science Deptt. tlahniam, a thawktu Lecturer thiam tak takte Aizawl lamah lakphei an ni lehngal nen chu chu siamthat theih ni hram se Science bikah te hi chuanin Lecturer tun a awm hi an indaih tawk bawka, chuvang chuanin Class 11 & 12 Science bik Secondary a awm, Lecturer an neih that si loh avang a College-ina chawmtu tha a neilo hi a thalo hle in ka hria a. Zirna ah nasa takin an hnufum phah a, chuvangin College ah hian a dah leh theih mai lawm ni ? tih ka han tarlang duh a ni.

A tawp berah chuan Pu Speaker, he College atan hian building tha an neih theihna tur atan hian Annual Plan ah, Budget ah te a tel thin a, mahse vawi leh khatah tam tawk dah a harsa bawka, dah chhun lah kha kum ral dawn chuan thildangah divert zel anih avang hian vawiin thleng hian building tha an nei lova, chuvangin a changtu Minister zahawm tak pawhin hetia Saiha College in building tha a neih theihna tur atan thahnemngai zawka hma min laksak zel turin ngenna ka han siam nghal bawka e. Ka lawm e.

PU R. KHAWPUTTHANGA: Pu Speaker, a hmasa bera ka sawi duh chu Demand No. 9-na Finance Chief Minister zahawm tak chan a mi kha kan sawi duh a. hei, sum leh pai lam hi hmasawna bulpui ber a ni a, kan hriat angin. Hemi chungchang thu ah hian Ministry hmasa atanga tun Ministry in term khatna an lak ah khan kan hriat theuh angin sum leh pai dinhmun harsatna a chho zel kan ni a, a han rochun a pawh kha belruak a ni tih kha a ni a. Chuta tanga han in sep chhoh leh kha thil har tak a ni a. Sorkar hnathawk hlawh pawh kha engtinge an san ngam tih pawh kha mak tak a ni a. Mahsela, huaisen takin sorkar hnathawk hlawh tekha sang takah han dahchhoh a ni a, tichuan hlawh an pe thei tawh lovang ti chungka kal zelah khan an pe chho zel ta a, kan term hmasa ah khan tuna Ministry chelhtu te hian, a lawmawm hle in ka hria. Chumi mai ni lovin an hnathawh that avangin remna leh muanna chungchang thu ah Mizoram mai ni

lovin North East pumpuiah leh Central pawhin a hriatpui leh a rin anih avangin kan Chief Minister zahawm tak hmalakna te avangin Peace Bonus crore 182 Central-in a han pe ta te kha kan Chief Minister kaihhraina an rin zia tihlanna a ni. Khami atang khanin liability leiba nasa tak lo awm tawh tepawh kha rullh alo ni ta a, chuti ni lo se leiba pungchho zelah khan tun dinhmun hi thlengchho ta ila hlawh pawh kan in pe thei tawhlo ang a, hmasawna kawng pawh kan zawh thei kher lovang. Chu chu kan dinhmun kha a ni a, mahse khami atang khan engmah harsatna lutuk awm lovin Treasury khar pawh awm lovin RBI pawhin sum kal mek lo stop/cut emaw pawh awm lovin vawiin hi min hruaithleng a ni.

Tin, Finance Management chungchang thu ah pawh kan hriat angin Plan ah chuan nikum ah crore 480 kum n ah crore 615, crore 135 lain a pung a ni. Hengte hi en in Mizoram pumpui Central lam atanga thirin, compensation chungchang te kha chu sawi tur a awm ngei ang tunhma thil sawi dawn ila a tam lutuk, tute emaw Chief Minister chungte pawh an ni ang, tu chungte pawh helai a kan Chief Minister mimal tih pawh ni lova hetia kan aupui chian hi a tullem lo a ni. Chuvangin, Financial Management chungchang thu ah kan sorkar in a tih that avangin thildang dangah rinna min pe a, Development tepawh a kaltluang a, kan chhehvel state ah, pheichuan Development pawh a kal thei lova buai hlirin an khat a ni.

Tichuan, Finance bikah hian Loan a tam kan tih te pawh hi sum haichhuah a tam avang hian Central atanga plan local reng reng hi 10% Loan kha a ni a, sum haichhuah a tlem chuan Loan a tlem a ni mai a, a tam takah chuan ari mi pekna hi 60% a ni a, special category state kan nih avangin 10% hi kan rullh tur a ni chauh a. 90% chu grant a pek kan ni a, state lian dang Central a mite chu chutiang ni lovin Loan ah khan 70% a nia, grant ah 30% chauh a ni a. Chutiang dinhmunah chuan kan ding a, Chuvangin kan sorkar hmalakna tinreng hi Central lam atanga an lo chhut a, India Today in a tehna-ah pawh khan 3-na tlingpha kan nih kha.

Tin, Demand No. 40-na Industries ah hian - Mizoram hi Industry lamah tun thleng hian kan la sanglo hle a, in chhuanna tur kan neilo viau in ka hria. Mahse, lawmawm tak ni a ka hriat chu helam atana thawktuten a Deptt. leh a Minister changtu kan Chief Minister nen nasa takin tan an la a, hma an

sawn hian beiseina min heih tir a ni. Tunah hian Industrial Growth Centre tepawh Luangmual-ah din a ni a, thui tak kan ti tawh a, a chhunga kawng laih turte leh widening leh thildang set siamte leh plot siam zawng zawng kha 80% an zova tunah hian rei vak lovah hian hman mai theih turin hna an thawk thei dawn a ni.

Tin, Industrial Park, Lengte tepawh hi export promotion lam thlira Central atanga lo kal a ni a, 25% hi export chu a ni a, hei pawh hi an thawk tha viau mai a hmun an hian pe a Insutry lam a hmasawna tur kawng a lo awm ta hi hemi pahnihna-ah ringawt pawh hian kan thangin hma kan sawn a ni tih a lang a.

Tin, Sairang Bamboo Industry tepawh hi kan han sawi bawh thin takna a, a bultan chauh a ni a, la commission loh a ni a, mahse thil tih tur a la awir Joint Venture a ni a, Taiwan a company te leh Venus Bamboo Products Limited te nen share nei tih a ni a. Mahse, kumthar lamah chuan chinfel mai theih tur niin kan ngai a. Industry lamah hian Bamboo ah a bik takin a bu pui tur lai a ni a, private sector ah phei chuan thawkmek pawh an awm a, bambocply siamchhuak tawh pawh an awm a, private lamah chuan a kal dawn chauh a ni, sawi tur tam tak a awm thei a.

Leihnuai hausakna haichhuah thu ah pawh Deed of Agreement ONGC nen kan sorkar-in a siam a, tunah leihnuai hausakna pawh an chhui tan a, Oil & Natural Gas pawh awmin an hria a, chuvangin Kawnpui/Hortoki velah kawng PWD pawhin a siam sak zela, khulalah khuan an haichhuah hlauh phei chuan Pathian malsawmna ropui tak helaiah hian lo thleng thei tur a ni a. Tunah haichhuak tam tawh phei ila chuan Bairabi tuikhuah leh Thermal Plant ngai lovin Gas hmang hian State danga an tih ang hian power namenlo hi a siamchhuah theih a, Pathian kutah a awm a ni. Kan Sorkarin nasa takin tan a la a, beiseina sang tak kan nei thei a ni tih kha ka sawi duh a.

Demand No. 45 PWD chungchangah hian kan hriat theuh angin Development atana pawimawh chu sum leh kawng a ni a, kawngpui hi a pawimawh a, Mizoramah hian tun anga kawngpui laih thar a hmasawna hi engtik laih mahin History ah a awm ngai lova. Kan hriat angin tunah pawh tender tam tak a awm a, inchirhtheh nan kan hmang zui lehngal a, heng pawh hi hmasawna nasa tak lo chhuahna tur a ni a, tender mek a ni a, tuten emaw tender hi an duh duh a an tih a, Chief Minister in emaw an duha an pek mai mai theih pawh a ni lo.

Technical bid te a awm a, chutianga tih chu a ni a, tute emaw chu ngamtlak an awm ve ang a, chungah erawh chuan heng hi rawn ngaihtuah ve teh u tih te chu thil awm thei a ni a. Khalai kha thawh theih loh tur khawp a za a 60 chauh a hna in a chang ang tih zawng kha chu thil awm theilo a ni tih ka sawi duh a, a awm dawn bawk lo a ni. Tuna kan kalpui danah chuan technical bid leh prime bid te expert ho in an kalpui a, expert ten an tih hi kan tihchhiat sak dawn lo. Rintlak takin kawngpui zau tak a kal dawn a, chuvangin hemi PMGSY mai hi a ni lo, NEC atanga lo kalte tunah pawh hianin Keitum - Artahkawn te, Bairabi - Zamuang-te, Saitual - Saichal, North East Bualpui tepawh sanction a lo chhuak tawh a, a telin Pathian malsawmna a lo kal zel a ni, a lo kal zel dawn bawk a. Hemi NEC leh PMGSY atangin a lo kal dawn bawk a, Mizoram kawngpui hi tun sorkar hian a term tawpa a laih nasat tur zia chu namen lo a ni ang. Chulai chu kan sawi uar duh a. Dik tak leh fel taka tih tum zel a ni a, in hlauhthawn ang chi erawh chu keini pawhin kai veng ve a ni tih erawh kha chu kan sawitel duh bawk a ni. Ka lawm e.

PU LALHMINGTHANGA: Pu Speaker, ka lawm e. Kan Demand hrang hrang hi a tam viau mai a, chuvangin Deptt. tin hi chu sawi sen ani dawn lova. Tin, Deptt. khatah pawh hianin tawite te ngaihmawh lai han sawi ka tum ang a. Pakhatna ah chuan Demand No. 9-na Finance hi han sawi ka duh a, hei kan House Leader zahawm takin a Finance a enkawl ngei te hi kawng thenkhatah chuan a thlamuanthlak em em a. Amaherawhchu, hetih rual hian a bat lam te hi kan huai lutuk ta em tih te a ngaihtuah theih a. Unstarred Question No. 12-na tun tuma kan session member zahawm tak Pu Andrew Lalherliana leh Pu R. Lalzirliana Unstarred Question No. 13-na zawhna kan sorkarin a chhanna han en in tuna kan sorkar sum dinhmun hi a hlauhthawnawm viau mai a, kan ba hi a total a ziahchhuahah hian ni 31.3.2004 ah khan cheng vaibelchhe 1847 leh nuai 60 a lo ni ta a, hemi hi a principal rulhna leh interest rulhna atana nikum laka kan hman 2003-2004 ah khan cheng vaibelchhe 337 leh nuai 69 kan hmang a kuminah hian vaibelchhe 350 aia tam mah hman leh a ngai dawn a, chuan kan non-plan dinhmun han en in heti zat kan lo bat tawh principal leh interest rulhna atana kan hman hi chuan a bang liam sorkar hnathawk hlawh pek kim pawh hi a huphurhawm em

em a ni tih a lang Chiang a. Chuvangin, kan sorkar serious taka ngaihtuan in he kan dinhmun entirnan - Newspaper, Megazine, All India-ah kan dinhmun heti zat a ni tih ang a va in thlamuan mai hi a fel tawh lovin a lang a, a reality a kha khatah khan a awm a, chuvangin hetiang zel a kumtin kan chhozol anih chuan kum tam daih tur hi kan ni tawh lo hrim hrim a, a tawpah chuan instalment state ah kan lut ang tih a hlauhawm tlat a ni. Chuvangin, a fact and figure hi uluk takin mithiam tak tak te finance lamah te kan nei tawh a, a theih chuan suggestion pakhat han siam leh hi kei ka la duh cheu a. heng kan project tam tak Revenue siamchhuak lo turte ang hi chu kalsan a, a tha leh productive siam tur, Revenue siam thei tur lamah hian kan neih ang ang te bel a, a puk lamah hian huaisen lutuk tawh lo tura kan kal a tha in ka ring a, kha kha detail discussion a ni bawh a, finance ah hian kan sawi duh a ni.

Tin, Public Works Deptt. hi kan sawi leh duh a, a bulpuiah chuan tuna kan sawi finance bawh kha a ni mai a. Plan lamah chuanin hmalak zel anih lain helaia kan non-plan pawisa leiba rullh ngai tam si sorkar hnathawk hlauh pek ngai bawh si tin, O.E. ah hman ngai bawh si khan maintenance hi a ti khawlo zo ta vek a. Mizoram a PWD kawng chan reng reng hi chu pharisai deuh taka enkawl, tawngkam tuman lo haw lose a kawngpui lunlai deuh hi kan ti hnum a ni mai a, kawngpui atanga han pen tawhna hi chu PWD in a enkawl hi tunah chuan a chhe em em vek tawh mai a ni. Chuvangin, hengte pawh hi heta kan finance dinhmun siamthatna tur kan tih atang zawk khan a rawn irhchhuah si loh chuan tun atanga kum 3/4 ah chuan maintain loha an awm chuan Kawlchaw-Phura kawngte ang khan a chhe vek dawn tihna a ni a. Chuvangin, khati zawng khan PWD maintenance pawh hi kalpui theih dan kawng a awm lawm ni tih kha kan sawi duh a.

Tin, Mizoram PWD Code hi neih ngei a pawimawh mang e ka ti ta a ni. A chhan chu tuna kan Deptt. lian lian te, a Technical lam a an hlauh chungchang thu te leh a Officer liantena hlauh thila an buaina lai ah pawh a rawn irhchhuahna bulpui hi chu Mizoram PWD Code kan hman vanga chumi atanga thil kalchho chu a ni ta a, chuvang chuan henglaite pawh hi a tu a te tan pawh ram leh hnam rilru pu taka a solution hi zawn tlan a tul ngei dawn a. Chuvangin, Mizoram PWD Code hi siam ni tase chu chuan tuna kan thil kal hmang hi experience kan Officer ten an nei tha tawh bawh a thui tak khatah kha chuan thil zuk tih danglam te pawh a pay lamah te leh thildang reng rengah keimahni ram milin kal theih a rinawm a, chungte chu kan sawilang duh a.

Tin, mahni bialah hian han luh loh theh loh hi a ni a, nikum Budget Sesion ah khan zawhna ka siam a, Lunglei-a District Road kan tih mai Lunglei Thana atanga kalphei a Chanmari kaltlanga Farm Veng-a kal, Lungpher hnuai a kalphei a Assam Rifles Gate-a chhuak saw min repair sak teh u. A chhe tawh lutuk em mai a, kal ngaihna pawh a awm love. Tin, a pot hole te leh thildang pawh vaivut hian an hnawh thin a, sorkar tan pawh a hmingchhiat thlak a, vaivut sen kha sorkar alkatra te an ti tawh mai mai a ni tih ka sawi khan House Leader zahawm tak khanin hei hi tun thal chhunga thawh zawh ngei tur a ni. Bul pawh kan tan e, a ti a. Kan han lawm viau a, ka sawilaite khan alkatra kha an chhuang khu a, a hnu lamah chuan tih nawn leh a awm lo reng reng a, kumin thalah hi chuan min tih zawh sak ngei turin kan ngen duh bawk a.

Tin, Electricity ah hian kal leh ta ilangin Demand No. 39-na. Ka bial hi khawpui chhung huam ve si, mahse khawpui ang a street light te leh thildang nei tha lo an tam em em mai a. Ramthar Veng-ah sawn high mast min siam sak a, kan lawm hle a. Mahse, tunah hian a eng thei miah lova, Street light dang a tha bawk si lova. Tin, Lunglawn-ah te, Salem-ah te, Hauruang-ah te, Theiriat-ah te, Electric Veng leh Chanmari, Luangmual sawmi MAP II Bn. awmia thleng sawn eng an hmuhdan saw a tha tawklo em em mai a. Chuvangin, khawpuichhung Urban Area-a puan kan ni tawh si a, hetah hianin sorkar hian special efforts siamin street light te leh high mast a siam angte saw chu a maintain tha thei lawm ni tiin kan sawilang duh a ni.

Tin, General Administration hei kan ramah hian Trade Union tepawh an lo ding ve ta a, heng member-te hi hna mawlte te, M.R. te, Sorkar-ah pawh hna nghet thawk lo te an ni tlangpui a, hei hianin pawisa hlutna lo tlahniam zelah hian an hlawh kalchho zel a hi chhungkuate nei ve an nih avang hianin an khamlo em em mai a. Chutiang mite dinhmun venghim tur chuan minimum wages act hi India sorkar pawhin a hmang a, tin, State tin pawhin an hmang a, heng Trade Union a thawkte hianin tunah pawh kan sorkarte hnenah hian minimum wages hmanga an hlawh siamthat an phut hi phut satliah an ni lova an nupui fanaute chawm a, harsatna nei, keimahni ang bawk a mihring riltam thei, tuihal thei an ni a. Tin, thawmhnaw leh chenna In mamawh ve an nih avangin minimum wages hmang hianin an hlawh rate hrang hrang a hi enthat saka a Committee hian revise sak nise tiin an mamawhna kan sawilang duh bawk a ni.

Tin, Power & Electricity hi han sawi leh ta lawk ilangin, Serlui 'B' Compensation hi hei Association-te pawh an indin hial a, Association ten an lo hriat danah he Compensation atan hian 17 crores dawn hi pawisa lokal tawhah an ngai a, chu chu Rural Electric Cooperation atanga rawn kal ni-ah an ngai a. Tichuan, hemi hmutu turte hian an Lo-ah leh an eizawna ah te hian kut thlak tawh lo turin kum 2 dawn lai sorkarin a lo khap tawh compensation rate a san chhoh loh nan notification pawh sorkarin a siam a ni. Mahse, waviin thlengin he compensation hi la pek loh a ni a, mi 600 chuang an ni. Chu chu khawngaih takin sorkar hian a ngaihtuah rang thei lawm ni? An Leilet te, an Lo te khawih thiang tawh bawk si lo, ekcheh thut a thing lubul a zawng dan ang mai a thut kha an tan a hrehawm tawh a. Chuvang chuan a latu tur ho hi a zavain cheng vaibelchhe 5 nuai 91 sing 6 sangkhat zathum sawmngai pali a ni a, an assessment ah hian pek theih an ni tawh lawm ni tiin ka rgen sak a ni.

Tin, Demand No. 7-na Excise Deptt. hi a pawimawh hle mai a. Hmanah 1978 chhovah khan he Deptt. hi a changtu ah kan tang ve a, Constable awmzat turte leh a bul tan chhovah kha ka kutchhuak tepawh han ti ta ilangin a dik thawkhat ve tho mai a. Khatih laia kan number kha down sizing avang hian a tlahniam lehngal a, Constable leh Police number te pawh hi tihlen hi a tul tawh em em mai a. Khanglai kha chuan a dik chiah chuan problem a la sang lova mahse hun rawn kalchho zelah prohibition kan tih duh dawn chuan kan la mamawh ang tih kha a ni a. Tichuan, a Deptt. hi enlarge chuang lovin a awm chho ta reng a.

Tin, service inang tak tak hi Mizoram Sorkar hnuaiah hian Police te, Firemen te, Jail te, Excise te hengho hian nature of duty te a inang a, an tlem avang hian man power an neih tlem avangin an rim phian a. Tin, Total Prohibition te alo nih chuan hna alo tam a, khawchhak lam Golden Triangle atangin Narcotic Drugs hrang hrang alo kal a, khawthlang atangin Legal Drugs ang a lang si Proxyvon te alo kal a, chungho chu anni zathum leh tlem emaw lek hian an hma chho ta a, an khawngaihthlak hle a, an hlawhte pawh hi midang ang level a siam nise. Police leh Firemen te leh an mahni a nga thawkte chubakah facilities, ration money tih te an hnathawhna tur atana an equipment Motor te, Silai te pawh an mamawh a sorkar hian ngaihtuah sak se.

Higher & Technical Education ah hian hmani khan Zero hour ka hmang tawh a, tahkhan Lunglei Polytechnic ti changthuang tur leh tuna zirlai book grant pe turin ka ngen sak a, tunah hi chuan World Bank Fund hmangin sorkarin a la a, changtlun lam pawh a pan zel a, lawmthu kan sawi duh a. Chumi rualin anni saw book grant tepawh pek ran theih nise School naupang rethei te te ten an zir a, hei hi min hriatsak reng turin ka ngen a.

Demand No. 23-naah hian a hnathawktute hi ngaihsak mumal an ngai a, Museum te an enkawla, guide te an awm tha mang lova. Library tepawh an nei a, mahse enkawltu staff an indaih lova. Hnathawktute dinhmun hrim hrim hi Deptt. dang thlir kual hian special deuhin emaw thlir pui ni tase. Art & Culture hnuaiah hian Tribal Research Institute te, Star Archive te pawh hi Library te bakah khanin a enkawltu an ni a. Chuvangin, he Deptt. hi kan hnam symbol kengtu an nih tlat avangin sorkarin a service condition te, pay scale te, manpower te hi hmasawn thei tura rahbi thar a hlankai a tul hle in ka hria a, kan ngen sak a ni. Ka lawm e.

S P E A K E R

: Awle, kan chawl ang a, chawhnu dar 2:00 ah kan lut leh dawn nia.

S P E A K E R

Awle, chawhma lamah mi parukin kan sawi a. Pu Liansuama'n han sawi tan teh se. Pu Liansuama i lo sawm ang.

PU LIANSUAMA

Pu Speaker, P.W.D. Demand No. 45 na hi tawitea han sawi ka duh a. A Minister changtu Chief Minister ni bawkin min lo chhinchhiah sak sela.

Darlung leh Bawngthah inkarah kluan P.W.D. kawng an lai a. Chu chuan Electric ban an lai thlu a, vawiinni thlengin kum 2 a ral hnu hian siam that a la ni ta lova. Hmun thenkhata PHE pipe te an nawr chhiah a, siam a ni leh mai lova, mipuiin an tuar an sawi ang chiah kha a ni a. Hei hi min lo chhinchhiah sak in tunhnai mai hian min tih that sak sela, kan duh em em a ni.

Tin, kan veng Chawnpui hi kan Minister Pu Rinchhana tan han sawi tepawh a remlo deuh ang a, kan kawng khu a chhe em em mai a. Hmanni khan bialtu Pu Rinchhana a zuk kal a. "A lo chhe em a nih tak hi maw le" a ti a, chu zawng chu a ni a. A tha chuang bawk si lova. Inrinni khan khawtlang hnatlang an pun ta ringawt a, Department-in Road Roller a rawn thawh a, tichuan kan han hai khawm vel a, engtin tin emaw, kan han chil mam deuh thuak a. Department tan pawh a bik takin Chief Minister enkawltu tan pawh a thangtlawm thlakin ka hria a. Kanaan leh Zotlang lamah chuan nikum lam tea an rawn siam tawh avangin khulai Chawnpui veng chhung chauh khu hmabak a ni a. Village Council inthlan dawn leh inthlan dawn reng reng hian bungrua leh hmanrua hi an rawn dah teuh a, inthlan a zo a, an phur chhuak leh mai thin a. Inthlan a hla deuh bawk a, siam tak tak kan duh hle mai tih ka han tarlang a. P.W.D. hian tuna PMGSY te hi awm ta lo se, hnathawh tur an nei lo a chha ni tawh hian a lang a. Chuvang chuan, heti ngawt lo deuh hian State plan pangngaiyah te, han belhchhah theih dan a awm lawm ni, tih tawitein ka han tarlang duh a. Helai hi sawi sawi pawha sawt lutuk hlei thei lo kan House Leader hi Opposition leader a nih lai khan Burma rama Communist hel pawl hotu pakhat Tin-ye-a chanchin a sawi thin a. Chu ang deuh chuan han sawi mah ilangin kori a tu thei lo hle a, a tawp-ah phu a ti e a ti a chu ang deuh chu a ni ber a. Han sawi pawh hi engeni a sawtna ti chungin ka'n sawi ve talh a. Kan khawpui chhung kawng hi, hei Domestic leh International Tourist te

pawh kan hmu ta nual a, a chhe ta lutuk hlawm a. Chuvang chuan tun thal hian chuan a siam that theih lawm ni? khu keini kal thlakna kawng lam, Vaivakawn aia hla te pawh an ni ang. Tin, Tanhril-a kan University te a lo function tawh a nih pheih chfuan a chhiat dan chu a chhia tih hian a sawifiah pha lova. Supply Minister zahawm tak hi a zuk kal a. An siam tha deuh dawn emaw kan ti a. Mahse, a tha ta chuang lova. Kawng pawimawh em em kan nih hlawm avang leh khawpui darthlalang, ram darthlalang a nih avang hian, chung chu kan tarlang hmasa duh lawk a ni.

Pu Speaker, Vigilance chungchang thu hi tawite han sawi ve ka'n duh chu kan Vigilance Department awm dan hi Secretariat a inkhaiin Anti Corruption Branch hi a enkawl ani mai a. Tunah hi chuan a inkhai chhawn diat awmdanah hian hna an thawk dawn chauh a, chunglam atangin lo chawl rihru tih hi a awlsam ta lutuk a. Entirnan, Education Department a MR bill tam takte sorkar hnathawk kan lak chungchangthu tepawh kha tunah hian an chhui chhuak thlap a, proved an nei a. Mahseng, a kal zel theih ta tlat loh mai te ngaihtuah hian tun aia tih chak deuh a, State Vigilance Commission kan neih hma hi chuan Corruption chhui chhuak kawngah hian kan Police te fakawm hle thin mahseng a hmawr a bawh tak tak theih loh tih chiangin a lang a. Chumi hawi zawng chuan kan sorkar hian hma la seng tih duh thawh thilah kan sawi tel a ni.

Tin, Finance leh Planning hi han sawi kawp ta mai ila. Secretariat Economic Services ah Rs. 7801 lakhs lai a awm nawlh mai a, Planning Department Operate tur, ni turin a lang a. Heti em em hian Secretariat a Planning Department a pawisa dah tam hi engatan nge? Hei Science & Technology te Planning-in a enkawl then a. Chung atan chuan a ni zozai awm si lova. Hei hi nakinah khaikhawm rual a rawn sawi lan atan kan tarlang bawh a ni.

Lunglei South bialtu zahawm tak khan Loan chungchangthua kan fimkhur a ngaihte a sawi a, tlem han belh ve kan duh zauh chu tun tumah hian Plan budget hmanni lawka kan ngaihthflak leh kan sawimek ang hian Vaibelchhe zaruk sawmparuk leh nuai sawmnga pahnih kan nei ta a. Hetah hian engzatnge kan State-ina kan tum ve tura min ruahman sak? Tih leh Loan component engzatnge tel nghal? Central sorkar atanga hemi Block Loan pangngai a awm thei ang a. Tin, Financial Institution Loan te pawh a awm thei ang a, chuvang chuan 616 brake-up kha nakinah min han hrilh selangin, a lawmawm ngawtin ka ring a. Pawimawh em em mai chu Pay Commission hmanah din a ni tawh a, mahseng a recommendation-te duh-

thu a sam tawk loh avangin a zuzi ta a. State kan niha chin 1987 atanga chhut chuan hei a lo rei ta viau va, chuvang chuan, Central Pay Commission Recommendation leh an Report entawn ti tih pawhthiat ti tihin kan kal kan kal mai a. Chuvang chuanin, nuar a tam a; a nuar an hlawhtling thei fo bawk si a. Chuvang chuan nuar hi kan intihhmuh zo ta ni berin a lang a. Tuna kan tihtur pawimawh bera langta chu State Pay Commission hi din ila, rang takin din ni selangin hun pawh tha deuh hlek pe ilangin. Chutah chuan, hengte hi thiltih chakawm lutuklo a nih vangin kan sorkar pawh hian hei kum khat champia a lo pha dawn ta a. Tun kum thar lo awm chho tur January thla chho atangte hi chuan din nisela, a report theh lut rang sela. Tun hnu zela Mizoram sorkar hnathawkte awmdan tur atan ruahmanna fel tak rawn siam se'ng, kan sorkar tawp dawn lampang khan ngaihtuah dan kan hotuten an nei a. 1972-ah U.T. ah kan lut a, 1986 ah Central Pay Commission report a awm a. Chumi ang ang chu pawm ve mai ila; Central Secretariat-a U.D.C. te leh kan U.D.C. te hlawh, kan Driver te leh an Driver te hlawh inang chho vek mai se'ng a tha lawm ni? a thenah kan pawm a, a thenah kan pawm leh lova. Heng hnathawk zawng zawng chingfel tur hian a base tura chu chu Commission-ah chuan engpawh an hmang ang a. Chuvang chuanin, Pay Commission hi din ila, Engineering rual leh Class-I ho an inchaltauh tih fote a reh hlenna tur atan leh kawng chi hrang hranga kan harsatna min sutkian sak tur hian pawimawh hlein ka hria a. Pay Commission din kan sawi chhuak a nih chu.

Demand No. 40 na Industries Department ah hian tawite han sawi duh kan neih ve a chu. Mau policy hi a lar ta khawp a. Kan Chief Minister phei chu, fiamthu pawh a ni a, titak pawh a ni a. Miin Mau Chief Minister min ti mai e, a ti a. Nodal agency hi kan ruat fello riauin a hriata. A chang chuanin Horticulture lamin kan subject a ni anti deuh bawk a, Forest lampangin an lo ti bawk a. Tichuanin a processing chinah chuan Industry tihtur chu a ni ngeia. Khawi chinah hianin nge he Department he policy, Nodal Department hi kan ruat ang? Vaibelchhe 20 lai BAFFACOS project ah kan lo nei ta a. Hengte hi tun nge Coordinate ang tih zuk ngaihtuah chuan, Nodal Department fel taka kan ruat hi a pawimawh hle a ni.

Tin, adang lelah chuanin Industrial Estate, Zuangtui ami hi tun aia kan thuum that a pawimawh a, private in nasa takin an nek a sorkar hianin order a chhuah tawh a, private encroacher te chhuak turin tum 2 lai hun kaltawhah khanin order a chhuah a, mahse, chu chu an pawisak a hlawh lo hle a. Kan sorkar dinmun tak hi engnge? Tin, chubakah chuan Industrial Estate enkawlina tur atan hian

sum leh pai pawh kumtin dah a ni ziaha. Mahseng a hmandanah hian Deparment hotute an duh angin an kal thei lo lutuk a, he hunah hian kan Chief Minister-in a hna amite an thalo e tihna lam nilovin Industry an chang bawk a, Party workers te han duhsak lo nih pawhin Department hotuten pawimawh an tih ang thawk lo khawpa sawtilai kan hlamchhiah reng saw diklo viauin a hriat a. Chu chu kan tarlang duh lawk a ni.

Tin, chutih rual chuan road side Work shop ho hi atam ta hle a. Work shop kan tih chuan Industrial Unit te te, anni a. Hengte pawh hi lawlamah te, khutah Luangmual lama Industrial Estate siam thar angah te kan khungkhawm theihna atan leh khawpui chhung alo mawihnai zawkna atan a pawimawh hle a. hei kawngsirah Workshop kan siama two wheeler workshop kan siama. Vantlang kawng hi workshop in hna an thawhna alo ni ta deuh mai a. Tin, thingzai khawl te kan buna, chutiang zel chuan PWD nen pawh kan sawikawp ni mai sela; vantlang kawng kan P.W.D. kawng hi sumdawna hmunah kan hmang a ni ta deuh ber mai a. Chuvang chuan, helai hi enkawp a pawimawh hle a. P.W.D. leh Industry Minister changtu a nih lai hi a remchan lai tak pawh a ni awm e.

Tin, Pu Speaker, chulo lelah chuan I.T. lamah hian hei hma kan sawn hle a, a hming pawhin han sawichhuak ta ila mi fel tak Scientist Muana kan sorkarin ala chhuak a. Amaherawhchu, a dinhmun kan zawng nasa lutuk hian Industry a kan Officer te nasa takin nuarte an tum ut ut kha ani a. Amah a tha lo lam ni lovin, mimal tana kawng zawng reng renga hma kan lak hian mi a tithuanawp thei a ni tih hria a, tun ang lo deuh te hian a kal theih lawm ni? Tin, kan lo hriatdan hi a dik chuan khuti lamin an rawn tih ang tih loh an nei nge ni? Amah hi Central sorkar Ministry ah pawh hian a dinhmun hi tha takin a awm mek niawm tak a ni. Chuvang chuan, tunhima khan Industry Department hi, Nodal Department hi I.T. ni tura ruahman anih lai khan tuna ruahman dan kal chhoa hi chu a fuh lo deuh thei em? tih kan Minister lo chhinchhiah atan.

Power Department ah hian engvangin nge Teirei Hydrel Project, M.W. 3 lai dekchhuak tura ruahman a kha Private hnenah hand-over anih tak mai? Teirei Hydrel Project hi Mini-Hydrel Project kan neihah chduan eng pawh pawt chhuak tam berte zinga mi a ni ve a. Bus thar kan lei te te a, thenawmpa nang enkawl rawh le tih ang chauh a ni ta mai hian kan ngai a, kan bial lamte thinsung ana hle mai a. Chuvangin enge a that zawkna Private hnenah hlan ringawt mai hi? Teirei Hydrel Project hi Department hian a enkawl zo lo ta ngang em

ni? tih hi tawitein kan sawi duh bawh a ni. Pu Speaker, sawitur a tam khawp a, tuntum chu Pu Speaker ka hun ka'n bawhchhe lo mai ang e, ka lawm e.

S P E A K E R

A lawmawm e. Pu K.Lalrinliana kha a phar naa, Pu D.Thangliana a ding hma sa a, Pu D.Thangliana i sawm mai ang.

P U D . T H A N G L I A N A

Pu Speaker, ka lawm e. Hei, vawiinni ah kan Minister zahawm tak Pu Zama Demand leh kan Chief Minister Demand sawi tlan theihna hun tha tak kan han nei a, a lawmawm hlein ka hria a. Vawiina kan sawi diat diat duha chu, demand No. 23-na Art & Culture atang hian ka han tan ang a.

Art & Culture Department hi Mizo nih phungah leh Mizo hnam nun chawisanna zel tur chungchangah hian Department pawimawh tak mai a ni a. Chutianga chawisanna tura an hmalakna hrang hrangte pawh hi a tha thawkhat viau a Tin, hmanni lawkah Sap ram lamah tepawh kan Mizo nih phungte zuk tiflang turin an zuk kal a, a lawmawm hlein ka hria a. Hnam inpumkhatna leh Mizo hnam nunphung ze mawi tunnunna pawimawh tak anih avangin Art & Culture Department hi kan ngaihthah loh a pawimawh a. Tunah pawh hian kan pawisa dahah hian dah tam theih nisela han dah tam a, heng hnam hrang hrangte Mizo hnahthlak zingah pawh kan culture, kan inhriat pawh tawn lohna avanga eng emaw inlak hran duhna thinglungte pu dawn dawn anga han langah tepawh hian Art & Culture Department atanga hnam khat kan nihna leh kan Mizo nunphung leh kan culture ang chi han inhriat pawh tawinna ang chi kha han neih tam hian boruak a siam viauin ka ring a. Hman deuhah khan Manipur-ah MZP ho an han kal tum khan Daduhi ten hnam inpumkhatna tur hla, Chhulkhat chhuak kan ni e tih hla an han sak te khan Manipur a Mizo hnahthlak, Mizo pawh ni a inhre meuh lo tam tak Zotawng pawh thiam lo ten Mizo tawngin hla an sa thiam a. Chutiang chuan khang thil tepawh kha thil pawimawh tak mai a

ni a. Chuvang chuan kan Arts & Culture tepawh hian he kan hnam inpumkhatna atan leh India ram chhunga khawsa kan ni a. India ram a hnam hrang hrangte nena kan relation ah pawh hian inpawhna tha zawk a awm theihna tur atan a Art & Culture ah hian nasa lehzuala hma lak nisela a duhawm hlein ka ring a. Tun aia tihchangtlun chhoh dan emaw hi kan dap chhoh zel hi thil pawimawh tak niin ka han hria a. Thil ngaih pawimawh awm tak Department hmui hmer awm lemlohna nimahsela kan inpumkhatna atana thil pawimawh tak a nih avangin tuna kan kalpui aia nasa zawk maha kan kalpuia kan uar zel hi thil pawimawh tak niin ka'n hria a, ka sawi tel duh a.

Tin, Demand No. 7 naah khan Excise Department chungchang hi nichinah ka hmaa sawitu tam tak khan an sawi tawh a. A pawimawh hle mai a, a pawimawh ang huih a thawktute kan indaih hlei thei lova. Sorkar sum harsat vang pawh a ni ang a. Hei kan hriat theuh angin Mizoramah hian Drugs chi hrang hrang tawlh luh a ni thin a. Chungah chuan kan thalai tam takin nun an chan mekna a ni a, chung lakah chuan a venhimna hna thawktu chu kan Excise force hote hi an ni a. Tunah hian constable pawh hi kan indaihlo viau a. District tinah hian Superintendent hovin a force engemaw zat daha Mizoram heng ruihtheih thil lama lo hluar zel venna atan pawh hian thil tul tak ani a. Tin, department lian lo tak nimahsela Excise Department hi Mizorama kan revenue chhungluttu pawimawh tak an nite hi a lawmawm hlein ka hria a. Ka hriatsual loh chuan kumin April atanga Oct. 2004 chhung ngawt pawh hian nuai 72 chuang lai mai revenue an chhung lut a. Chuvang chuan a revenue Taxation lampang leh Revenue Department lam nilo mahsela Excise te hi kan ram tana thil pawimawh tak mai hnathawk an nih vangin an pawimawh em em a. Tunah hian sorkar pawhin theihtawp chhuaha tih changtlun tumin an Office tur pawh mumal taka buatsaih a tum mek niin a lang a. Heng kawngah pawh hian mi tam tak nuntia chhanchhuahna tur atan Excise hi kan tihchangtlun zel a sorkar ang pawha kan tih tur pawimawh tak a ni a. Hnathawktu indaih deuh hleka han tih phei chu nise vawiina kan thalai tam tak ruihhloin a suat mek te hi venin an awm thei dawn a ni. Chutiang hna pawimawh tak anih avang chuan an hnathawhte pawh hi a ropui viau a, keini ho ina kan hriat mang loh hian mutmu pawh tuah mang livn hna an thawk thin a. Chuvangin, an dinhmun hahzia te, an inpekna nasatzia te han hmuh hian anmahni pawh hi tlema han thuam that theih nisela chuan a van duhthusam awm em tih kha kan sawilang duh a.

Tin, Demand No. 15 na G.A.D. ah hian kan member pui zahawm takte hian bialchhung lam hi in han sawi kai thin a, vawiinniah pawh hian sawilan zawk ka duh chu Vanlaiphai hian Civil SDO awmna tura ruahman a ni a. Tunah khian a Office te pawh khi kan sa zo tawh a, quarter pawh engemaw zat kan sa tawh a. Tin, N.Vanlaiphai bial hi border area kan nih avangin law and order chungchangah te pawh Civil SDO kan neih thuaite hi thil pawimawh tak niin a lang a. Tun, dinhmunah chuan Office ahte khian Electric kan la thlung lut chiah lo chungin A.O. Office hluite a awm a, luah chhoh theih mai niin a lang a. Kan bial chhung tana a pawimawhna border area kan nihnaah te khan tlema min ngaih pawimawh sak deuh kha kan beisei bawk a. Tin, hmundang chu hmundang nisela, an lo la dah lo anih pawhin border area kan nih avang khian kan civil SDO te hian tunkum thar atang hi chuan min thut chilh thei ngei sela, khita tang khian ruahmannate min siampui thei sela, a duhawm mang e tih kha kan hotuten min lo chhinchhiah sak atan kan sawi duh bawk a.

Tin, demand No. 39-ah hian Electric Department chungchangah hian kan Electric department a kan hotute, Officer hote an tang hle tih a chiang hlein ka hria a. Tunhma zawng zawng ai khan Mizoramina Electric power-a kan intodelhna tura kan hmalakna pawh hi a nasa a ni. Tlawng Hydrel Project te kan sawi nasa a, tunhma hun atangin. Amaherawhchu, vawiinniah chuan kan Department ten theitawp chhuahin kan Chief Minister kaihhruaina Department anih bawk avangin nasa takin hna an han thawk a. Tunah chuan Tlawng lam pangah te pawh clearance ngai zawng zawng a kha vawiinniah hian tihpuitlin lo ni chhovin a khuahna tur chungchang sum leh pai chungchangte pawh kan sorkar hian nasa takin hma a la chho mek nin ka hria a. Chuvangin kan Electric Department te hmalakna Electric power ah kan intodelh theihna tur leh hnianghnar a kan neih theihna tur atana an hmalakna hi a fakawm hlein ka hria a. Sawisel tur tehchiam kha a awm lo niin kan ngai a. Kan han sawisel lai bera chu a Electric Power lampang a kan hmalakna nilovin a compensation lamah khan kan buai deuh mai mai zawk nin kan hria a. A Electric Power neihna tur atana hmalakna tunhma atanga kalchho zelah hian tunah hian nasa takin hma kan sawn tawh a ni tih laia kha kan sawi duh a.

Tin, hemi paha kan sawitel duh a chu keimahni bial bawk North Vanlaiphai bialah hei Unstarred Question No. 169 zawhna ka pekah khan a chhannaah chuan khimi Khawchhaktuipui East Lungdar ram ah khian Electric Power siamchhuahna tur hmunte pawh an enchho mek a. N.E.C. sumin investigation ti turin proposal tepawh

thehluh anih tawh thu in chhan kan ni a. Helai hmun hi Pu Speaker, hmundang kha a tha love tihna nilovin nimahsela, sawisel a tam khawp mai a. Khilai hmun khi ka hriatsualloh chuan Mega Watt 40 pechhuak thei tur a ni a. Compensation chungchangah buaina awm miahlo tur a ni bawk a. Tin, Mizoram tan a chhenfakawm tham Electric Power pechhuak thei tur a ni bawk a. Chung avang chuan hmundang amite kha tih loh tur tihna ni chuang lovin kan bialchhungah khian Electric Power Mizoramina kan mamawh puhru thei tur Mega Watt 40 ngawt mai pechhuak thei tuikhuah tur a awm a. Chu chu kan sorkar hian chak zawkin hma min han laksak thei sela tih lai a kha Mizoram tan a tha ang a. Tin, he House zahawm taka Member tepawh kan insawisel lohna lai ber tur ni te pawn kan hria a. Chulai chu chak zawka kan sorkar pawhin hma min lakpui kha ka'n ngen duh a.

Tin, N.Vanlaiphai-ah khian Maicham Hydel Project Phase - I zawh a ni tawh a. Khi khi a tangkai khawp mai a. Pawisa pawh tam tak sorkar hian thlatin hian a hmu a. Chutiang khawp chuan Vanlaiphai Hydel Project Maicham Hydel Project Phase - I khi kan tangkaipui a. Tunah khian Phase - II thawhtan mek a ni a. Hei hi a chak thei ang bera kan sorkar chak tak pawh hian hma min lakpui pawh kha kan han duh khawp mai a. Kan hotuten min lo hriatpui sela, insawisel tur pakhatmah awm lohna hmun anih avangin tuna kan hmabak a tuikhuahna tur han tihte leh hmalakna tur khi tam tak a awm tawh lova. Chungah chuan chak thei ang berin kan hotuten hma min han lakpui sela, a Phase - II kan han tih zawh phei khi chuan keimahni bial tan chauh nilo, kan Opposition bial Khawhai bial ang te tan pawha chhenfakawm tur anih avang khan bialtute tan pawh khan thahnemngai taka min rawn nawrpui ve tepawh kha kan ngen nisela. Chuan helai hi theihtawp chhuaha chak taka hma min lakpui chuan bial mai nilovin sorkar tan pawha hlawkna a ni tih kha kan sawilang tel duh bawk a.

Tin, Demand No. 20 Industry chungchangah hian hun kan nei tam lo viau naa, kan sawilan zawk duha chu tunhmaa Industry kan tihlawhtlin lohna chhan chu a khawla kha phailam atanga lakchhuah niin, a material kan siam tur draw material kha phaillam atangin kan lachhuak thin a. Chu avang chuan kan Industry te hi a hlawhtling hleithei lo niin a lang a, Pu Speaker, tunah chuan Mizorama raw-material awm ngei hmangin Industry te pawh kalpui ani dawn a. Mau sawngbawlina khawlte pawh tunah sorkarin a buaipui chho mek a henge pawh tunah sorkarin a buaipui chho mek a. Mizoram tharchhuah ngei hmanga Industry bul han siam hi thil lawmawm tak niin ka hria a. Heng kawnga Mizoram sorkarin hma alakna tepawh hi a ropui hlein ka hria a.

khang kha PWD Demand No. 45 na tepawh hi han sawi chakawm tak a ni a. Marawhchu, kan PWD hmalakna ropui tak hi mita hmutute vek kan ni a, tunah opposition leh tion lo thliar lova Mizoram ina inkalpawh nan kawngpuitha a neihna tura tana hma an la te pawh hi a ropuiin a lawmawm a, la zel tur pawhin kan ngen duh bawk a ni e.

PU ZODINTLUANGA : Pu Speaker, ka lawm e. Hei vawiinni ah kan Minister zahawm tak takte kan House Leader demand te kan han sawi ho leh dawn a ni a, sawi tur atam ve hle mai a department atam si a, atir atang hian kan sawi tan mai ang a.

Demand No. 7 na hi kan member tam tak tepawh khan an sawi tawh a, ka rawn sawi belhchhah vele duh a. Hei Excise Department hi a pawimawhzia hi chu kan hre deuh vek a, kan thalai te kan tu leh kan fa te leh nakina rawn thanglian zel tur te tan pawh dinhmun pawimawh tak chelhtu an ni a. Ruihhlo chitinreng mai, Zu te, Drugs te Phensydyl te, Khatiang chi hrang hrang do a tihrem tuma bei tute an ni a, an tha leh zung an thawh nasa em em a ni. Zan rei tak tak te an menga, ramhnuaiyah te kalin Zu te an zawng thin a ni a, chutiang ang chuan hah takin hna an thawk ve thin a. Hetih rual hian nichina kan Member zahawm tak tak tena an sawi ang khan, kan Excise constable te a tak taka thawktu te hi kan ngaihthah deuh e mawn chu aw tih theih a ni a. Anni hi ramhnuaiyah Zu factory te zawnga vak a, dap a, drugs zuar tenena drugs zuar te zawnga bei tute anni a, chutih rual chuan an department rau rau ah pawh S.I. chin chunglam te chuanin anmahni counter part timai ang Police department atangte a Fire Department ah te Prison Department amite chu an hlawh in ang khatin an kal ani. Department khatah S.I. chunglam chuan khatiang khan department dang ami tenen a inang vekin hlawh an la a. Amaherawhchu, Excise Constable te hi chuan hlawh hi an la ve tlat lo mai a, an hlawh hi a hniam hle mai a, anmahni aiin Police a constable te Prison a thawk constable te, Fire Department a thawk te hi a tlem daih mai a, hetiang anga Force khata awm si, a chung lampang china hlawh sang a inanga an pek theih laia a hnuai lampang ho hlawh hniam an pe hi a pawl ka ti a, hei hi kan hotuten uluk taka han ena kan department dang tenena a rualkhai deuha pek dan hi lo ngaihtuah sela a thain ka hria a. Tin, hei sum kan nei tam ta bawka kan sawi nasa bawka Excise Department hi nichina an sawi tawh ang khan ram nei kan ni a, ram nei chung hian vawiinniah mi In

luahin an awm a, chep tak tak karah an awm a, heng kan ram neihah te hian beng muka liam zawih zawihte kha han sak sak thei ila tih kha ka rawn rawt veleh duh a. Building tha tak sak sak thei ila tih ka rawt duh a.

Tin, Pu Speaker, he House a zahwna min chhannaah te khan kan member khan Ni 12. July ah khan Total Prohibition hi kan kengkawh tha e, a ti a, a lawmawm kan ti hle a. Mahse, hmanni khan a Office ah Representative of the State Prohibition Council thukhawm chuan Officer Branch Central Y.M.A. te M.U.P. M.H.I.P te nena an meeting ah chuan Total Prohibition fail zia an sawiho tlangpui bawk si a, an thusawi zinga mi sentence khat lek ka quote ang a. Tuna kan kal dan renga kalpuiah hi chuan he dan hi buaipui tawh lova hlih mai nise a tha zawk mai awm e, tunah rih chuan he dan kenkawhna ah hian sorkar a fail a, Kohhran pawh a fail a ni. MLTP Act hi hlipin Excise Act kha hman leh mai nise tih ang te kha kan member incharge in a Office Chamber a an sawiho anih chuan kan total Prohibition hi chu a fail chiang hle a.

He House a chhanna dangah chuan Local Zu tello in Sap Zu Um 88704 man tawh a ni a. Chung atanga sorkar revenue thehluh chu Rs. 26,64,796 a ni a. Vanlaiphai bialtu khan kumina thehluh nuai 77 a tling a ti a. Khatiang anih pheih chuan Excise Department hian an Zu man atanga hetiang revenue an thehluh anih chuan Zu hi an zuar emaw ni le? Kha revenue kha khawi atangin nge an lakluh? An man a te kha tiral lovin an hralh leh tihna a ni. Permit neite hnenah pe nise permit nei hi za vel awrh an awm a, a tam zawk chuan a department atangin an lei lo. Ka zawt kual hlawm a, a tehn chuan Silchar a tangtein tha deuhte an chah a ni. Heti zozai revenue a thehluh thei chuan an Zu mante hi an tiral ani. Helaiyah hian an zuar tih hi kan zawhna chhannaah hian a chiang em em mai a ni. Pu Speaker, mirethei te te te kan man a, kan um a, chutihlai chuan sorkar ber hian kan zawrh tlat si chuan engtin nge maw a hlawhtlin ang le? Minister hova Minister Chamber ngeia meeting-naa a hlawhtlin lohzia an sawi a ngai ta tlat mai ani. Sorkar kha Zu zuartu a nih tlat avangin tih kha ka rawn sawi duh a.

Tin, Demand No. 45 na hi tlemin han sawi ve leh ka duh a. Hei pawisa pawh kan dah tam a cheng vaibelchhe 156 nuai riat leh sangkhat vel lai a ni a. Hei P.W.D. hi Department pawimawh tak a ni tih kan hre tawh a, kan rama kawng laitute, kan ramin hma a sawn zelna tura an pawimawhzia kan ngaihthla tawh a. Amaherawhchu, kan sorkarin he Department an enkawl dan hi chu a lung awi thlak lohin ka hria a.

A hmasaber atan chuan World Bank sum chungchang hi rawn sawi kai lawk ka duh a. Ka la hriat reng chu World Bank sum chungchang hi, kan hotuten sorkarna an chan lai khan Party-ah thalaiah te ka inhmang ve tan a, World Bank atanga sum kan puk chuan kawng tha te kan nei ve ang a, a guidelines ang thlapin hnate kan thawk ang a, India rama State dangte awh tur khawpin kawng kan siam ang a, an tihte kha ka mitthlain ka hmu a, a tha ka ti em em a. Mahse, vawiinniah hei World Bank sum chu a rawn hmin a, kum 5 hnuah pawh kawng tha chu sawi loh vawiinniah he House ngei pawha kan sorkar pawhin World Bank a hnathawktuten hn a an thawh that lohzia leh an lungawi lohzia he House chhungah pawh an rawn sawi tawh a nih kha. Contractor-te chuan High Court-te an sawi ri vuai vuai tawh mai a ni. Engvangin nge kan Contractor-te hian kan sorkar hi an hlauh loh em em kan tih chuan chhui thui vak a ngailovin ka hria.

PMGSY chungchangte hi a Guideline angin contractor kan la an ti a, hna an thawh thatzia te kha an rawn sawi a. Amaherawhchu, a guideline anga contractor an lak lohzia hi chu a chiang khawpin ka hria. A dik lohzia chu hmanni khan kan Ratu bialtu zahawm tak khan chiang takin a rawn sawi tawh a, ka rawn sawi belh tam lo ang a, saw kan bial chhung S.Lungdai to Sertlangpui kawng laitute saw, Pu Speaker, guideline ang chuan an lailo a ni. Vawiinniah hian an hnathawh te saw November 2004 a zo tur an ni a, engvangin ge a chanve pawh saw an la zawh loh? A guideline anga Bulldozer-te Earth Excavator kan tih ang chi zawng zawngte hmuh tur a vang khawp mai. Va kal chhun sawn bulldozer chhia kawng sirah a lo awm a, chutiang mai mai chu a ni. Khatiang ringawta kan kal chuan kan kawng pawh saw kan laih zawh a rinawm loh khawpin ka hria. Vawiinniah MNF sorkar hnuaiah chuan 1st Class Contractor hian Vai hnenah Contract an dil tan tawh a ni. Inhlawhna kan zawng a, an hnuaiah Mizo faten an thawh ve theih loh kan tih thin kha an hnuaiah Mizo fate thoin kan thawk a ni. Hna kan va thawk ve a, Vai Contractor hnuaiah, Vai ho awm mai mai khan 20% thu chungin an lo ei ringawt mai a i. Mizo pa thawh ve theih loh, a taka thawktu chu Mizopa tho hi anni tlat. Mizo Contractor-te chfuan 20% below in hna an thawk tihna a ni. A zahthlak khawp mai. Hetianga kan Ram mipui min hmusit tute, ram hruaitu kan nei hi zahthlak ka ti a. Mizo mipuiten hna kan thawh theih loh tur dan ang zawng zawngin remruatna an siam a, an hnungthak hiah pui tur nen, hnungthak an inhiat tawn vel a, Mizo mipui chu kan ro tlawk tawk mai a ni.

Vawiinniah hian PMGSY chungchang-ah bawh khan kan P.W.D. hotute an ti luhai em em a, Contractor an han

Thlang a, chungchuan hna an thawk tan dawn a, an hming a ni si a, chumi karah a pakage anga rawn kal ani em tih a ni a. Retaining Wall te, Culvert te chu khawilai Office atangin nge chumi chuan hmuh tur, thawk tur tih a ni a. Department ho tan Contractor ber pawh a hriat loh a ni. Official a Contractor kha a contract an pek kha a ni si a, khami hnuaiiah khan thu ve tak tak, ka hna a ni ti ve kha an tam si a, hna hi chutiang chuan an thawk a.

Demand No. 39 na Power chungchang kha tawitein ka rawn sawi duh a. Compensation an pek chungchang kha chu an sawi tam tawh bawk a, ka rawn sawi lovang a. Pu Speaker, hei he House zawhna min rawn chhana K-Deposit-a Power Department hnuaiia pawisa an rawn dah hi tlem rawn sawi ka duh a. Cheng vaibelchhe 17,93,64,182 hi K-Deposit-ah hian a lo awm a, heng an dah te hi payment of interest and panel interest te, interest kan pekna tur kan loan interest te panel interest te a ni a, a then chu NEC Loan kan pek loh a due kan pek leh tur khatianga te kha a tam zawk hi anni. Heng hi wawiinniah chuan NEC hnuaiia kan loan lak tam tak hetiang kan rulh lova, sorkara K-Deposit a kan dah reng chuan loan rawn kal leh turte hi deduction at source an rawn ti anga, kan hmuh belh lovang tih hi ka hlau a. Pu Speaker, hetiang angte hi Finance lam atangin han tang deuh sela, han pechhuak vat vat ilang chuan loan dang kan nei belh leh tur, a rawn kal leh tura te hi kan hmu tam turah ka ngai a. Pu Speaker, kan duh tawk ang e, ka lawm e.

S P E A K E R : Pu K.Lalrinliana hi a phar rei tawh a, a dawtah Pu Rohluna kha a phar bawk a. Pu K.Lalrinliana i sawm phawt ang.

P U K L A L R I N L I A N A : Pu Speaker, wawiinniah hei kan Chief Minister zahawm tak leh Dr. Lalzama kan Minister zahawm takte Demand kan sawi a ni a. A pawimawh dun hle mai a, kan ram kaihhruaina tur atana department pawimawh tak tak te an ni a, sawitu tlangpui khan kan duhthawh hlawm viau a, a changtute pawh hian hei aia tam sum nei ila, a let li let nga te pawhin tam se tih a chakawm hlein ka ring a, siam tur a tam mawlh mawlh hlein ka hria a.

Term hmasa sorkar hmalaknate nikuma hmalak chho mekna te han thlir hian vawiinniah duhtusam ang leh kan duh ang zet zawt a hmalak a har chung hian kan hmalak theih chinah chuan a lungawithlak hlein ka hria. Zoram mipuite pawh hian thlamuanthlak kan ti a ni ang, vawiinniah M.N.F. sorkar thar a piang leh tlat hi a tichiangtu a niin ka hria.

Hei Demand G.A.D. ah hian a hmasa berin Pu Speaker, thlawhna tumhmun chungchangah Lunglei Kawmzawl thlawhna tumhmun hmalakna tur atan detail project report pek a ni tawh a, tih tum mek a ni chho hi a tha hlein ka hria a. Chhim lampanga kan unauten Lengpui Airport an panna tur atan darkar tam tak an sen thin kha vawiinniah seng lova hmalak theihna tur atan sorkarin chak takin ngaihtuahna a hmang chho ni ten kan hria a. Tin, Lengpui Airport pawh hi tihchangtlun chhoh mek a nih dante kan hria a. Hei fuel aviation Turbine an ti a Oil an hman hi, vawiinniah a stock na 16.5 Kilo littres dah theihna a awm mek a, 600 kilo litres stock theihna tur atana ruahmanna tepawh vawiinniah nawr chhoh ni ten kan han hria a. Heng te hi a lawmawm hlein ka hria a. Thawkkhat lai khan a tumdawn a khua a lo chhiat a, an tum mai thei lova, Pilot ten khalaiah stock in nei em an tih, neih loh avanga kir leh thinte a awm thin a ni tihte an han sawiah khan vawiinniah chuan hetiang a chhum han zinga han nghah a minutes hnih khat han nghahna tur atan pawh a tangkai chho dawn a, hmasawna kan hmu chho dawn nitein a lang a. Tin, ruahsur laite leh chhum a zin pawha tum theihna tur atana landing awlsam taka a tih theihna tur atana hmanruate pawh hi vawiinniah ngaihtuah chhoh a nih nate kan han hrezel a, a thalmuan thlak hlein ka hria a.

Tin, Power & Electricity ah hian hmalakna hi kum reilote chhungin a bik takin keini bial chhungah hian Thermal Plant zawh tawhah hian a lawmawm lehzualin kan hria a. Zoram hmun hrang hrang atangin kan bial Bairabi ah khuan an rawn en a. A en tawhte chuan ropui an ti hle a, 20 Mega Watt pekchhuah theihna a ni a. Tamtakin kan sawisel a, vawiinniah a function lova ni, kan chhawr lo a ni kan ti a. Amaherawhchu, kan hriat tawh thin angin kan State in Power kan quota aia tlem mah vawiinniah hian kan hmang mek a ni a. Hmundang atanga Power kan lei pawh hi kan daih loh chuan Thermal Plant te hi hman theih reng dinhmunah a ding anik. Chuvang chuan, tul lo puia lo hman reng kha awmzia neilo a ni a. Chuvangin, sorkarin a standby a vawiinniah a dah a, khutiang anga function thei reng a a awm thei khu thlamuan thlak hlein ka hria. Helai hi sawilan thain ka hria a ni.

Tin, a enkawl chhoh zelna atan pawh vawiinniah hian sum ruahmanna kan han hmuh hi a thlamuan thlakin ka hria a. Tin, Bairabi Hydel Project Serlui B te, Tuirial tepawh hmalak chhohna kan hmu a, vawiinniah pawh kan sawi tlang a ni. Compensation chungchang mai bakah hian sorkarin nasa takin a hnathawktute nena inkungkaihate nasa taka kalpui mek a nihna hi chu tuman kan hai livn ka hria a. Hengah hian sorkarin power kan mamawhzia a hria a, nasa takin a ngaihtuah a ni tih hi a tichiangtu niin ka hria. Hun a la rei lova, tihpuitlin zung zung theih a ni lova. Reiloteah chuan a puitling dawn a ni tih hi a Chiang a. Chuvang chuan a thlamuan thlakin ka hria a ni.

Public Works Department ah hian Pu Speaker, kan hria a, kan sawi a, kan ngaihthla tawh a, PMGSY hmang ten World Bank sum hmang ten tin, National Highway khawih chungchangah te, NEC te atanga sum kan hmuh leh hmuh mek tur chungchangah te hian sawi tur a tam hle ang. Kan hun neih minute 12 chhung pawhin hemi ringawt pawh hi lawmthu sawina tham awm hian ka hria a. Vawiinniah hian Aizawl khawpui chhunga thingtlang mipuite zin khawm pawhin an sawi tam ber chu, an khaw panna kawng laih a lo ni chho hi an rin phak bak a chak a lo ni thinte hi vawiinniah an lawmthu sawina tam tak ngaihthlak a ni tlat a ni.

Tin, vawiinniah hian laih leh zel tur atan pawh hian tender package 34 lai mai PMGSY ah kan han nei a. Kan la neih belh dawn nite pawhin a lang a. Hengte hi a ropui ka ti a, Central guidelines dik tak, PMGSY guidelines dik taka tender an ni chhote hi thlamuan thlakin ka hria a. Chungchu vawiinniah hian open tender a ni a. Duh duhin an chhang thei, a zelenin ka hria. Tin, National Highway pawh hian tender an han ti a, National Highway ah hian a biak takin khu Kolasib-ah 154NH kawng kan nei a. Panchram to Bairabi to Bilkhawthlir kan nei a khumi tender lai khuan kei pawh contractor ka la nih lai a ni a. Chhan ve te kan tum a, kan inbuatsaih thin a. Rin aini experience (World Bank) ah hian kan lo tla awl khawp mai. Chhan harsa ang reng a, Mizo fa han chhang thei kha kan awm vak lova. Chuvangin Company lian ABCI, RCC ten an thawk a, hma an la mek a ni. Tun kumah financial year ah hian zawh hman an tum nghe nghe a. Khungte khu keini Bilkhawthlir leh Kolasib bialte tan phei chuan a lawmawm lehzuol a. Tin, Inter-State kawng pawimawh tak anihna hi Silchar tlangdung ringawt mai road nei lova, Khulai atanga kan kal pawh theihna kawng pawimawh tak a nihate khu thlamuan thlakin a lawmawmin ka hria.

Tin, NEC sum hmanga tunhmaa Silchar kan kalna thin kawng hlui a kal a, Phaisen pawh tur inkalpawhna tur kawng laih tum mek te, Bairabi to Zamuang te, Mamit to Bairabi te hi NEC sum hmanga hnathawh tum mek a ni hi a thlamuan thlakin ka hria a. Zamuang nena kan inkalpawhna tur tlawng leihlawn kan han dawh chho turte hi ka mitthlain a hmu a, Zamuang bialte lawm tur zia leh Tripura lampang atanga kan inkalpawhna tha awm mai turte hi thlamuan thlak lehzualin ka hria. Hengte hi sorkar hmalakna rah lawmawm tak a ni. World Bank a hmalakna lawmawm tak sawi tur tam tak a awm awm e.

Tin, kan sawi thin a, Industry a kan hmalakna bulpui ber tur Mau hmanga Industry ropui tak tak din chhohna tur kan hausakna hnar tur atana kawng laihna Link Road laih mekte pawh Kawnpui bialah kan hmu a. Tin, Bial dangahte pawh kan hmu a. dik tak chduan sorkarin duh se, contract hna pekah hian restricted tender a siam ang a, a duh chuan mi tlemte thlan bik hna an pe thei a ni. Vawiinniah open Tendera heng zawng zawng NEC te, PMGSY, World Bank te, Bamboo Link Road-ah tepawh Tender open tak mai a, sorkarin a ti hi a democracy kalphung hlein ka hria a. Party-a induhsakna bik hi a kawlk lo niin ka hria a, mipui tan pawh a thlamuan thlak a ni.

Tin, Delhi, India khawpui berah Mizoram House sak mek a ni a. Delhi a hmanna orientation traininga kan zu kal khan, kan zuk ena, Pu Khawpuia te, kan MLA zahawm tak Pu Rina Sailo te nen, kan en a, khungte pawh khu a saka khu reiloteah tun kum financial year chhungte chuan zo ve thei tur hmel te pawh a pu nghe nghe a. Khuluaia House kan tawt lutuk thin tepawh thawven thlak huai dawn nite pawhin a lang a ni.

Tin, Pu Speaker, P.W.D. sawi lai hian Kolasib bik Town road hi han sawilan lawk ka duh a. Kolasib Town Road ah hian Saidan - Rengtekawn ah hian Km 2.77 kan nei a. Kolasib town road bikah hian 24.51 Km. Kan nei a. Tin, Bilkhawthlir te leh Vairengte te Kawnpui te, Bairabi, khatiang zawng zawng kan District chhunga Sub-Town ho ah khan 38.94 Kms. kan nei a ni. Kilometers engemaw zat, Kolasib P.W.D. Division khuan a enkawl a. Tunah hian Kolasib bikah Rs. 5 lakhs chauh Town road-ah fund kan nei a, kan kawng khu maintain ngai tak tak annih avangin hei hi kan ngai pawimawh a ka'n sawilang ve duh a.

Tin, hei Demand dang hi sawi tur tam tak a awm a, hun ka nei tlem tawh hle a. Industry kha ka han kai leh zawk ang a. Tin, P.W.D ah khan, Pu Speaker, kan sawi leh duh lawk chu Legislators' Home tuna kan chenna lai mek hi ngaihtuah a ngai khawpin ka hria, a chung a far thin a, tin, a rawng tepawh hi hnawih that a tulin ka hria. Chulai chu kan sawilang leh duh lawk a. Tin, Industry ah hian, vawiinniah ONGC te leh sorkar inkungkaihna hi a tha a, he inkungkaihna tha avang hian ONGC pawh hi an phur niin ka hria a. Vawiinniah chuan Oil & Natural Gas chungchangah hian ONGC ten Kawngpui bial Hortoki ah gte Gas Deposit engemaw zat awm niin an hria a. Tin, keini bialah Bilkhawthlir bial nena kan inkarah pawh atomic mineral - Uranium hi awm niin an hria a ni. Chu chu vawiinniah hian heng kan ram leilung hausaknate hai chhuak tura Pathianin MNF term chhunga ruahmanna an siam chho hi Pathian remruat a ni hliah hliahin ka hria a, kan hotute Pathianin finna a pe a, ONGC tenen inkungkaihna tha a pe a, kan ram hausakna, hemi hmang hian kan haichhuak chho dawn a ni. Nasa takin mi harsa zawkte pawh chawikan an nih chhoh phah dawnin ka hria. A thlamuanthlak a ni.

Mau hmanga Industry siamna tur chungchangah Panchgram ah Paper Mill a awm a maw kan hralh mek a. Heng paper mill a kan Mau hralh mekah hian a rate hi keini District chhunga Village Council te leh Farmers Union hote nena Joint Meeting MLA kan han nih ve hnuin, kan han ko ve a, sum leh paiah kan harsat em avangin thenkhat chuan huna Maute hi, tun a sum kan duh avangin truck trip (one trip) Rs. 1500/- ten kan hralh a, a then chuan Rs. 3000/- ten an hralh lawi a. Kan han chhut tlan hian kan mimal huan Mau hralh te hi rate pawh siamthat sak hi a tha ang a. An lei ngam tho si, Mau man zawka mi harsa zawkte pawn an hralh theih turin kan District chhungah te hma kan la mek a ni a. Heng paper mill atanga Mau hralhte sum tam tak harsa zawktena kan han hmuh chhoh theih bakah Bamboo Industry ropui tak tak din chhoh a nihna tur atana ruahmanna hi sawi loh theih niin ka hre lova. Hengah te sorkar hmalakna lawmawm ka ti a.

A tlangpuiin, Excise te pawh sawi ve a chakawm a. Superintendent Excise te, an Manpower bakah Vehicle an neih loh chungchangte hian hriat a tul hle a. District Library Centre din ve te hi a tha lawm ni? State Library mai ni lo hian tihte a ni. Chu chu hun tawt tak karah kan sawi ve a ni e, ka lawm e.

PU H. ROHLUNA : Pu Speaker, ka lawm e. Vawiinnia kan Demand sawiho hi kan House Leader leh Higher & Technical Education Minister te Demand a ni a. Sawitur a tam hle a. Amaherawhchu, a hunin a daih dawn lova duh ang kan sawi hman dawn lo a ni.

Demand 39-na, Power & Electricity ah hian Eng hi kan mamawh dan hi kan hre tlang a. Tunah hian a siam chhuah lamah keimahni kan intodelh lo em em a ni tih chu tlang hriat a ni. Kan Project on-going a kan neih lai mek a lian deuh ber chu tunah hian Tuirial a ni a, hei pawh hi duh angin a kal chak lo a ni a. Tunah hian compensation chungchangah tun tlai khawhnuah hian harsatna kan tawh a project cost pawhin a san phah hle dawn avangin vawiinniah hian hemi chungchang a hi ngun taka kan ngaihtuah a ngai a ni. Lo zo pawh ni tehreng ila Unit cost a san lutuk kha chuan kan ramin a tangkaipui tur angin a tangkaipui lo thei ang tih a hlauhawm a ni. Tin, a mamawh tak takte hian an duh ang an lei zo lo palh ang tih hi a hlauhawm bawh a ni. Chuvangin, sorkar hmalak dan kawngah pawh hian fimkhur a ngai hlein ka hria. Compensation chungchang hi kan Chief Minister ngei pawhin House a a chhannaah a chhungte leh midang chhungte pawhin compensation hi a then an hmu tawh a hengte hi House ah hian chhungte ama department chan ngei a hetiang a sum leh pai awlsama han siam theihna te a awm a khangte kha awlsam deuha House a kan inchhang mai hi a tha lo hle a ni.

Pu Speaker, Tuirial Project hi hetiang a kan tih chuan, tunah NEEPCO pawh kan ti beidawng lek lek a ni a. Project dang kan neih leh turte a ngaihtuah awm hle a ni. A bik takin Tuivai HE Project hi kan hria ang a, clearance engkim nei tawh a ni a. Hengte pawh hi kan sorkar hian eng angin nge kalpui zel a tum tih hi vawiinniah hianin ka zawt duh a. A chhan chu kan ram chhungah hian Power kan mamawh dan chu kan sawi a. Party tin pawn kan inflansiakna a ni a ni. Chutih rual rual chuan Mizoram-ina tuna clearance kan neih lian ber kan neih fel tawh ah hi chuan Tuivai hi a ni a. Chuvang chuan hengte hi tunah hian NEEPCO kutah a awm a. Central sector a ni a. Chutih rual rual chuan June ni 3 ah kan State sorkar in NEEPCO Chairman leh Managing Director hnenah State sector a hlan leh turin lehkha an pe a. Hengte hi engngeni thil awmzia ni Central sector a ni a, NEEPCO (Corporation) pawhin a duhtawh leh theih ang tawka tan an han lak a funding chungchangah te tan an han lak a an han hmuh theih loh lai pawhin keini State hian eng angin nge sum leh pai a thawhna tur hi

kan hmuh thei lo mai dan tur a hi kei ka mawl angreng bawk a ka zuk hrethiam phak vak lova. Central Sorkar atangin beisei awmin a lang bawk si lo. Foreign atangin han ti dawn ila, Central sorkar Guarantor a tan loh chuan a har bawk si. Chutih lai karah chuan kan State sorkar ina tunah hian State sector a dah leh tura an ti mai te hi a mangan thlakin ka hria a. A chhan engnge kan tih chuan vawiinniah hian hetiang kan tih nek nek chhung hian a clearance nun hun chhung a hi a zo leh mai ang a, kan ti zuzi ang tih hi ka hlau a ni. Kan project neih len ber tunah hi chfuan ka sawi tawh ang khan a ni a, hetiang zel a project kan neih len hmasak tur kan siam hmasak theih tur hi kan tih zel dawn chuan a pawin ka ring a. Tunah phei chuanin Ngopa leh a chhehvel a mite hi an mangang em em a, hetiang dinhmuna sorkarina NEEPCO kut atanga lak leh a tum tak avang khan khilalah khianin anmahni Tuivai Affected People Committee te an in dina, chutiang chuanin an mangangin kan sorkar hotu lu tepawh an dawr kual a ni. Tichuan kan Chief Minister ngei te pawh an hmu a ani chuanin State sorkar kuta lak let leh, State sectora dah let leh tumna kha sorkarin nei lovin a lo sawi a. Chutah phei chuan a niin NEEPCO hi vau khan ang lek khan a lo sawi ani. NEEPCO-in Tuivai an chhuahsan ngawt lovang tiin a lo chhang a ni.

Mahsc, helaja House-a ka zawhna min chhannaah khan Central sector atangin State sector-ah dah tum a ni e, ti khan min chhang leh lawi si a. A thute pawh hi a inkalh deuhin ka hria a. Enganginngge ni thu dik hi mipuite hnenah hian kan hrilh ngam ta lo nge. Hetiang zawnga kan Chief Minister meuhte pawhin anmahni dawrtute leh an hnena beiseina sang tak neite hnenah thudik an lo hrilh lo hi a paw ka ti a. Tunah hian NEEPCO kut atangin Mizoram sorkarin han la let leh in Central sector atangin State sector-ah han dah let leh ta se, hun khaihlak chhung te a awm leh ang a, Tuirial ang tho hian engemaw hun khaihlak chhung hian compensation lakna turin sorkar lam a thilithei te hian an chuh leh mai dawn em ni? tihte hi ka ngaihtuahnaah a awm a. Chutih rual chuan periodic patta te, anih loh pawhin LSC zawngin emaw ram te hi kan inpe leh mai dawn em ni? Tuna a lan dan hi chuan Tuivai project-ah hi chuan compensation component hi a sang lutuk lo a. Amaherawhchu, tuna hetiang zawnga kan tih chingchivet leh hi cfhuan compensation component te hi a sang leh hlui palh ang. Kum 2001 vela Tuirial kan sawisak dan ang deuh hlek hian a kal leh palh ang tih ka hlau a. Chuvang chuan, kan sorkar lam pawh hian uluk takin min lo ennawn sak sela. Tichuan, Tuivai khi Mizoram Hmar chhak lam phei khi chuan Thunte thlir taka kan lo thlir a, beiseina sang tak nena he thil hi kan lo thlir laiin hetiang Central sector atangin State sector-ah a kal dawn e, tih ang vela lak let leh tur tih ang zawnga thil a kal leh mai mai chuan a khuah tak tak hi a hla dawn lutukin a lang a. Hei hi kan House Leader pawhin min lo chhinchhiah sak sela ka duh a.

Tichuan, Demand No. 21-na Higher and Technical Education-ah han kal daih ila, hemi hi ka han sawi duhna chhan chu, North East Khawdungsei-ah khian Hmarchhak College kan nei ve a. Chu chu tuna kan House Leader-te leh tuna i dinglama thute kha Opposition lama an awm lai kha chuan Pu Speaker, Khawdungseia an kal apiang khan kan sorkar hun in nghak a nih hi kan sorkar hunah in deficit ang an ti a. Hei term khat a ral tawh a, vawiinni thlengin kut thlak a la awm lo hi min ngaihtuah sak se, min hriat sak se, ka duh a.

Tichuan, hei hmanni lawkah Non-teaching Staff deficit College hrang hrangah appointment te a awm a. Hengte pawh hi engemaw thawm zirlaiin an han neih tak avang khanin cancelled leh a ni tih te kan hria a. Khangte kha thil hi a nihna ang takin kal sela. Engemaw duhsak bik a a ti theitu te a changtu Minister care of a tute emaw han dah tih ang chite Director level-a thil han kal tih ang chi te chu a fair lo thin a. Tha takin hengte hi fimkhur taka tih nisela a dan zulzuiin a lawmawm ngawtin ka ring a.

Tichuan, Demand No. 45-na P.W.D. ah han kai leh ta ila. Aizawl khawpui chung kawng Member zahawm tak tak ten an sawi tawh a. Bawngkawn - Zemabawk kawngte hi a buaithlak khawp a. Niminah pawh Zemabawk-ah ka va leng a, kan han tlan a, a khu em em a, a khuar bawk a. Aizawl N-I bialtu zahawm tak pawhin a hrechiang viauin ka ring a. A ni tan sawi pawh a rem lo mai thei a. Zemabawk lai te saw a kawng achhe em em a ni. Durtlang kawngte pawh kan duh chuan kan ti thei mai ani. He House-ah ngei pawh lawmthu tepawh kan sawi tawh kha. Chutiang bawk chuan Zemabawk kawngte pawh hi han siam tha leh deuh ila. Aizawl khawpui kawtchhuah ani a, House-ah te pawh lawmthu sawi turin kan la pu lut leh mai ang chu mawle.

Tichuan, Ngopa - Mimbung road hi tunah hian repair mek ani a. Khi khi kan Chief Minister pawhin a contractor chu hrechiang viauin ka ring a, tha zawkin, chak zawkin hma min lo lak sak se. An lung hmante pawh khi uluk deuh sela. Lungno te te leh a chang deuh te an han mixed lutuk te hi chu Motor vawikhat tlanah hian a kawng hi a chhe nghal zel dawn a ni tih hi a lang sa a.

Tichuan, Demand No. 9-na Finance chungchangthuah hian leiba kan ngah a, sum hman leh inrenchem chungchang thuah hianin sawi a tam a. Chuvang chuan hemi sum chungchangthuah te kan resourse chungchangah te Revenue chungchangah

te, tin, sum hmandan fel tawk lo leh thildang sum rencham chungchangahte han enfiah a, hma han la turin Financial Commission emaw a nih loh pawn a hming chu engang pawh nise Fiscal Commission emaw an ti a nih pawhin hengte pawh hi awm thei seng chuan tun ai hian sorkarin Finance chungchangah pawh hian hma a la chak thei zawk deuh ka ring a.

Tichuan, Excise chungchangah hian Revenue an thawkchhuak tam han tihte lawm tur nge lawmlah tur pawh hi hriatthiam har ka ti a. Heng hi Revenue an neih tam poh leh dan bawhchhia an tam tihna ang deuh hlek niin ka hria a. Henglaite pawh hi a inbuk tawk viau ang rengin ka hria a, Chuvang chuan N.Vanlaiphai bialtu zahawm takina a han sawi kha lawmhluaiana tur hi kan hrechuang hran lova. A chhan chu, dan bawhchhia an tam a; sum leh pai chawitirte tin, kan thil mante pawh kha kan hralh chhuak leh hnem tihna ani. Chuvang chuan a total prohibition-a hi a hlawhtling tawk lo tihna ang deuhah pawh hian a ngaih theihin ka hria a, chu chu kan sawi lang duh tel bawk a.

Tin, Industry Demand No. 40 na ah khan han kai leh zawk ila, hei hi Handloom chungchangah te hian Mizoram hianin hma kan sawn chak em emin ka hria a. Pu Speaker, ka hun a tawp a mi? e, la tawp lo deuh maw, aw, hei hi Handloom chungchangah hianin State dang leh ramdangah te pawh hian kan export tan tawh nite pawhin ka hria a. Hemi chungchangah hian a thawktu department lamah te pawn an fakawm hlein ka hria a; an promote tha hle ani. Mi tam takin eizawn nan an hmang tawh.

Tichuan hei Corporation kan han neih ahte pawh hian Corporation hrang hrang Industry hnuai mite hi hlauh reng ringawta kal te hi chu kan sorkar hianin han khaichhuah deuh dan emaw a kalphung kha han ennawn leh thei deuh se chu chu a duhawm hlein ka hria Pu Speaker, ka lawm e.

PU SAILOTHANGA SAILO : Pu Speaker, ka lawm khawp mai. Demand 45-na P.W.D. huamchhung ami "Kawnpui to Hortoki 20 Km" hi pawh mawhna riau a nei a. Hei hi han sawi hmasak lawk ka duh a. Hei, kan hriat angin, Kawnpui leh a chhevel inti teh ang. Mizoram Hmarlam Sq.Km.5340 huamchhungah hian ONGC in

Oil awm ngeia an rin avangin ka bial chhungah khuan hma an la mek a, tichuan he Kawnpui - Hortoki 20 Km chauha sei hi a kawng a chhe em em mai a. ONGC hotute pawn siam tha turin report te pawh an thehlut tawh awm a ni. Chutih laiin kan P.W.D. hotute kei pawhin kan hrilha hma chak takin an la a, an chungah lawmthu kan sawi duh bawka. A relate tho turah ngai ila, Pu Speaker, he ONGC chungchang hi tawngkam hnihkhat leka kan sawibelh duh chu India ramah Oil & Natural Gas awm thei tura Category 4 an thenah hian Mizoram hi pakhatna a ni tlat mai a, Category No. 1 ah, a vanneihthlak hle a. Tin, an chhut dan tak phei chuan Mizoramah hian Oil & Natural Gas metric tonne maktaduaih 170 awm ngeia hriat a ni bawka. Chu chu hrerengin heng ka bial chhung Hortoki ah khuan bu an khuar a, a ngaihnaawm hle dawnin ka hria a. Tunah hian Technician mi 150 leh an khawl te hmangin an rawn inchhep thla mek a. Chutak mai chu kan sorkar hianin theihtawp kan lo chhuahpui hi a tul hlein ka ring a. He 5340 sq. Km hi hemi team survey te hianin thla 9 chhung survey hi zawh tum a ni a. Tichuan Kawnpui - Hortoki 20 Km chauha thui hi khawngaih takin kan sorkar hianin ONGC ten chak zawka hma an lak theihna turin tan min han lakpui turin kan sawm ni selangin. V/C ten hma chak zawka an lak theihna turin tan min han lakpui turin kan sawm ni se langin.

Tichuan, ka hmaa sawituten an sawi ang khan, Mizoramah hian P.W.D. hian All Weather Road km. 2143.94 a thui kan nei a. Hei hi All weather road a nihna angin a fur a thal a motor kal theihna siam turin thal lai a ni bawka, kan ngen duh bawka. Tin, Aizawl City Road-ah hian Km 352.10 a sei kan neih mek, Aizawl city Internal road tihte pawn sawi ta ila, hei hi a chhe em em mai bawka. Hemi ring road; Kulikawn - Bawngkawn hi chu tlem chuan a zia deuh va, a bak zawng hi chu a chhe em em mai a, hei a kal hleih theih loh a ni a, henge pawh hi khawngaih takin sorkarin tun aia chak zawkin hma hi min lak sak turin kan han ngen bawka. Serkhan - Bagha road Km. 84 a sei pawh hi ka sawi thin a, min ngai pawimawh a, ka lawm a, tun aia chak zawk leh tha zawka, hma min lakpui turin kan ngen duh bawka.

Tin, 1st I.R. Battalion Headquarter Mualvum Internal road khu a chhe em em mai bawka, an commenant quarter te panna kawng leh an Deputy Commandant leh khumi internal road, approach road a hrim hrim mai khu a chhe lutuk a. Hei pawh hi kan P.W.D. Minister changtu zahawm tak hian khawngaih takin min lo hriatpui se kan duh bawka.

Tin, chu lo lehah chuan hei, kan Police Headquarter awmna hmun P.T.C. Lungverh hmunte, Mualpui te, Lunglei te, Khawzawl te pawh hi internal. Road hi a chhe em em mai bawk a, hengte pawh hi min han enfiah sak turin kan duh a. Tin, Police Quarter building te leh Assam type tepawh a ni a, heng hi a tan danin repair a hun ngawih ngawih tawh a, heng pawh hi chak zawkin hma min lak sak turin a changtu Department ka'n ngen duh bawk a.

Tichuan, demand No. 21 na Higher & Technical Education han pakai leh lawk ila, Mizoram ah hian College hrang hrangin U.G.C. Parmanent Affiliation an neih theih nan Department chuan he UGC norms angin Govt. College 8-ah Lecturer thar hlak mi 116 a mamawh a. Tin, deficit College ah 12-ah hian a lan dan chuan Lecturer thar 77 mamawh belh niin a lang bawk a. Chutihlai chuan technical bikah Lecturer mi 29 vel kan la mamawh bawk a. Polytechnic 2 kan neihah hianin Lecturer mi 29 kan mamawh bawk niin a lang a. Heti khawpa Lecturer kan indaih loh lai hian 2003 - 2004 Budget Sectoral allocation han en hian HTE ah a pumpuiin cheng nuaih sangkhat leh sawmnhnih leh pathum chauh dah a ni a, a tlem hle a ni. Chutih rual rual chuan zirna kan ngai pawimawh a, technical kan ngai pawimawh a, Doctor zirna turte a ni anga, Engineer zirna tur te a ni ang a. Chutiang zelin technical bikah hianin nuaih za chauh mai kan han dah hrim hrim pawh hi Pu Deputy Speaker, a tlem hle a. Tichuan Mizoram pumpui Budget outlay atanga tehin a punna hi 1.54p.c. GDP chauh a ni, a tlem deuh a ni.

Tichuan India ram pumpui Education a hman bik atana an siam hi allocation 3.55 p.c. GDP lai a ni a. Tin, kan thenawm maiah Assam Chief Minister chuan chanchinbuah gte tunhnai lawkah kan hmu a. Cheng crore 170.5 Higher Education bik atan liau liau hian a pe ani. Hei hi North East-ah chuan a tam lawrlak a, India ramah pawh a sang ber mai thei a ni. India ram pumah lehkhathiam lamah pakhatna nih kan tum mek lain Department pawimawh em em Higher & Technical Education ah heti chauh kan dah hi khawngaih a dah hnem leh turin ka han ngen duh bawk a.

Tichuan hetiang a, fund pek theih anih loh avang hian Higher & Technical Education Department ah chuan Science Equipment te Geography Equipment te kan mamawh ngawih ngawih kum engemaw tel lei thei lovin kan awm tawh a ni. Tin, chutiang zelin Practical Education Tour ngai Department bik awm te tan hian Higher & Technical Education ah hian, pawisa kan neih loh avangin

vawiinni thlengin Practical tour pawimawh em em kan nei thei lo hi a vanduaithlak hlein ka hria. Chumai nilova Library pawh kan nei chhe hle a, kan College chhe tawh tak repair-na tur pawh vawiinni thlenga pawisa kan nei thei lo hi Pu Deputy Speaker, khawngaih takin min lo nawrpui turin kan ngen duh bawh a.

Tin, chu lo lehah chuan Demand No. 40 na Industry Department Mizoramah hianin Private Sector Unit 525 vel Industry kan nei a ni. Tin, chutilai chfuan Public Undertaking heng MIFCO te KVI te ZIDCO te ZOHANCO leh ZENIC tepawh huam tlein kan nei mek a, he Public Undertaking hi tun aia nasa fea kan thuam that a ngaiin ka ring a, tichuan Mizoram Industry Private sector Unit 525 te hi damlohna an nei niin ka hria. Heng Unit te hi sick-unit an ni em ni lovem tihte hi sorkarin ennawn leh se ka duh a. Tin, Industrial Unit a nei tak tak em nei tak tak lovem tihte pawh en bawh sela, sick Unit alo awm anih chuan engvanga sick unit nge a lo nih? Raw-material a neih loh vang nge, a chhan leh vang kha awm ngei ngei tur a ni a. Hengte pawh hi sorkarin a rang lama engfiahpui turin kan ngen bawh a.

Tin, sorkarin Bamboo Processing aneih mek hi a lawmawm ka ti, hei hi kan ram sum hnar tur niin ka hria, ropui ka ti a, tun aia chak zawka hma la turin kan ngen leh duh bawh a.

Tichuan Demand No. 39 na kha Pu Deputy Speaker tawitein Power & Electricity mahni bialah i han lut lawk teh ang. Ka bial Kawnpui khu Power & Electricity ah kan la chhangchhe deuh a, rual kan awt viau mai a, hemi lamlian tlangdung Lungdai to Thingdawl leh ka bial khawtinah a theih hram chuan Street light tun aia tam deuh min pe turin ka ngen bawh a.

Pahnihnaah chuan Sairang peng kan tih mai khu kum tam tak eng nei lovin electric connection la nei lovin kan awm a. Power & Electricity hotute hnenah pawh ka sawi thin a, min lo ngaihthlak sak a, tihsak pawh min tum dawn niin ka lo hria a. An ti dawn rau rau anih chuan a rangthei ang ber December Christmas present-a hmang hman ngei turin tan min lakpui turin ka sawm bawh a ni.

A tawp ber atan chuan Pu Deputy Speaker, he demand No. 40 na Industry department bik hi han sawi leh lawk ka duh a. Industry Department hi a pawimawh em em a, a pawimawh ang hian sum leh pai harsatna avangin hma kan sawn chak lo.

hle a. Tun atang erawh chuan kan sawi tak ang khan MIFCO te, KVI te, ZIDCO te, ZOHANCO leh ZENICS Public Undertaking ami an bankrupt reng mai hi sorkarin thuam nawn leh turin kan duh a. Tin, Private sector a Unit 555 lai Unit awm hlawmte pawh hi min enzui sak turin ka ngen duh bawh ani e, ka lawm e.

PU S.HIATO

Pu Dy.Speaker, chu erawhchu, vedeo vedeo lam hian min cover vak lo se tih ka duh bawh. Hei, chubakah Pu Deputy Spekaer, keini ang thingtlangpa bial nei tan chuan malsawmna kan dawng nasa a. Ka bial atangin Session nei tur emaw, Committee hrang hrang nei turah kalna Motor thar min han pe a. Kalkawnga Motor that loh vanga riah ngai ta lova min han siam reng reng pawh hi lawmthu sawi chu inphu hrim hrim a ni. Chubakah hei Legislature Staff kan nei a, kan Assembly staff ho hi Department dang zawng zawng ai pawhin an tha bikin ka hria. An taima flat, an polite bawh si, hei Session hunah pawh hian engmah bahlah lovin min siam a ni a. Hetiang hian Department dang Staff te hian entawn ve se tih hi ka duh a ni.

Amaherawhchu, Pu Deputy Speaker, hei Demand-ah hian engatinge nang Deputy Speaker lai kan nei che a, i discretionary fund-ah hian Nil anih tak mai erawh chu enge kan hriatsual nge helai budget lak danah hi chuan Nil a ni flat a, pawh kan ti a ni, kan hotupa i ni a.

A pahnihnaah chuan Planning & Programme Implementation hi kan sawi duh a. Pu Deputy Speaker, Planning hi a pawimawh tih kan hre vek a. Planning atang lo chuan sorkar hmalakna tur a kal thei loh a ni. Hei, M.L.A. zawng zawngin harsatna kan sawi theuh a. Department pawh harsa bik Department enge maw zat an sawi a ni. Amaherawhchu, Co-ordination a awm tha lo aniang aw tih ka rilruah a awm a. Tha takin min co-ordinate se Department a pawimawh bik zual zual hi budget-ah reflect thin nise. Chu chuan Planning kha atangkai dawn a. Pu Deputy Speaker, min haw lo se hei kan Vice Chairman, Planning kan nei a, in associate lo emawni ka hre lova. Tun tum Assembly Session-ah pawh hian vawi khatmah thu a la sawi lo in ka hria. A chhan chu enge amah in hmang tangkai lo a niin ka ring flat. Lehkathiam a ni a, mi taima ani a. Office nein a thu a, Planning-ah hian a khawih tui vak lo emaw chu aw ka ti a. Helai hi chu in khawih tir tam a tha lawm ni. Amah atangin co-ordinate se, harsa zawng zawng pawh hi khung khawm theih nise tih ka rawt a ni.

Chulo chu sawi tur a tam a, P.W.D. ah kan lut mai ang a. PWD hi tunhma chuan PWD lianber, mitinin a kan pan a ni a. Thingtlang zawng zawng E.E. leh SDO awmna tawh phawtah chfuan kan bawr luih luih a ni a. Tunah hian tingemaw an Office te hi a reh tak duak mai le, tih hi ka rilruah alang thin a. Chuvangin cheitur angte thuum tur angte hi inthuum ta lo em ni le. An ni ai chuan tunah chuan NBCC tihte World Bank tihte, foreign farm chumi khami tihte ani a. Pawisa pawh control mang lovin an awm a, hei chuan tlemte chauh hnathawhna control thei lovin chutiang chuan kan dah a ni a. Tunah hian dik chiah chuan an kalkawng zawng zawng pawh hi thalo deuh vek ani tawh a. Maintenance ngai tih kan hriat vek kha. Aizawlah pawh a tha lai lai amam lai lai hi a pawimawh lai siamtha a Vaivakawn atanga Luangmual te chu nimirah ka zuk kal a, Kudam awmna ani a, kal hleihtheih loh a ni a. Mara House kalkawngte, helama All India Radio chhuakte hi inzawh ngai emaw kan hotu liante hian chutiang chuan a awm a, chu chu sawi loh, nangni chu Headquarter inni a, induh hunah inti thei zawk ang a, District Headquarter te, kan kalkawng chhiatzia, Town Road chhiatzia, Lunglei ani emaw, Saiha a ni emaw, Lawngtlai a ni emaw, Kolasib pawh anih kha. Hetiang em ema a chhiat tak mai hi mawle, Maintenance ah hian in thuum thalo a ni tih hi chu a chiang a ni. Maintenance tha ula chuan hei ai hian a tha ngei ngei ang tih ka ring.

Tin, hei hna tamtak B.E. te, Engineer tam tak kan nei tawh a. Pakhatmah lak lohva an awm ta hi chu hna awmlah vang ani tih hi a chiang a ni. Duh hunah chuan siamtheih dan chu a awm ang. Mahse, hna pawimawh thawk thei tura Staff pawh siamlo em ema in restrict chu a tha dawn em ni. Kan Chief Minister zahawm tak chan a ni bawk a, ani hi chuan a relax thei mai lovin ni? Engemaw chenah chuan tunah hian restriction awmna a staff 2470 chu hna kan la tawh tih hmanah chuan min chhang tawh a. Chulai chuan employment ah pawh, a Department tan pawh a chhawrawm dawn a ni. PWD ah chuan keini kan ngaih pawimawh thu Kolodyne River a Navigation hi ani a. Kan sawi thin a, hei hian Akyap chhunbuai tura kan ngaih, helam kan kawtchhuah tura kan ngaih ani a. Mahse, hei page 679 ah kan en chuan nikum lamah chuan nuai 150 kan hmang kan ti a, 150 kha engtingge an hman kei chuan ka hre lova, mi hrilhfiyah sela kuminah phei chuan singkhat chauh indah ta a, tih pawh awm lo, thawk pawh awm lo, tihhlawhtlin intum lo em ni? tih hi ka zawhna nise.

Tin, Saiha Niawhtlang road hetah Pu Khawpuithanga khan nimirah a sawi a, alawmawm viau nain lung an hman te a chhe em em a, ahmunah hotu ten an thawh thei si lova, kan

PWD hotuten an tlawh laiin lung an lakkhawm a chhe zawng zawng hman loh tur an tih chu tunah sawn va en teh u pakhatmah a chuang in hmu tawh lovang, an hmang zo fai vek a, chu pawh chu contractor 2 in an insem a, pakhat lam chu a thawk tha deuhva, Niawhtlang lampang phei chu departmental in an khawih mai mai a ni. Chuvangin kan Chief Minister pawhin ahmunah va tlawh se min va ensak se tih ka duh a ni. Lung pawh a chhiat a chhiatzia kha ka sawi duh a.

Tin, hei, Power ah lut leh lawk ila. Power hi keini kan ngaihdan chuan Mizoram pumpui bakah, kan thenawm State te peka International ah pawh pek chhuah hi kan lo rilruk ve thin a, chumi ti tur chuan potential bera inhriat theuh, Kawlchaw bula Kolodyne a ni, Mega Wt. 400 leh 600 inkar kpechhuak thei mai hi engahnge priority kan pek ngai loh tih hi ani, atu sorkar pawh ni ta se. Chief Minister zahawm tak khan ka zawhna enin chhanna a awm a, kum 2007 velah chuan investigation hi an la zo mai thei chu pawh NEC pawimsa min pek chuan, 'provided' tih chauh a ni. Engatinge a lian law law hi kan lak hlawih mai loh, a te te Serlui 'B' tih te, Tuirial tih te, compensate a buai buai ai chuan, a lian hi la hlawk mai ila, kan bai bakah International pawh kan chawm thei dawn alawm, chumi approach chu enge kan neih loh tih hi ka sawi duh a.

Tin, Tuipang lui te hi a rei tawh a, SEssion apiangin kan zawt a, 'It will be commissioned soon' anih loh leh August thlaah November ah anti reng mai a November pawh a ral leh mai dawn a. Hengte hi engatinge Congress in kan thawhsa anih vang em ni inti tha duh lo deuh, mipuiin kan mamawh si a, (E khai, nang kha chu iva kal hnai lo em a i hre lovang) Tin Saiha hi chu min hlamchhiah kan ti thin a, Lawngtlai kan thlir a, a eng vung vung hi chuanin kan zu en a Lawngtlai a eng leh ta kan ti a, keini kan thim thup si hrehawm kan ti thin. A chhan chu chhe te siamthat theih a awm a. Kan Lawngtlai leh Saiha inkarah hian Transmission line lian siam kan rawt thin a. Fur lai chuan tuna wire hi a hniam lutuk avangin mau in a tibuai thei a, hrui min zam sak rawh u tih hi kan ngen thin a, a hlawhtling thei lo a.

Tin, Sub-Station Meisallah a andah kha a khawl a kang a, a kanna a rei tawh a, estimate pawh siamin thehluh vek tawh a ni a. Tun thlengin sanction ala awm lova. Chubakah diesel generation kan neih zawng zawng a function tawh lova, VIP thlen changa tihen tur pawh a awm tawh lo. Chu chu kan dinhmun a ni a. Engpawh nise Electric harsatna kan neih chu hrereng mah ila tlem siamthat a, tih theih mai tam tak a awm a ni. Heti laia kan rawn phone lah in awm lo vek emaw tih turte hian an reh vung vung mai thin si a.

Tin, G.A.D. ah hian District thar hi an vannei ta riau a, concrete building nen Champhai te phe chu Chief Minister bial anih avangin an thum tha em em mai a, keini Saiha ve lem chu D.C. Office U.T. tirh ami Rangva In chhe te tlabal vekah tunthflengin min dah a. Hei hi min siamsak thei dawn lawm ni? Tuipangah pawh Civil SDO dah a ni a. Mahse, a function lova, Sangau pawh chutiang bawkin min thum tha ve deuh teh u tih hi kan ngenna a ni a.

Industry lian tak tak hmundangah chuan a awm a, keini bialah chuan te tham te te a awm a. Subsidy te kan hmu tha ve ngai lo, khawngaihin min chhinchhiah sak ula.

Tin, PMRY loan hi lehkhathiam lo an pe thin an ti a, Board an siam a. Board a singkhat/hnih pe thei ho in an hmu thin a. Kan report a action lak ani si lova, a hmutur dik tak hmuturin min siamsak teh u, kan tangkai pui ania.

Art & Culture ah hian Art & Culture thawhthatna em em chu Publication ah hian a ni a. Publication ah mi tuemaw an tanpui a. Publication man an pe a, lehkhabu tha tak tak tam tak a chhuak tawh a ni. Mahse, kuminah hian nuai khat leh tlem chauh hman ban in nei a, nuai khat chuan engmah a chhut chhuah theih ka ring lo, hei hi thum tha teh u. Chutiang bawkin Officer hnathawkte Trial Research Officer anni emaw a chung lam deuh anni emaw recruitment rules hi siamthat sak lohin a awm rei lutuk, pending zel a atawp zel. Chuvangin, hei hi lo enzui sak teh u tih hi ka ngenna nise kei chu hun ka hmang dik thin a, Pu Deputy Speaker, ka lawm e.

PU ANDREW LALHERLIANA : Pu Deputy Speaker, ka lawm e. Vawinniah kan Minister zahawm tak tak pahnihte demand kan sawi dawn a ni a. Hun kha minute 12 kan nei em ni kha? Engpawh nisela rawn zawh hram ka tum ang e.

A. hmasa berah P.W.D. atangin kan tan teh ang demand 45 na. Kan P.W.D. kalphungah hian tunlaiin World Bank pawisate kan hman bakah PMGSY atanga sum tam takte kan hmang a. Project lian tak tak kan kalpui a a lawmawm em em a ni.

Chutih laiin a hmaa P.W.D. tena mipui tana hna an lo thawh thin a bik tkain thingtlang kar kawng vel siam hi kan ngaihthah ta niin a lang tlat mai a. Hemi chungchang thuah hian P.W.D. hian mipuite tan a tak takin hma lak that leh ngaiin kan hria a. A bik takin bial lamah han luhte pawhin keini pawhin khatiang kha kan mamawh em em a ni. Tualpui te, Neihrawn te leh khaw eng emawzat khi P.W.D. road tha taka a tlang theihna turin, tin, a bik takin thingtlang kawng pawimawhina chhan chu economic road anga kan lo hman ani a. Kan thlai thar kan chinte khang kha khawpui lampang.....

DEPUTY SPEAKER

Kan member zahawm takin Deputy Speaker, Discretionary Fund chungchang a rawn sawi kha Assembly Budget-ah fel taka dah anih thu kha

report ka pe a nih chu. Pu Andrew Lalherliana i lo sawm ang.

PU ANDREW LALHERLIANA

Pu Speaker an thlai thar an chinte khang kha khawpui leh phai lampang thlenga kan hralh theihna tura kan thawn chhuahna tur a nih avangin

Mizo mipui, a bik takin kut hnathawktute tan hian a pawimawh a. Project liante kan tihual hian heng Project te te hi kan ngaihthah loh atha a ni. Need based a kal hi a pawimawh khawp mai Aizawl khawpui ngeiah pawh hian han en ta ila khu Vaivakawn atanga Chawlhhmun Ropaiabawk kawngte khu a pawimawh em em a ni. Khulai by pass-a khu FCI Godown kalna tura pawimawh hmunpui panna a ni a. University a awm dawn a, tin, Central Jail a awm bawk a. Tin, Regional Broiler Chicken Farm awmna hmun te, tin, tunlaiin hei Feed Plan kan siam a, Animal Feed plan Industry lian tak awmna te a ni a, Central Jail-te nen, hmun pawimawn tak tak kalna tur by pass, kawng tha tak mai khu maintain lovin tunah hian kal hlei theih loh hian a awm tlat mai a ni. Khutiang khawpa hmun pawimawh awm tamna hmun si khu kan P.W.D. hian kan ngai pawimawh tawk lo a niin a lang a. Chuvang chuanin Vaivakawn atanga Ropaiabawk Chawlhhmun khumi pawhna Short cut hnai tak, hmun pawimawh tak tak ka rawn sawite kalna khu ngai pawimawh turin kan ngen duh a ni.

Tin, chutihrualin hei bial ami pakhat han sawi lawk ila. Ngaih pawimawh a awm thin Khawzawl khawchhunga Jubilee road khi tunah khian ngaihthah thak mai a ni a. Border laih vek tawh ni chung khianin kum engemaw zat chawhsan tawh a ni a. Khi khi khawngaih takin black top zawh mai tur a ni a, khi khi lo ngai pawimawh bawk se, P.W.D. han sawi turah chuan kan sawi duh a ni.

A dawt lelah chuan inkahpah takin Excise hi han sawi leh ta daih ila. Excise Department hi a pawimawh kan ti em em a. A bik takin tunlai, hei Mizoram min tibuai bertu drugs problem, ruih theih thilah hian chhungkawtin min khawih a ni deuh tawh mai a ni. Heti khawp maia Kohhrante leh mipuiin kan buaipui tawh khawp a, kan problem lian, hemi lo su tura Excise Department hi a pawimawh zia hi kan sawi, amaherawhchu, tun tum kan budget bu hi han en ila, helaiah hian hei a pawisa dah zat Vaibelchhe 7,82,97,000 a awm a ni. Amaherawhchu, plan sector han en ta ila, demand bu han keu mah ula plan pawisa hi pakhatmah pek ani lo. Hetiang drugs dona kawngah leh ruihtheih thil dona kawnga hmala tu tih hi kan thuam tha dawn lo a ni, tih hi a lang flat mai a. Plan fund pakhatmah kan pe tlat lo mai ani. Tin, special training te pawh an mamawh, kan training tir danah pawh hian C.T.I. Sesawng khi kan hmanpui mai niin a lang a, chuvangin, kan training dante pawh hi a mawl lutuk, hemi narcotic lampang crime khawih tur atan chuan specialise training pawh an mamawh ve ani. Chutiang kawngah te plan te ruahman sak an ngaih laiin plan-fund hi pakhatmah kan pe miah lo a ni. Chuvang chuan Excise Department kan ngaih pawimawh dan hi tawngkam chiahin kan ngai pawimawha tawngkam chiahin ruihtheih thil ka do a, amaherawhchu, a paln fund-ah pawisa engmah kan reflect lo hi kan rilru a tilang tlatin ka hria, khawngaih takin siamthat leh nise, kan duh a ni.

Tin, Industry kan kal leh dawrh ang a, Industry Department ah hian Demand 40-na helaiah hian kan sawi duh chu Industry hnuaiia "Mining" hi kan sawi lawk teh ang. Hei, tunlaiin kan hria a, World Bank ten hna an thawk a, chutah chuanin Mizorama Mizo mipuiten Mining kan khawih ve theih awmchhun chu lung lak te a ni a, Cubik lung mai nilovin rawra her te, tin, chu loah Sand (Balu) lak te, hemi kawngah hian tunah hian World Bank hnathawh reng reng hi han en ta ila, anmahniin an lung mamawh tur an inlak chawp ve mawlh mawlh mai a, kan local Industries an ngai pawimawh lo a ni, kan eizawna ber hi Industry kan tih ve theih successful ber chu quarry a ni a, quarry neitute pawna ngaih pawimawh awm khawp hian tunah hian World Bank hian quarry owner association pawh ngai pawimawh lovin

anmahni thuin Mizoram lung hi an bill tlawm taka an hmuh theihna turin an la mawp mawp mai a ni. Hemi chungchangthuah hmanni lawkah mining rules "The Mizoram Minor Mineral Consession Rules" hi he House ah hian lay a ni a. Hman tawh tur tihna a ni. Hemiah te pawh hian local Industries venna turin he rules pawh hi siamthat a tul a ni. Han en ringawt pawh hian chumi chungchangthuah chuan local Industry te, a bik takin mining hnuaia mite engmah humhalhna a awm tlat lo a ni. Helaiah hian 'No Mining list permit shall be given to a person who is not an Indian National' a ti ta duai mai a. Indian National ni tawh lo chu a ti a, a huam zau em em mai a. Helaiah hian a awmzia tak chu a dawt tuah chiah hian in confine tur ani a. Who is not a bonafide resident of Mizoram except with the previous approval of government shall be given (Mining permit) tih tur a ni a. Mahse, helaiah hian local Industries i tive mai ang, kan miner ve te venhimna a awmna tur chuan bonafide residence of Mizoramte chauh lo chu Mining permit hi pek loh tur a ni tih hi awm sela, hei hi siamthat nise a tha a ni. Chuti a nih loh chuan vawiinniah hian quarry nei tuten harsatna kan tawk a. Supply tha tak tak tur, he World Bank ina hnarawn thawh ve tur hi mipuiten kan lo hlawkpui ve a, quarry nei tute leh heng zawng zawng tena keimahni kal tlang a, quarry activities an tih theih hi mipui tana hlawkna a nih avangin, chutiang a an tih loh theih loh local entrepreneur te hnen atanga an lei ngei ngeina turin he dan hi hman dawn atang hian revise a ngai lehngal tlat tawh mai a ni. Amend a ngai leh tlat a ni. Local Industry protect-na tur a nih chu. Tin, hei hi han sawi zau leh lawk ila, he Mizoram Minor Mineral Consession Rules kan hman tumnaah hian kan rilrua lian ber chu he local industry dintute hnen atanga chhiah lak hi kan rilruah hian a lian ber emaw chu aw tih mai tu: hian sum leh pai pek tur hi a tam em em ringawt mai a ni. Mining permit dilna turah pawisa Rs. 500 pek phawt a ngai a. Chumi dawtah pawisa chumi zat pek a ngai tiin a tlar thla duat a. Tha phei chuan ka la hriat ngai reng reng loh dead rent Rs. 10,000/- permit pakhata pek ngaite a lo awm bawk nen.

Tin, chu mai bakah khanin kan chhiah lo chawi thin, kan royalty pek thin kha lungahte hian cubic metre ah Rs. 12/- vel kan pe thin a ni. Amaherawhchu, tunah Rs. 70/- pekna turin kan ruahmante hi hei hi kan ennawn leh a ngai, siam that tur tam tak a awm a. Kha kha kan duh tawk mai ang e.

Pu Deputy Speaker, sawi tur a tam em em mai a, Khawngaih takin hun kan dil belh nghal ang a. Higher Education hi tawite kan sawi leh ang a. Higher Education-a kan policy hi kan tih danglam a ngai tlat. Education Department pangngai lo kalpui thin

Kan duh lo angin thil a kal ani. Tunah hian khawpuia College-ah hian thingtlang College ami hi transfer a rawn dil an rawn lut ruih ruihin a lang. Khawpui chung atanga pawn lampang transfer hi awm mang lo khawp hian kan transfer policy hi city centric a ni. Chuvangin thingtlang lampangin harsatna kan tawk mai dawn. Chuvangin thingtlang lampangin harsatna kan tawk mai dawn. Chuvangin khawpuia rawn in transfer leh ringawt te kan tih tawp a ngai a ni. Thingtlang lampangin kan zirtirtute kan hloh tam dawn lutuk a ni.

Tin, NET chungchang hi han sawi leh lawk ila. Nation Eligibility Test chungchang thua hian hei hi keini tan hian tunah hian a tha ber a ni tih hi Mizoram Teacher' Association ngaihdan pawh a ni. Mahse, State level eligibility test neih kha tha tih zawk niin hei hi Assam hnuaiha zu in register kan duh ta a. State level eligibility test zuk ti hian Pu Speaker, minute khat chiah tunah hian kan quality hi kan ti chhe dawn tlat. NET hi zawm ve ila, Net kaltlang lo chu in appoint lo turin leh U.G.C. ngei pawhin 1993 atang khan NET nei lo zirtirtute lak an nih chuan Affiliation pek an ni lo ang tih thleng a rawn sawi tawh a ni a. Amaherawhchu, hei pumpelh kan tum a. Quality lampang i ngaisang ang u. Academic improvement kan duh chuan quality of teachers hi kan ngai pawimawh tur a ni.

Hei atawp ber atan, Pu Speaker, wawiinah hian Mizoram timualphotu chu Power Department a ni tih kan sawi duh a. Power Department hi a power tihchhuah aini kan plan siam tharah kan compensation buaipui avangin kan Power Department a kal thei lo ani tih kan hotuten an sawi kha. Chuvangin Mizoram timualphotu chu plan leh Scheme tha Mizorama kan neih dawn reng rengin a compensation lakna tura politician leh Officer lian kan lo intlar khat thum mai hi. Hemi avang hianin Mizoram hi kan mualpho tawh ani. P.C. hun lai atangin chhut chiah mah rawh u. Kan scheme neih lian zawng zawng kha han chhut mah ula, Bairabi, Luangmual Capital Project, Serlui 'B', Bairabi Hydrel Project bakah Regional Chicken Broiler tihte leh engemaw plan lian a siam dawn hian khalaiha kan miliante compensation neih tumin an lo intlar khat thup thin a. Tun sorkar hi danglam bik tura kan lo beisei laiin a danglam lohzia kan hmu a. Vawiina Tuirial Project kal theih lohna chhan pawh hi compensation buai a ni tih kan hriat kha. Khawngaih takin helaiah hian kan hotuten hma lain a bik takin kan Chief Minister te ngei pawh chhungkuain nuai 46 lak tur an neihte pawh hi, hetiang zela kan kal chuan Mizoram hmai a balh bakah, Project hi kan ti thuan thu ang tih hi kan compensation lak turte kha surrender ila, a plan hi tha taka a kal theihna turin a compensation lama kan lo beisei atang

hian in scale dawn ila. Surrender ngam ila. Zokhua mipui, a ram neitu dik tak ten an la tur hi chu phal sak ila. Khawpui mite, Officer leh Politician te kan lo inrawlh thin hi sim ila he Land requisition compensation a kan lo tui lutuka project reng reng kan lo ti chingpen zel hi Pu Deputy Speaker, a pawl a, Mizoram hmai tibaltu a ni a, vawiinniah hian mipui zirtir kan tumna kawngah pawh hian kan sim a tul a. Tun a kan sorkar hian bul a tan that leh angai niin ka hria a. Chuvang chuan compensation chungchang kha atawp nan kan sawi tel talh a ni. Ka lawm e.

DEPUTY SPEAKER

Kan hun neih dan kha minute 12 a ni a, minute 10 zelah warning bell kan pe a, kan hrenawn leh dawn nia. Pu R.M.Chakma hi a pharna a rei tawh a, i ko leh rih mai ang aw.

PU RASIK MOHAN CHAKMA : Pu Deputy Speaker, ka lawm e. Vawin kan Demand sawiho naah hian ka bial lam thil ka la sawi ngai lo bawka. Kan bial lam thilah han in concentrate deuhhlekk ka duh a. Lawmthu sawina tur kum khat chhung pawh hian ka ngah ve tawh mai a. Lawmthu sawina lam pang atangin han tan ila.

Hei a bik takin Demand No. 45 na P.W.D. ah khan helaia House zahawm tak member zawng zawng ten an hria a. Chawngte bial hi inkalpawhna lamah kan hnufual em em a. Thildang ai pawh hian Isua lo kal hmam kan area ah hian Metal road kan nei dawn lo tih ngaihdan kan lo nei deuh tawh a, kan suangtuah bawka thin a ni. Mahse, tun sorkarah kan area khawpui Kamalanagar ah Motor lian leh Metal road siamna tur a rual deuh thawin leihlawn lian tak tak dawhna tur ruahmanna PWD road pakhat Km. 36 lek a Chawngte - Borapansury kawng hi 1978 ah laih an tan tawh kha Assembly House a ka thusawi hmasak ber pawh khan Cycle pawh kal thei lo khawpin kum 23 an laih thu ka sawi kha tunah chuan TMB kal theiin an siam mek ani. A ropui hle ka ti a, khatiang khawpin sorkarin min ngaihsakin hma min lakpui hi he House zahawm takah Chawngte bial aiawhin lawmthu

sawi thei MLA awmchhun ka niin ka hria a. A ropui hranpa ve hrim hrim ka ti a ni. Lungsen - Chawngte road pawh hi tunhma chfuan hna an thawhnaah Alkatra an tat ni maiin ka hria a, Khang kawngte kha World Bank pawisa nen awmze nei takin an thawk mek a. A lawmawm em em a ni. He Ministry chungah hian bial mipuite aiawhin lawmthu ka sawi ani.

Department dangah pawh lawmthu sawina tur a awm tho naa, hun a tlem si a, Sawlai bial saw a hnufual lutuk a, enkawlina tha kan hmu lo rei tawh a thil kan mamawh pawh a tam em em a ni. Chuvangin kan lawmna pawh a nasa thei lo a ni. Kan Chief Minister hian min hriat sak atana ka ngen duh chu, Chawngte town road hi black top a la awm miah lova, Council atangin pawisa tlem tein hma kan la a, kum thum kalta atang khan kan khawpui ber ani si a, District Headquarters han en hian kawng tha hi ka awt hle thinin mi kan ang lo deuh emaw ni aw te kan ti a ni. Khawngaih takin sum lam harsa deuh mahse, min ngaihtuah zawk a min tihlawhtlin sak turin ka ngen duh a ni.

Tin, Chawngte piah lam kawng hi a awm lo reng reng a. Kan bial han tlawh dawn hian khaw dangah kal tur chuan ke a kal a ngai thin a. Chuvangin PMGY kawng lak tharah hian quide lines population basis ang lo deuh pawhin kan tuar zia te kan ngaihtuah hian hmasawna a awm reng reng hian min lawmpui turin ka phut bawk a. Chu chu PWD bikah ka bial tan ka ngenna ni mai sela.

Tin, Demand No. 9 na kan frame ah khan sawi duh ka nei a. Chawngte hi SDO thut hmun leh District Council Headquarters a ni a. Bank awm lohna hmun khawvela awm chhun niin ka hria a. Chuvangin kha area-ah eng ang pawhin Development hna thawhin awm sela, sum leh pai Maktaduai pawh put sela, Bank a awm loh chuan hmasawna a awm lo a ni. Pawisa eng ang pawhin lut sela, mi ten Saving Culture an neih lova, Bank a awm loh chuan Saving Culture a awm thei lova. Tin, sorkar inrelbawlina reng reng pawh a harsa em emf a. District Council Expenditure TA/DA te kan hman tamna ber pawh hi pawisa draw tura kal chhuah a ngaih vang a ni. Motor hire a ngai a, escort a ngai bawk a. Sanction Treasury ah an pass thei lova, rei tak tak nghah a ngaiin, cham a ngai thin a ni. Tin, Bank ah pawisa an neih loh chang a awm thin bawk a, hetiangah TA/DA leh Vehicle expenditure a sang thei em em a ni. Khangte kha Bank awm thei selang chuan mipuite tan hmasawna ropui tak leh sorkar inrelbawlina a tan pawh a awlsam theih ngei a Bank pawh min pek ka ring bawk a, ka phut bawk a ni. Bank a kal chuan Sub-Treasury hi chu keng telve mai turah ka ngai a.

Tin, Finance ah hian thil pakhat ka ngaih pawimawh em em chu Mizoram ah hian Bank hi chi hrang hrang kan nei tlem lutuk a. Nationalise Bank helaiah hawng ve a tha lawm ni? Financial Institution tamna na chuan mipui tan Loan leh engkimah source atam ang a, Industry din nan te, sumdawn nan te State Bank hian Monopolise Business ang deuh kan nei a. Business reng reng hi Monopoly lutuk chuan enkawlnaah pawh induh tawkna an nei thin a. Chuvangin complete in Market pawh a tih theih ang a. Bank Financial Institution hrang hrangah competition nei deuhin induh vak lo hian an thawh ka ring ani. Chu chu Bank hrang hrang Nationalise Bank, Canara Bank tihte atam a. Tin, State dangah pheih chuan State Bank ngawr ngawr hi sorarin a dawr lova, Bank dang pawh Government Transaction atan pawh an hmang ani. Khang angte pawh kha kan State ah hian ti thei ila chuan ka ngaihdan chuan kan ram hian hlawkpuiin ka ring a ni.

Khatiang thilah khan engemaw sorkar hna Bank-ah pawh engemawchen Grade IV te, Clerical staff te kpawhin kan ram lehkha thiamte pawhin an awmchilna na na chuan tunai chuan hna an hmu tam phahin ka ring a. Khangah pawh khan kan hlawk phah ve turah ka ngai a. Chu chu sorkar lamin bawhzui dan ngaihtuah se tih hi ka sawi duh a.

Tin, Higher & Technical Education hi ka duh ai chuan kan ngai pawimawh lo deuh hlekin ka hria a. Kumin Supplimentary Budget kan siam lain enge a chan ka hrethiam lova. Nikum ai chuan Fund allocation pawh hi a tlem daih mai a. National level-ah Ration fixed ah pawh khan a pha lo tihna a ni a. Kan Higher & Technical Fund allotment hi, chubakah thingtlangah College te pawh abik takin Kamalanagar College hi 1992 khan a ding a. Private in kan la kalpui ngar ngar a. Official lam ka kawm hian Private College awm zawng zawngah in titha ber an ti a. Kan management ah te, Lecturer ho awmdan te, tun result pawh hi Lunglei College ai chfuan achhe bik lo a ni tih hi ka sawi duh a. Kei hi Governing Body President ka ni bawka a, kan College awmdan chu hetiang hi adinhmun chu ani. Tunhnaiah chuan mi rethei ten Matric an zir chhuah hnuah hna an thawk mai thin a, College ah zir lo na na na chuan an sawifo thin angin No College no knowledge tih ang khan. Mifing tak tak tling turin kan awm dawn lo reng reng a, Aizawl leh Lunglei College kal tura thlenna neilo zirlai tam zawk an ni a, senso a tam avangin College kal ho chu Officer fate tih lo hi chuan mirethei fat en tuman an zir thei lova, Kalamanager College an ring deuh ber a. Private in hlawh kan pe lehngal a, pay scale in kan pe a, thla khatah nuai khat leh singkhat vel kan seng a ni. Rei tak kan kal theih

pawh ka ring lova, mipui pawhin an ring tawh a. Khawngaihin kan Minister Higher & Technical changtu khan min hriatpui sela. Hei chu pawisa awmlah karah pawh hian sorkar hi chu a bikin Political wing nei angte pawh min duhsak angai a. Chutilo chuan, engtikah mah hian helai State kan unauten engtikawng mahin kan pha dawn lo tih hi ka sawi duh a.

Tin, minute khat lek chauh Art & Culture ah hian helai State engemaw programme a awm thin chuan khang Programme ah sawlai Lai Mara leh Chakma Cultural Troops te han sawm thei thin ni sela. Heng State Programme te hi ati mawi lehzual dawnin ka hria a, a mawi tho nain. Tin, kan mipuite pawn Ministry helai Mizoram changkan dante an zirtirtu te in hmelhriat tawna te, a awm tan ang a, chu chu a leh lam leh lam ve vein hlawk phah nan kan hmang thei dawnin ka hria a. Pu Deputy Speaker, ka lawm e.

DEPUTY SPEAKER

: Kan hun pangngaiyah chuan Dar 4:00 a chawlh tur ani a. Hei, kan chawl leh ang a. Darkar chanve kha a rei lo lutuk kan ti em? Nge a tawh kan ti leh mai dawn em ni ang? Awle, darkar chanve kan chawl ang a, dar li leh a chanve ah kan chhonzawm leh dawnnia, i chawl rih ang u le.

4:30 P.M.

PU H.VANLALTHALIANA :

Pu Speaker, hei vawiinniah House Leader zahawm tak kan Chief Minister ni bawh Department chan leh kan Minister of State zahawm tak, Dr. Lalzama Department chante kan sawihova, a ngaihnawm hlein ka hre lawm a. Tugin zingah khan zawhna nei hmasa bertu Pu Lalrinliana Sailo khan a sawi chhuak a. Chanchinbuah ka hmu bawh a, Pu Lal Thanhawla Opposition Leader zahawm tak National Integration Commission a member a nih thu kha ka lawmpui a, ka rilrua ka ngaih pawimawh tak mai, Mizoram chhunga mite Integration-a kan than theihna tura hmalatu atanah pawh tangkai taka hma a lak theih ka duh a, beiseina ka neih thu kan chah zui bawh ani.

...843/-

Kan Demand-ah ka lut mai ang a, kan ngaih pawimawh hmasak chu, Art & Culture hi ani a. Mizoramah kan hnam ziarang te, kan culture te humhalh tura Department kan neih chhun a ni a, a phak tawkin hma pawh a la thain ka hria a. Tunah hian kan culture tih larna leh thangthar tehna an hriatthiamna tura cultural meet te, eng eng emaw te programme te pawh asiam thin a. Tin, chubakah hei Thingtlang mi tena information kan neih theihna turin Library NGO tena Library an neihah te lehkhahu te ape thin a, heng kawngte ka ngaihtuah hian changtlung deuha thuam a pawimawh awm mang e aw ka ti a. Ngaihsak deuha sorkarina enkawl kha a tulin ka hria a, tun aimah hian Department langsar lo ni mahsela, a pawimawh hlein ka hria a. Chuvang chuan an hmalak tawhna te a thain a ropui a, chuvang chuan chak zawka hma a lak theihna turin sorkarin a ngaihsaka kha thain ka hria a. Chulai chu kan tarlang duh ani.

Tin, chu lovah chuan District tinah hei Library an din chho niin ka hria a, ka hriat danin Lawngtlai District ah te Kolasib ah te pawh District Library din tura hmalak chhoh a ni a. Lawngtlai a Library tur bikah hian a building sakna tur kha K. Deposit ah an dah ni hian ka hria a. Hei hi hma lama lak chhuah a, hnathawh tan anih theihna tura Minister zahawm takin a hma min laksak turin kan chah duh a.

Tin, chu lo lehah chuan Higher & Technical Education, Demand No. 21 na ah khan hei ngaih pawimawh deuh mai ka nei a. Mizoram Education, kan College te quality improvement te, a buildingah te, leh kawng hrang hranga hma asawn theihna turin nasa takin sorkarin hma ala a. Tunah hian chutiang tura College thuam tur chuan sorkar pawh nasa takin inruahmanna te pawh aneiin ka hria a, ropui ka ti a. Chutih rual chuan, Lawngtlai College tunah hian Deficit College ah chuan a senior berin ka hria a, Mizoramah Government College-ah min dahsak tura min chhinchhiah sak ka duh a. Tin, chu chauh chu ni lovin, department, subject a tlem em em mai a, Compulsary subject bakah chuan subject 4 emaw chauh awm niin ka hria a. Hengah te pawh hian subject entirnan Geography te, Socialogy te, Public Administration te tal zirlai ten duh an thlan theihna tur tala hma min lak sak ka duh a.

Tin, hei Mamit College te pawh hi Government-ah dah ang reng, an service chiang lo deuhin ka hria a, chu lai chu a bialtu pawhin a ngai pawimawh a, sorkar tan pawh a ngaih pawimawh tham niin ka hria a, kan tarlang tel duh bawka a ni. Tin, chu

lo lehah chuan, Power & Electricity Department-ah hian hmanni ningani khan Chief Engineer ka va phone a, kan bial mite vuina leh harsatna kan neih, Saiha bialtu MLA zahawm tak khan lawmthute a sawiin ka hria a. Lawmthu sawi tlakin kan hotuten an lo thuam anih hi mawle, tihna min pe a, Power Department-ah te, P.W.D. ah te, Hei ka hriat danin a statement ka hmuh danin Sub-Station Great power shared in Mizoram during peak hours han en hian, W.Phaileng In 300 bawr vel Power an pek 1.90 leh Lawngtlai District headquarters, Chawngte District thlenga huap phaka kha 1.90 tho pek an ni a. Hei hi chu a ni lo deuh law maw ka ti a. Saiha kan en a, an bialtu M.L.A. kha a vui viauin ka hria a, kan en a 2.14 lai kan let deuh tho kha a lo ni zawk a ni. Chungte kan ngaihtuah chuan lawmthu hi kan sorkar zahawm takah hian sawi mawlh mawlh turah kan hre deuh va. Ruling bial anga duhsak bikna awm lo sorkarin mipui rualkhai taka hmalakna hmun niin ka hria a, kan sorkar hi a chhuanawmin a huapzo bawk a, churang chuan hei hi ruak khai deuh zawk a hma a lak theihna tura kan House Leader zahawm takin min chhinchhiah sak pawh ka duh a, kan tarlang tel ani.

Tin, chu lo lehah chuan, Lawngtlai District headquarters a Electric E.E. neih lo awmchhun kan niin ka hria a, hei kan hotute ka zawt thin a, E.E. awm lohna pakhatmah a awm lova, District Headquarters nilo tam takah pawh E.E. hi an awm ani. Lawngtlai chfiah hi District headquarters E.E. awm lohna niin ka hria a. Churang chuan kan sorkar chak tak hian an thil tih chhunah hma an lakna zawng zawngah kan lawm a, kan lawm lehzual theihna tura Electric Division hi min hawn sak ngei pawh ka phut a, ka ngen duh a ni.

Tin, ka han kal leh duhna chu P.W.D. hi a ni a. PMGSY kawng laih te, PWD in Department a kawng hrang hranga hma an lakna tam tak awmin ka hria a. Tahchuan ka sawi tak ang khan tunhmain Division a awm a, Saiha atanga hnai leh tul deuhna na na chu an ngaihsak lo thei lova, kawng laih pawh atam em em a ni. Tuna Lawngtlai District thar lo piang ta chhungah hian Chhimtuipui anga hma kan laknaah khan Lawngtlai leh Lawngtlai thlang Diltlang to Chawngte 31 Km vel chu chiah chu kawng laih a awm ani. P.W.D. atangin, Lawngtlai leh Saiha inkar chu laih a ni a, BRTF kawng a lo chhuah tak hnu khan ngaihsak vak a ni ta lova, kawng tha deuh zawk hla deuh hlek zawk mah se, ani a. Chung chu anih avangin hemi, Lawngtlai District angin P.W.D. kut thlakna hi a chak lo em em a ni. Amaherawhchu, kan sawrkar chak tak zarah tunah hian P.W.D. Division hawn ani a. Chu chuan hma nasa takin a la a, khawlai kal kawngte a tizau a. Sum nei lo chung chungin sum an hmuh chhunah khawlai black top te pawh buaipui a ni a. Mipui

pawhin sorkar hmalakna ropui an ti a, an lawm a. Tin, tuna kan awmdan ang ngawt chuan bul tan kan nih avangin hmalakna tur tam tak a awm a. District hnufual ber, inkal pawhnaah te, Education-ah te kan ni a. Chutiang a nih avang chuan hmalakna tur sorkar tan a la tam em em mai a. Hei hi ka ngaih pawimawh deuh deuh lai chu kan House Leader hnenah pawh ka sawi tawh. Chawngte atanga Nghali lui inkar kawng 60 Km. Vel niin ka ring a, Mizoramah hian hemi phaizawl ang hian chei dawn ila, a zau pawl anih ka ring a. Tin, Kawnpui atanga Vathuampui chu tunah hian PMGSY atanga laih tura tender tih mek a ni a, afel tepin ka hria. Khatiang khan kawng laih loh Jeep pawhin apawh reng reng lohna, ke ringawta kal ngai tamna ber District kan nih ka ring a ni. India sorkarin India ram a District hnufual a thlan chhuah zingah pawh khan kan tel a, kan hriat theuh ang khan, chutah pawh chuan kan ngaih pawimawh chu kalkawng hi a ni. Kalkawng hi awm manglo reng reng ke deuh hlin department dangah han pen lawk ka duh a. BAPD atanga tlem tlema Jeep kal tura kan laih tih loh phe chu Jeep kal theihna hi a awm lo tluk ani a. P.W.D. ka sawi ang khan kutthlakna a awm lova, tunah hian Division tharin hna a la a. PMGSY atanga hmalakna ropui tak tak Diltlang - Chawngte Km 31 te, N.Kawng-Vathuampui Km 24 te an la chho ta hi a ropui a, mipui pawh an phur em em a. A bikin Vathuampui leh Area kawng kan lai dawn in ti a in lai thei si lo tia vawi tam tak sorkara vui khan vawiina tender a chhuak ta ringawt pawh hian thui takin mipui phurrit leh lungngaihna a chhawkin ka hria a, a lawmawm hlein ka hria. Sorkar chak leh hnathawk thei mipui tana rawngbawl a nihna alang hlein ka hria. Chak zawka hma alak theihna tura sorkar pawhin a thuan zel ka duh a. Staff te an indaih lo na sa em em a, sum leh pai harsatna avangin.

Tin, chu lo lehah chuan P.W.D. atanga hmalakna hemi Hruitezawl Saiha bialtu zahawm takin nuai 150 lai engmah an tilo a ti a. Hemi Lawngtlai atanga chhim lampang Km 130 a nih ka ring a, chuta tanga BRTF in Nalkawn Chamdur valley road kan tih atanga tuipui Hruitezawl va phawhna hi ainhnaih laiah chuan metre 880 chauh a ni a, hemi truck road in apawh lohna hi. Amaherawhchu, Motor kawng a pawh tur chuan Km 2 deuh thaw a ngai thung a ni. Chulai chu laih tawh a ni a. Laih zawh vek tawh ani a. Amaherawhchu, heng aluhna tak turah hian lung hmun nasa lutuk a awm avangin E.E. in min hrih dan chfuan Jeletine quintal 2 helai hmunah ringawt hian kan hmang a ni. Lungbang sei deuh maiin a inthuah a, churang chuan hmalakna a chak lutuk thei lova, a kawng erawhchu Motor te 4087 chu a kal tawh a ni. Tin, Rest House sak a ni tawh bawk a, Quarter tur 2/1 chu sak a ni tawh bawk a. Helai hi thui takin hmalak a ni tawh bawk a, chak zawka hma

lak a nih a, sawlam kawtchhuah a lo nih chuan helaia Silchara Rikshaw driver pakhat buai, nuar pawha kan buaipui thin pumpelh nan pawh a that ka ring a, Mizoram sorkar tanah kawtchhuah pawimawh tak khulam ami te khu Art & Culture nen pawh a inmil deuhin ka hria a kan sawi zawm deuh nuai ang a.

Mizo nih duh vek an ni vawikhat lai phei chu ka hriat dan chuan House a sawi chi a nih leh nih loh ka hre lvoa, India rama bet tura hmala pawl pawh an awm a ni. Akyab thleng hian India ramah kan bet ang. India sorkarin hma min laksak rawh se sawlai atang sawn eng organisation emaw chu a chhuak hman ani. Chutianga Mizo hnahthlak te awmna hmun a ni a. Chuvangin sorkarin kawtchhuah pawimawh ni bawk a kal zel tur atana ram tana tha bawk a nih avangin min ngaih pawimawh sak hle sela ka duh a. Hma chak taka lak anih theihna turin sorkar ka ngen zui duh bawk a. Pu Speaker, ka sawi dawn chauh emaw ka ti a, bell i hmet ta mai si a.

Finance Department a sawi tel leh lawk ka duh chu tunah hian Mizoramah Sub-Treasury Officer eng emaw zat an awm a, Accountant atanga promotion vek an niin ka hria a. Chung ho chu MFAS ah an lut thei lawi si lova, service bo deuhin an awm ani. Mizoramah hian hetiang service bo tak tak hi khawi maw lai department ah hian an awm fo mai a. Hei hi sorkar tan namnul chi a ni ang em aw ka ti a ni. Anmahni chu an tam hauh lova, service ngah lo tak tak te pawh an awm a ni. Mi 6, 8 vel chauh an niin ka hria, khatianga an service ngaia an awm kumtluan, an service chhunga awm tur ringawt kha chu sorkar tan afel dawn em ni aw tih ka rilruah a lut a. Hei hi sorkarin a enkawl zui deuh va, awmze neia a tul anih chuan Central sorkarin MCS te pawh IAS a a confer ang deuh hian tuna STO ang ringawta awm tir lova, Service puitlinga tih theih dante a awm chuan kawng zawng sela atha hlein ka hria a. A chhan chu an mawhphurh naah Treasury Officer, District Treasury Officer ten mawh an phur vek si a, an hmalak naah. An aia Junior ten thik dawn sela rei tak service nei an awm bawk si lova. Bangbo lutuka kalna tur nei tawh lo, kir leh dawn se dik si lo, Junior te pawhin khatianga an promote khalhna dinhmuna awm kha an nih avangin hei hi sorkarin a ngaih pawimawh chi niin ka hria. Chulai chu ka tarlang duh a.

Kan sorkar hmalak ropui tak pakhat chu Finance-ah hian sum leh pai kan harsa a, State rethei, keimahniin Revenue kan nei lova, nei thei turin sorkar a inbuatsaih a, Revenue kan lak theihna turin land holding ah te dan kan siam ta a. Treasury khar ani miah lo te, harsa tak chung a sorkarin an kalpui te hi ropuiin ka hria a.

Tin, chu lo lehah chuan kan Financial management sorkarin a thiam avanga peace bonus a dawngte hi aropuiin ka hria a. Hetiang sorkar, sorkar chak kan nei hi a lawmawm tak takin ka hria a. Pu Speaker, chung chu kan tarlang ve duh a ni e, ka lawm e.

PU H. LIANSILOVA

Pu Speaker, ka lawm e. Vawiin kan Demand sawiho hi a pawimawh hle mai a. Department a tam a, amaherawhchu, tlem sawi ve ka tum ang a.

A hmasa berah chuan ka sawi duh chu Finance concerned ah hian hmanni khan a general discussion-ah khan ka tarlang ve nual tawh a. Ka rilrua ka ngaih pawimawh chu kan State sum dinhmun hi hetia kan hotuten an han sawi leh kan han ngaihthlak atanga kan chhutin dinhmun hlauhawm takah kan ding thei a ni tih hi han tarlan nawn leh hi tulin ka hre tlat mai a. Hei kumina kan budget hi 1500/- crore chuang dawn emaw a ni a ng a. Tin, hmanni a unstarred question chhannaah khanin han enchian khanin kan State ina leiba a hi 2198/- crore, October thla tawpah khanin a ni tih kha min hrilh dan a ni a. Tin, 1998 December thlaah khanin 658/- crore kha leiba kan nei a. Chuta tanga rawn inbelh chhuak chuan tun dinhmunah chuan 2198/- crore chuang hret kha a lo ni ta a. Tichuan kum nga chhunga kan leiba han intiang chhota chu kumnga chhungah khati zata lo nih chuan kumnga chhung khan leiba thar 1540/- crore zet kha kan siam tihna a ni a, kan nei tihna a ni a. Kha kha kan budget dinhmun han en hianin kan neih aia tamn fe kan ba tih chu hriat a ni a.

Tin, C & A.G. report lam atanga han thlir khan kan State Finance dinhmun hrim hrim a kha kan asset kum 2001 - 2003 inkarah khanin za a sawm panga in a pung e tiin min record sak a, a lawmawm khawp a. Hei lawmthu sawina tur pawh a nih ka ring a. Amaherawhchu, chutih rual chuanin kan liability lam han en ve thung khan hetia loan a kal chak vang hi a nih ka ring a, kan liability a thung kha chu za a sawmhni pakhatin a thang e a ti ve leh thung si a ni. Tichuan, a inthlauhna kha, a umphak lohna kha kan asset in za a paruk a lo ni ta a. Hetiang a kan kal chhoh zel hian engemaw ti tiin in manage hram hram thin mah ilangin, a hlauhawm hun hi chu a thleng ang tih a hlauh awm viauin ka hria a. Tin, hmun danga an han sawiah khanin vaibelchhe 1,160 kan loan kan puk a nih lai khan in a taka investment akan hman a kha chu za a pawmpahnih emaw chuah kha a ni an han ti lehngal a. Chuti anih chuan kan revenue expenditure ah keimahni kan

inenkawlna inbuaipui naah hian Development Investment ai khan kan hmang deuh vek a, kan loan pawh kha kan hmang ve tihna a ni a, mimalah han inchantir ta ila. Insakna leh engemaw rothil siamna atan a puk khanin engemaw kan in cheimawina leh khawlai lenvelna atanah kan hmangta teuh va, za a sawmriat aia tam kha chulamah chuan kan tikal a, za a sawmpahnih chauh ro thil siamnaah kan hmang chauhva zaa sawmriat kha chutiang chuanin kan thehral ta ang kha a ni a. Chuvang chuan helaia kan dinhmun hi thiltha tam tak kan thawk kan ti a, a dik pawh a dik ang, hmuhtheih pawh a awm a. Amaherawhchu, chawhma lama kan ngaihthlak tak ang khan, kan investment siamna leh kan development fund reng renga hi Plan fund a ni emaw, central atanga CSS atanga a hlawm liana kan hmuh dang pawh niselangin investment vek a ni a. Investment pawisa kan hmanna anih hi chuanin liability a awm nghal zel a ni, kan rulh a ngai kher lo anih pawhin keimahniah liability min siamsak a, chuvang chuan a bat a kan bat chungchangah pheih chuan fimkhur taka kal a ngaiin ka ring a. Chuvang chuanin hei India Constitution Art - 293 ah khan State te hi sum, hemi kan consolidated fund against hianin Market Borrowing pawh atih theih, Amaherawhchu, Legislation a limit, a him chin siama policy neih tur a ni, tih hi a dah a, hmanni khan ka sawi tawh a, helaiah hian kan kalzelna turah hian a puk tur awm apiang leh scheme lian tha, kan mamawh nia kan hriata kal maiah hianin kan sum puk dan tur chungchangah leh scheme lian Project lian kan lak dan tur chungchangah, min delh bet tu tur ani mai ang tih te pawh a hlauhawm a.

Tin, chubakah chuan kum 4/5 a benefit, a direct benefit mipui lam pawhin a an hmuh tur awm lemlo te anih pheih chuan muangchang zawka kalpui te pawh a tha a, mipui vantlangin kan mawh leh chhawr nghal theih thil tharhma leh kan chhawr hma tur lam ngaihtuahna lian se a tha hlein ka hria a, hei hi kan sawi nawn duh a.

Tin, pahnihnaah Finance chungchangah chuan kha Chawngte Autonomous District Headquarter a Bank la awm lo kha a pawh hle mai a, Apex Bank tal hi awm sela chuan a function thei maiin ka ring a, kha kha kan support duh a. Tin, chutih rual chuanin hei kan sawi leh duh chu kan ramah kan khawpuiah te private investment te chi company te eng eng emaw an lo chhuak a, an performance leh an dinhmun dik tak pawh kan hriat lem loh, ngampa takin kan pawisa an han lakhawm a, an insawi mawi a keimahni lam ami tu tu te emaw pawh enin han hneh deuh mai a, reiloteah an tlanbova kan buai zui leh a, chuvang chuan hemi chungchangah hian Finance Department atang te pawhin heng

hi chu lo control a enchian a, mipuiin an bawh hup hma a a rawn inhawng tur a te pawh hi lo ngaihven sa thain ka hria a, hei hi la sawichhuah a awm loh avangin kan sawichhuak ve hram a.

Tin, G.P. fund chungchang hi kan sorkar hnathawk te G.P. fund hi tihian kan hmang chho zel a, kan State sorkar pawisa ang hian, kan hman tur pawh a ni. Amaherawhchu, a rule lam ina an mamawh hun anga an mamawh dan anga lakohhuah phalna a neihsa chhungah hian nasa takin kan restrict a harsatna kan siam a, chuvang chuan hei pawh hi ennawn thain ka hria a. Hei thenkhat damdawiina kal mamawh ngawih ngawih te emaw an fate College emaw Medical College ah emaw, khatianga kal tur engemaw sum a hlawm deuhva an lo dah ve han lakchhuah tum harsatna tawk an tam mai a, tin phai lama damdawi ina kal tur te. Chung mai chu ni lovin an department an han verified a tha a kha kalpui mai awma kha YMA te emaw engemaw lai phei kha chuan Kohhran te pawh kha kan pun hialin ka hria a, keini kan Kohhran ah phei chuan kan sawi ho a. Hei hi chu Kohhranin kan tihurah ngai lo ang u kan ti hial a. Chuvangin helaik hi kan sorkarin a enthat a ngai viau in ka hria. Kan sorkar hnathawkte lehlamah chuan sorkarin kan mamawhna an hrethiam a, mahse, dan anga an chanvo turah hi chuan hriatthiam theih tura kan kalpui tha hlein ka hria, kha kha ka sawi duh a.

Tin, Industry ah hian Zuangtui DOACC saw Industry ken deuh niin ka hria a, a tha hle a, kan nula/tlangval te pawhin Computer zirin phailamah company lian tha tha ah mi 100 chuvingin hna an hmu tawh a, a lawmawm hle. Mahse, tuna an awmdan saw a tawklo hle a. Imphal atangin Director-in a rawn awp a, chuvangin saw saw centre mai ni lova, Project tak tak ding turin kan sorkar hian hma alakzui a ngaiin ka hria. Tunah phei chuan degree BCA lakna turin kan Mizoram University pawhin a pawm niin ka hria a. Tihchangtlun deuh deuh a, I.T. atanga khawvel kan dahchhuah theihna tur kan opening tha tak tur anih ka ring a. Ngaihven a, Central sponsored ni mahse, kan State-in a tanpui chuan centre mai nilovin Project lian tak a ding thei ang a, Imphal atang a rawn enkawl mai ni lovin vawiinniah pawh ti lianin inenkawl thei se thain ka ring a.

Tin, Industry bawrah hian PMRY zirlai hna hmulo loan kan pek hi central atangin Bank ah direct a credit pawh a ni mai thei. Mahse, Industry department ah selection siam a ni thin a. Bank hian an selection chu approve leh a lo ennawn leh thin a ni a, kan mite thlan tawh ten harsatna an tawk nasa hle. Tin, an thlan si

Bank in a pawm loh akha, a pawisa kha engtingge a awmzui tihte hi kan ngaihtuah zui em? ka hre lova. Zawhnaah pawh ka zawt a, mahse, a chhuak hman dawn lo niin ka hria a, kan hotuten in ngaihven zui tul hlein ka hria. Kum tin mi sang rual velin nuai khat emaw a an puk theih tur hi a lokal ziah mai a. Mahse, Bank lamah a kal avangin keini hian a thlan chauh kan tum a chu chu in lo enzui theih cfhuan a lawmawm khawpin ka ring a pawisa pawh tam tak bank ah hian a awmin engtin emaw an divert a ni mai thei a, ngaihtuah zui atan a tha hlein ka ring.

Tin, thingpui Mizo thingpui atanga chhuak market ah te pawh a lo lang ta a, a lawmawm hlein ka hria a. Mahse, tunhma atanga ka sawi ve fo thin han sawilan ka duh a kan rorelna sangah hianin thingpui Industry hi labour intensive a ni, Chuvang chuan, a thingpui hi mite complete pha tur chuan cheap labour angai ani. Chuvang chuan, thingpui huan neitute leh la ti zel turah keimahni tualchhung ami labour aia cheap labour lak kan duh mai hun emaw a awm ka hlauva. Chuvang chuan labour policy mumal tak thingpui huan siamtu leh la siam zel turah hian neisha a pawimawh hlein ka hria a, Assam ramah example tha tak an awm tawh a, chuvang chuan thingpui huan kan uarna thua leh kan kalpui zel tur thua pawh hian labour intensive a ni a hlawkna tur chuan cheap labour a ngai ani, cheap labour kan lakna tur chu a hriatsa mai ani. Tin, population balance hi khawilayah pawh 400/500 an awm chuan a balance a tih chhiat vek theih politically pawhin, chumi rilru atang chuan thingpui huan pawh hi kan kalpui dan tur fel taka policy neia kan kalpui thain ka hria a, chu chu kan tarlang leh duh a.

Tin, Higher & Technical Education ah an budget kan ram University hawlhtu ber a ni a, 6% tal hi chu tih hram nisela. Tin, mithiam chherchhuahna tur department a ni a, research atan hian scholarship kan dah tha tawk lovin ka hria a. Tin, foreign a kal theihna tur hial kan siam pawh athain ka hria a, keimahni University ngeiah zirtirtu tlak kan lo insiam chhuah leh chumi atana hma kan lo lak hi tihmakmawhah ka ngai a. Chuvang chuan Higher Education lam hi tunhma aian attention pe lehzualin budget-ah pawh duhsakna pe ila a tha hlein ka hria a, a bikin research education lamah hian scholarship leh a tul angte pawh tunhma ang mai mai lo deuh dah nisela athain ka ring a, chu chu kan tarlang ve duh ani e, ka lawm e.

PU LALTHLEGLIANA : Pu speaker, ka lawm e. Hei thuhma nei lovin Demand No. 45-naah hian lut ta ila. A tir atang hian in lo heti a, in sahuat a khawih leh dawnin in hre thin a. P.W.D. ina Mizorama hma alakna hi a ropui hlein ka hria a. Kawng tunhma la khawih reng reng loh kawng 47 khua leh khua inkalpawhna an han laichhuakte, heni hi a Km ringawt pawh 557 lai ani a, lei hian pui pui pahnih Luivai lei len Manipur kawngah, Tuichang lei leh Hnahthialah lei hi an han dawh a. Hei lo pawh hi lei lian tak tak pawh an dawh belh bawk ani. Kawng heti zozai an han laichhuakte hi a ropui tak tak a, heng an kawng laihte pawh hi tunah hian chhiar chhuak dawn ila hunin a dah lo ang a ka chhiar lo mai ang a. Chutiang chuan New Scheme-a tuna tender koh leh mai tur an han dah ringawt pawh hi a tam em em mai a ni. Khua leh khua inkalpawhna tur bawkin hmun 12 vel dah leh an ni te, tin, chubakah heng kawngpui lian Keitum - Arrawhkawn tihte, Saitual - Phullen tihte, Mamit - Bairabi tihte. Hengte, heng Mamit - Bairabi inkar te hetiang khawihzui ani leh mai turte hi a ropui em em a. Bairabi - Zamuang, Buhchangphai, Phaisen tih te, Tlabung leh Kawrpuichhuah inkar Saitual, North East Bualpui heng lai te athen chu khawih tawh ani a, a then an han khawih mek a. Tunah khuan ka bial Mamit te chuan Mamit leh Bairabi inkar hi mut mawh hnar mawha neih, an vei em em a ni a. Hetiang kan sorkar chak tak maiin an khawih chho zel maite hi a ropuiin a lawmawm a ni. Tin, hmun hrang hrang kan han thlir a, hei Aizawl khawpuiah te, Bawngkawn - Durtlang kawngte kan sawi fova khung Reiek kawng ka sawi fo te, khumi kawngah chuan Kuhva hmuam phawt ila, a sawh gear-ah a chip mai ani, an tih kha. Tunah Bus a service, Car pawhin nuam em emin kan tlan thleng thei te hi, heng kan sawi zawng zawng, kawng khua leh khua inkalpawhna hmun 47 Km. 557 a sawi, tuna tender leh mek tiam loh pawh hian a ropui lutuk a, heng zawng zawng hi tui let hnua la awm ngai lo, awm thar a ni a. Ratu bialtu zahawm tak khan arsi hnuaiah chuan engmah a thawh theih lo a ni hi mawle, ati a, arsi avangin a ni Bethlehem naupiang kha khawchhak mifing ten an hmuh theih ni, ni hnuaiah kha chuan an tawng pha lo anih kha, arsi hnuaiah zel ani a. Chuvangin, P.W.D. te pawh hi siam danglamin an awm ta tunah chuan, Ui talh a Zu nen sam sei buaipui tiha hmingchhe taka an sawi thin kha vawiinniah department serafim tih tur khawpin P.W.D. hnathawh dan te, an hmalak dan te, an fel fai zia te pawh hi fakawm hlein ka hria a ni. Chuvangin, vawiinniah hian hetiang khawpa Zoram tana hnathawk tu kan P.W.D. Department hi Zoram mipui ten helaia House pawh hian lawmthu kan hrilh fo pawh hi a tul hlein ka hria a ni. Chu chu an hnathawh, hetah hian retaining wall leh thildang pakhatmah kan la sawi tel lo lehngal a, a sang a sang tel a

sing asing tel sawi belh tur an nei a ni. Amaherawhchu, vawiinni hun tlem te ah hian kan sawi hmanin ka ring lova.

Demand 39 na kha kan sawikai leh duh lawk a. Hemi Tuirial Hydel Project te, hun engemaw chen lo tihtawp der tawh, thuan thu der tawh kha MNF sorkar, arsi kakhluuina hnuai aawm chuan bul a rawn tan leh a, a luidunga aawm, engtik lai mana malsawmna hmu lo tura inngai ten compensation an lo la ve a. Aizawlah mi 51 zetin compensation an la a. Khulai luidung khua ten tamtak an la bawk a. Champhai pa tlemtein an lo la be a, kan Chief Minister zahawm tak chhungte pawh an lo ni ve ang nge, hengte hi a lawmawmah kan inngaih sak tur ani dawn lawm ni. Lengpui airport te kha a hmun tur zawk a langah, mahni ramchhungah kan han sawn a, nu te hmingte kan chenpui reng hmingten compensation kan han hmu a, mahse, thlawhna tumhmun a aawm tho va, atum theih tho chuan a lawmawm a ni lawm ni, lawmthu i sawi ang u. Khang an compensation hmuh te kha sawisak sawisak lo ila. Chutiingin Zemabawk te, Bawngkawn tea mahni nu hmingte, unau te hminga compensation tam tak, rapthlak tak tak kan lak te kha a hunlaia pawisa hlut tehluu nen vawiinniah insawi sak lo ila a lawmawmah ngai ila atha mai lawm ni. Heng ang thil tak tak sawi tur hre mang si lova, hetiang zawnga kan han inti thin te hi a pawl hlein ka hria a, vawiinniah pawh lawmpui ila, khunglai luidunga ram neite chuan engtikah mah malsawmna dawng pha ve lo tura an inngaih laiin vawiinniah compensation an han rut ve hmiah hmiah, mi hluihlawn sa kan keng nung leh a. Hengah te pawh hian Pu Speaker, i veilama thute pawh hian lawmthu sawi nachang te pawh hre ve sela a aawm viau lawm ni. Sawive tur pawhin kan phut ani a.

Nichina kan sawi tak demand 45 na ah khan sawi leh lawk kan duh chu, hei Mamit khu ka bial khawpui ber District Headquarter ani a. Tlangdungah kawng pakhat a kal phei zawr zawr a, a tawp der ani. District dang Headquarter khawpuite kan thlir chuan hmun tinah Kolasib, Pu Rintea bialte angte pawh kawng a thlur seng sung a ni, Lawngtlaiah te pawh kan hmu. Lunglei lamah te pawh kan hmu a. Kawngpui pakhat chhe lutuk ta deuh hi chu P.W.D. hian theihtawp a in han chhuahpui ve sela ka duh takmeuh meuh a ni. District chei that sak loh chuan amualpho thlak dawn a. Nikum khan fur anasat em avangin inti thei lo pawh ani ang a. Tun thal chhung hi chuan min han tihthat sak hram hram ula, aduhawm khawpin ka ring. Chu chu kan sawi tel duh a.

Tin, Demand 40 na ah hian Mineral Resources chungchangahte kan ramah lei hnuai hausakna hi nasa tawh hlein an hria a. Bangladesh pawhin an Electric Power 2/3 khu Gas-in an ti ani. Chutiang chuanin Tripura te pawhin Gas-in MW 600 zet tunah khuan in an chhi a ni a. Tunah hian Mizoramah hian a tam berna niin an hria a. A map-ah pawh mithiam ten an rawn siam chuahah pawh India ram hmun hrang hranga Gas leh Petrol-te, Khawnvartui tamna ang chi ang kha an red mark vek a ni. Mizoram chu asen chhuak vek ani. Hemi longitude 95 degree thlang lampangah phei chuanin a tam lehzualin an hria a ni. Chu chu tunah Hortoki ah te pawh a tam hlein an hria a. Hemi hai chhuahna tur pawh hian sorkar hian Mau hman tangkai theih a ni tih kan hria a, kan uar ang bawh hian lei hnuai hausakna hai chhuak tur hian hma nasa taka lak theih nisela a duhawm hlein ka hria a ni.

Tin, hemi Industry chungchanga hmalaknate pawh hi ropui ka ti a. Hemi Mau siamna tur Bamboo Industry te ropui takin Sairangah siam a ni a. Thingtlang miten hma an sawn theihna turin Lungleiah Pukpuiah Industrial Growth Centre dah a ni a. Chu pawh chu tunah hian ZIDCO in kan keng a. Tunah hian kan peih fel mek a ni. A khawlte pawh Vaibelchhe 5 zet ani a, a man. A khawl tunah hian quotation te pawh kan ko mek a ni a. Chutiang chuan Lengteah te, Luangmualah te chutiang thil thar la awm ngai lo kan dah zel te hi a ropui em em a. Tunah hian Champhaiah dah leh kan tum a, chutah pawh chuan a ram kan han zawng a tunah hian ram 70 bigha zet Industrial Growth Centre dinna tur kan hmu tawh. Chutiang khawp chuan Industri lamah pawh hian Industry tel lo chuan ramin hma a sawn theih loh avangin Industry lama kan chak theihna turin hmalakna pawh chhah takin a kal te hi a ropui hle ani.

Tin, Government Undertaking ZIDCO te, MIFCO te, ZOHANCO te pawh term kalta te pawh ngaihtuah chfuan he House chhungah ngei hian thiat a tha mai lawm ni tia aupui, aupui a nih tawh kha. Amaherawhchu, chu chu 6 crores chuanguin hma kan chhawp sak a, keimahnina ka enkal lai ngei pawhin tiang chuan khawl ropui tak tak, Warehouse te, Cold storage te Chhingchhipah siam ani a ni. Chumai pawh ni lovin Sapthei concentrate-na turte pawh khatiang khan tunah hian a khawl tiang Finland ram atangin chah mek a ni a, alo thleng dawn tep tawh a ni. Tiang chuan ZIDCO lam atang te pawhin hetiang hian hma nasa takin lak a ni a. Tunah hian ram ina hma a sawn theih lohna Pu Speaker, ka pek ngai lova, tun tum hi chu tawi tein Tuna MIFCO ina Sapthei tuite pawh litre khatah 4-7 dolar a ni. Grape tuite chu 3 dollar aiin a sang ngai lo. Chutiang anih lai chuan ram danga

kan pek theih lohna chhan hi a concentrate na khawl kan neih loh vang ani a, chemical tel lova siam a ngaih si avangin. Heng ken neih theihna tur hian tunah Pu D.Thangliana, kan MLA zahawm takin hma a la chho mek a ni. Chutiang a lo nih chuan kan ram hian thlai thar man to te pawh hi hlu takin kan hralh thei dawn a, chutih lai chuan MIFCO te ZIDCO te, sorkarin min enkawl dan hi tlemin sang deuh sela, kan share te hi kham khawp lo sain min pe a, hnathawktu chu hlawh hmutlak a ni, Sebawng buh chil lain a hmui phuar suh tih ang deuhin kham khawp lo in pek hi, MIFCO te pawhin nuai 120 zet an mamawh lain 84 chauh pek a ni a, chutiang chuan ZIDCO phei chu namanloin min pe tlem ani. Hei hi min tihpun sak deuh sela ka duhin ka han ngen a ni. Pu Speaker, ka lawm e.

PU SAIKAPTHIANGA

Pu Speaker, hun min pek avangin ka lawm e. Vawiinniah kan House Leader, kan Chief Minister leh kan Minister zahawm tak Higher & Technical Education Department changtu Demand kan sawi dawn a ni a. Kan sawi mek a, a ngaihnaawm hlein ka hria a, ngaidan erawhchu a inpersan thei hlein a hriat bawk a.

Pu Speaker, kan demand a ka luh hma hian Demand han sawive ka duh a, kan sorkarah hian ramdang mi, pawnlam mi an zalen ta lutuk a, kawng hrang hrangin sumdawng anni emaw, inhlawhfa anni emaw, contractor angte pawhin hei hi chu kan House Leader zahawm tak hian tun aia chik zawk hian en tha se ka duh a, a chhan chu hei kan Millenium Trade centre an ti emawni sawlaia a satute pawh saw anmahni leh anmahni an in-sponsor tawh mai a ni an ti a. Kan sorkar laia Trading Regulation kan pass dawn laia House-ah ka pharh vek tawh a, kan Speaker zahawm tak dawhkana ka pharh lai te khan ram pawn lam mite kha kan vei hle mai a, kha dan tha tak India President-in assent min pek tawh vawiinni thlenga kan tih nun leh theih tawh loh pawh kha ram pawn lam miin rawn zen thei engemaw rawn ti thei a kan ngaih avang khan kan ti thisawn ta ani a. Vawiinniah erawh chhuan, Bangladesh lam a ni emaw, Myanmar lam a ni emaw Cachar lam atangin a ni emaw Tripura atangin ani emaw kawng tinrengah Manipur ram atangin kan ram hi pawn lam mi in min rawn chim dan hi kan enzui that deuh loh chuan kan ram leh hnam hian tun atanga reiloteah hian a tuar dawnin ka hria a, chu chu ka demand kan sawi hmasa ve anih chu Pu Speaker.

Demand 7-na Excise ah hian mahni bial lamah kan lutna deuh telh telh a. Mamit District pumpui a Excise Force pakhatmah kan nei lo hi dik lo ka ti a ni. A chhan chu Tripura leh Bangladesh atangin Tripuraah Motor a lo lut a, chutiang bawk chuan Kanmunah Cachar atang leh Tripura atangin motor a lo lut a, chutah chuan thil chi hrang hrangrawn phurh luh ani a. Proxyvon an tih phei hi chu khulai atang kuan Mizoram ah a lo lut tam ber niin a chhut miten an chhut a. Chuvang chuan, Zawlnuamah a theih phei chuan Kanmunah leh Tuipuibariah hian kan Excise Force eng emaw zat a District Headquarters anih angin Mamit ah thuneitu sang takin min awp loh chuan a mangan thlak ani tih kha kan sawi duh a, kan Minister zahawm tak leh kan House Leader pawhin hei hi chu kan hnamin harsatna kan tawh nasat berte zing ami anih ve avangin min ngaih pawimawh sak turin kan sawi duh a ni.

Tin, Zu chhia tihte ka hmaa sawitu tam takin an sawi chhuak a, Zu khap na dan hi Political Party mai nilo tlawmngai pawl zawng zawng Mizorama Kohhran putling chin, chutiang ho zawng zawng nen a ngiahtuah a he dan hi kan ramah passed ani a, hemi pawisa lo leh bawhchhe zawnga che reng reng chu sorkar emaw Officer ani emaw Mizo mipuite hian engtin kan ti thei lo anih pawhin an chung action la tu tur hi chu a awm ngei ngei tih ang hian nauno pawnte lung Inah kan khung a naupai kan khung a, lung Inah nua an nei a, pianphunga rual ban lo te kan khung a, chutiang khawpa miin an tawrh laia he dan lo miss use hlawkna tur atan emaw mahni hamthatna tur atan emaw hmang reng reng chu tuin emaw he phuba hi ala ang tih ka ring tlat ani. Chuvangin, he dan kan enkawl na chungchangah leh he dan execute tu te pawh hian kan ram leh hnam leh sakhua hrerenga uluk taka an kalpui hi kan ram leh hnam dinchhuahna atan a pawimawh ngawt ang tih hi ka ring a, kan sawi belh leh duh ani.

Pu Speaker, kan Chief Minister demand hi a tam a, a pawimawh hlawn si a, tawi te te lo chuan kan sawi hman si lova. Planning and Programme Implementation lai hi kan en thin a he lehkhabu uluk taka lo chhuah "Major development project taken up by Govt. of Mizoram" tihah hian term kal taah khan Project 431 lak a ni a, NEC plan atangte World Bank atang te leh Loan component hrang hrangin kan duhna ah hi chuan pawisa Central ah kan dilin kan hmu theiin ka hria. Project in Tui pipe line ah hian Project 43 ala awm bawk a. Chutah chuan kan civil SDO awmna hmun congress ministry tawp lama hawnte thumna reng reng alang lo hi chu mak ka ti a, tu ten emaw an lo tih tawh tih duh lohna thinlung niin ka hria. Congress

Ministry in a lo buatsaih tih duh loh ringawt kha atawpna ani lo hian SDO Officer hmun tinah kan dah a, chungte chu kan hrem ngawih ngawih a. Office mumal neiloin kan siam a, chenna mumal neilo in kan siam a, staff pawh mumal neilo in kan siam a, an tih tur ang ti thei lovin. In hremna hmunah kan siam a mipuiin a an beisei chu tih hlawhtlin a ni lo bawh hi a pawh hlein ka hria. Duh se chu he project 431 ah hian a la theih loh deuh anih pawhin project-in Tui pipeline tih an dil mek non-lapsable pool atangte NEC atangte State Plan atang te loan component chi hrang hrang te hi a tam em em a. He leh khabuah hian tih tawh anga lang si tih loh tam tak hi a awm bawh. Tunah mai khan la zu ken chhuak a pakhat chu Saiha bialtu zahawm tak hi ka'n zawt a. Hei, Project under centrally sponsored scheme tih 41 naah hian upgradation, extension of food processing plant at Saiha upgradation and extension of existing unit estimate cost chu 150 lakhs a ni a. Year of completion ah chuan 2004 earmarks, present status 25 lakhs released agency - Industries Department tih a ni a. Expansion, upgradation lakh 25 bialtu zahawm tak hian a awm miah lo ve a ti a. A khua te a lian deuh anih pawhin a lar hle lo chu a ni tur ani. Chutiang ang chuan kan duhna laiah hi chuan pawisa hi kan dah theih hle lai hian helai hi chu mipuite beiseina, mipuiten an mamawh, a thawktute pawhin sorkar hnathawk officer an nihna anga an function theihna tur atan kan hun lokal leh turah hi chuan tihsak hram hram nise a duhawmin ka hria. Hei hi development leh dan leh thupek kenkawhna chungchangah leh kan mipuite kan enkawlna chungchangah thil pawimawh tak a niin ka hria a. An nih tur anga nihtir hi karawn sawi lang a ni. Chutiang chuan Kawrthah mahni bial han sawi lang ta ila, kan SDO te khu an khawngaih thlak em em a ni. Adult Education Department building niin ka hria tereuhteah an awm ve a. Chutiang chuan bial hrang hrangah pawh hian an awmvein ka ring a.

Pu Speaker, Industries Demand 40-na hi tawitein ka han sawi ve ang a. Mau hi kan House Leader hi a tui bawh a, kei hi ka tui bawh a, kan tuidan hi a inanglo em em thung mai, ka tuidan hi hralh ve ka duh a. Chutianga tui ve tur chuan ka ngen duh bawh a. Foreign Mau buaipui buaipui lo hian vawiinnia kan Mau hi hawh u, i hralh mai ang u, min privatise tir sela, kan huan lo ramah zawnzawn hian Mau tam rah hi kan House Leader zahawm tak hian ramdanga Mau chi lei lei lo hian min pe sela, kan ram hi vawmkhat vek ila, Mau a khat vek ang a, Mizopa tih dan fel takin a sah hunah kan sat ang Cachar Paper Mill-ah kan hralh ang a. Forest ho tena min tih buai ang nilo hian min privatise tir sela, kan huana Serthlum te, Hatkora te kan hralh ang hian. Chutah chuan he Mau avang hian awltein kan intodelh mai dawn a ni. Chutiang zawnza kan kal chuan kan mipuite a

harsa ber atanga a milian ber thlengin he Mau hmang hian kan intodelh thei ang tih ka ring a. Vawiinniah Mau rah tur awm tawh mang lova, kan hralh mek te hi tihtawp nghal vek a tha. Chumi anih loh chuan hmun tam takah Mau rah tur kan nei dawn lo. Kan House Leader zahawm tak hian a Mau policy hi thlak vat sela, chuti zawng chuan inher ila, kan hlawhtling ang tih ka ring a.

P.W.D. ah han kal leh ila, P.W.D. kan department pawimawh ber thin hi kan han fak bawk thin na a an chuai rawih rawih mai a ni. Kan officer te an tihtur kan tih tir lova. Kan officer te an thuneih, chin ang kan neih tur hova. Vawiinniah chuan contract lian zawng zawng kan Chief Minister belbultu te kutah a awm vek a. Kan P.W.D. Officer ten tihtur an hre tawh lova. Tuin emaw an tawrh a ngai a. Nichinah khan PMGSY a tender chhante kha tender dik tak a tender a ni an ti. A dik a lawm an tender dan chu an thlan dan kha adik lo mai a lawm. Chulai chu a lawm buaithlak zawk. An tender dan chu adika an thlan dan kha a dik lova. Hei kan sawichhuak lawk ang a. Kan Chief Minister hnaivai tak thunei tak computer khawla awm va hmuh chhuah mai theih a hmutute hian an rawn copy lova, an bye-heart a fuhlo deuh hlek pawh a ni mai thei. Agreement pakhatna Contractor in 4% tender amount Party fund ah dah hnuah work order a lak theih ang. Pahnihna - Za a pali dang chu running bill account atanga pek tur. Heng hna chung ami hi Party in a duh ang angin a sem darh theih ang. Palina - Heng a chung a mi hi a hna hmutuin a hralh dawn chuan 25 % aia to tur a ni lo signature of the contractor, withness, name of work hei hian a lawm kan P.W.D. hi tibuai vek tawh a. Vawiinniah thawh tur nei lova siam tawh chu. Chuvang chuan kan P.W.D. hi enthat hle a ngai a. An thawh dan a hi hmana P.W.D. ang khan kir leh sela, vawiinnia kan Officer te hian an thawk thei. Vawiinnia kan sum neihte hi an thu ni ta sela, kum tam tak training neite hian an thawk thei a. Kha chen kan ram min kalpui tawh. Chuvang chuan Pu Speaker, helai hi chutiang chuan kan sawi leh duh a ni.

Tichuan kan Project lian a piang maiah nichinah khan Mamit bialtu zahawm tak khan a rawn sawi a. Nangni pawh, nangni pawh kan inti a nih pawhin ka pawm tho. Mizoram hmasawna tur atana kan project lian apiang a compensation a kan buai hi i sim ang u. A zahthlak min thlirtu te hi kan bial mipui min thlangtute theuh hian, he House-a 40 rual hi min thlir a. Chumi bakah ram pawn lam India sorkar sum min petu hian chunglam atang hian min thlir bawk. Chuvang chuan, Project lian apianga compensation-a buai hnam nih hi a ninawm lutuk tawh. Kan Chief Minister-in ka chungte pawh an tel a,

midang pawh an tel tih kha a chhanna tawite a ni, Mahse, a zahthlak khawp mai. Khatiang mai mai kha kan ti dawn a nih chuan nakinah chuan mi hian min la hre dawn. Kan ram thenawmah hian hausa thut nia an hriatte anmahni mai nilo an tu leh fate thlenga ven ngai an tam tawh mai. Chutiang ang chu kan ramah hian a awm ve lohna atan miin a awm tawk an tihah hian keini Zoram bial 40-a then chumi mipuite theuhina an thlan tlin helai lo kal khawmte theuh hi chu a awm tawk hi i hre hram hram ang u tih hi he House zahawm takah hian Pu Speaker, thu hnuhnung atan kan sawi duh a ni e, ka lawm e.

PU K. VANLALAUVA

: Pu Speaker, hun min pek avangin ka lawm e. Mahse; kan intih chhawk ni deuh berin ka hria a. Hmannia Private Member bill-ah khanin "Mahse, i tih vang kha a lawm mawle" kan inti tawh a, khalam atang khanin anni pawhin vawiinniah 'mahse' an ti ve tho va, kan intihchhawk chu a ni reng mai a. A dik ve vein ka hria. A hmasa bera kan tarlan duh chu, Demand No. 7 na ami "Excise Department" kha kan sawi hmasa ber duh a, tawi te tein hei tukin zinga Minister zahawm takina House-a a lay - The Mizoram Narcotic Drugs and Carcotropic substancies Rules" 2004 tih House-a lay theiha an awm ta hi lawmawm ka ti tak meuh meuh a. Tunah hianin MLTP Act kan hmannaah hianin Assam Drug Control Act hmangin Mizoramah hna kan thawk a ni a. A tha lo vek huah lova, a tha em em nachungin vawiinnia Mizoram mipuiin kan mamawh tak hi rawn phuhruk zo lo a ni. He kan rules thar tur erawh hi chuan a phurhru dawn a ni. Engtikah nge he House hian an pass ang tih hi Mizoram mipui leh Kohhran lian a thlir niin ka hria. Ka nghakhlel tak tak a ni. Dik tak chuanin MLTP Act kan tihte hi a fellohna leh a thatlohna tam tak kan sawi lai hianin a aia tha sawitur kan hre hauh si lo a ni. Thian dun angah chuan a thatloh ziate kan sawifo thin awm e. Mahse, ro han rela Committee angah ngat chuanin tuman kan sawisel ngam miah lo a ni. Engatinge kan tih chuanin Kohhran tam takin Camping, Camping ti reng mai. Kawng dang kan dap tur kan hre lo a ni maw? Kan ti thin. A thlakna tur hria chuan sawi ang hming, ti ang chauh kan ni. A aia tha Kohhran tih chakna tur hi a awm rih lo a ni. Mizoramah Pathianin min pe rih lo a ni tih hi kei ka pawm a, chutiang deuh hlek chuanin MLTP Act pawh hi a aia tha zawn chhuah a chakawm hle a, mahse, kan ramin kan la hlat deuh tlat chumi enkawltu Excise Force erawhchu, tunah hianin kan sorkarin a ngaihtuah mekin ka hriaa. Duh ang leh beisei ang erawhchuan

in chak a har hle mai a ni. Nichina Mamit District ahte Lawngtlai ah te Excise Force te awmse, a tha mange Kanhmunah te tihte pawh kha a dik hle a ni. Sorkar chuan a hria. Concerned Minister pawhin a hriain ka hria, Amaherawhchu, indaih a har em mai a, a za tel deuh intih belh anih loh chuanin Mizoramah mipui kan thanga kan pung a, development a lut chak si a, tahchuanin, a rawn kentel kha ven a ngai bawk si a. Chumi veng tel thei tur chuanin sorkar pawh a inbuatsaih nasat hle pawh a ngai reng a. Chumi atan chuanin Vawiinniah hianin Excise Forces te kan hnathawk kul tai tena phu nia an inhriat em em thenkhat te hi theih chu ni selangin, sorkar hian bihchiang ngun deuh ta selangin phur takin a chhawr theih lehzuaw awm mang e tihte pawhin a sawi theih a. Chumi rual erawh chuanin sorkarin hmabak tam tak a neih zinga he department hi ngaih tuah ber zingah a te niin ka hria a. Chuvangin, he kan dan hmanlai mek kengkawhtu Force te hi lungsi tak leh taima zawk leh phur zawka kan chhawr erawhchu a chhawrtu ten kan mawh niin ka hria a. Khami chinah khan duhtawk rih phawt ila.

Demand No. 15 na G.A.D. ah hianin, kan zawhna an rawn chhannaah khanin, "Mizoram House hmun 6 awmah hianin staff te kan tam lutuk a ni lo maw? Tih tih zawhnaah khanin, chhanna kan hmu a, 'Ni e, kan tam deuh va, siam rual tum mek a ni' tiin chhanna kan hmu a, a tha ka ti khawp mai a. Sawi tur vak awmin ka hre lo. Entirnan :- Mumbai te, natna Khirhkan zawk veiten a kan pan khawmna, staff awm mumal si lo khalai te leh Liaison Officer kan dah na kan pan, vak lo, staff tam lawi si, khami her rem vel pawh kha G.A.D. hian an thiam ang tih ka ring a. 'Chumite chu dah chhuak rawh u', 'chumite chu thleng ang u' tih lam erawhchu ka sawi lem lova.

A dawt lehah chuanin, demand No. 45 na P.W.D. ah hianin an hmalak tum lai mek mah niselangin, han sawi zawh ve reng reng ka duh te chu, Aizawl khawpui chhung kawng tlangpui den den chauh tunah hianin a sawh gear-ah kan awm lova. Tlema veng kelkil deuh leh kawng kar deuhah te chuan P.W.D. in hmalak an tum lai mek mah niselangin, tih chak a pawimawh tawh mange. Lal pian champha kan lawmhma hi chuan han tum deuh se chuan mipui kan lawm awm mang e aw, tih ka rilruah a lian a. He department hi kum 1987 ah helaia House Leader State a Chief Minister ni hmasa ber Chatuan ram min pansan ta Pu Laldenga'n "BRTF te hi kan sawi thin a, a tha e. Amaherawhchu, Mizoram chhunga thawkah chuan Mizo tlangval P.W.D. ngei hi a ni ka thlan ni" a tih kha vawiinniah hian min hriatchhuah tir a ni. An hma azau em em a, tih tur a tam a, duh angin sum leh pai pek theih a ni si lo. Chulai karah chuan tam takin kan dem thin pawh hi a

...860/-

awm em em a ni. An va ban pha lo deuh thin a ni. Chuvang mai chu a ni an hrelo a ni lo, chu chu niin ka hria a. Tunah pawh hianin sawisel duh zawngin ti ta ila, Champhai to Khawbung ah te chuanin YMA an hnatlang a ni. Department chu an mualpho kan ti dawn em ni ang. Mahse, mualphoah ka ngai lova, "E, ka rawn hnatlang ve a nge" ka ti a, pawisa ka han pe mai a ni. Khatah khan Department in hma an chhawp dawn tih ka hriat vang a ni. Tunah chuan an tichho mek ta reng a. Chutiang chu a ni, hetah Tiau kam a mi mah an tih theih chuan Aizawl a mi chu an ti thei tih a chiang sa. Chu chu an kaldan kawng hi a ni a. A sawisel zawnga ngaihtuah chuan entirnan : Khawbung leh Lungdar, Biate inkar Tuipui lei dawh te pawh khi mipuiin kan nghakhlel em em a. Khawbung atangin Aizawl kal turin zing dar 6 a kan chhuahin Serchhip ah dar 9 leh dar 10 inkarah kan thleng thei a ni. A hnai em em a ni. Amaherawhchu, a kal theih hun kha thlali emaw lek a ni si. A dang zawng zawng thla 8 kha hetah Champhai lamah kal a ngai si. Chuvangin, mipui chuan khimi lei khi dawh thuai hlan an nghakhlel em em a. Tunah hianin Department in engtiangin nge a kalpui tih erawhchu, Khawbung bial mipui chuan an hriat chak te zinga mi a nih ka ring.

Tin, P.W.D. te, Industry te M.R. awmna reng reng ho hi chu a tlangpuithuin an hlawh te a lo tam lova. Christmas lai chuanin eng ang pawhin sorkar hianin an hlawh te hi an lo pe lo tam tawh pawh a ni ang. Christmas hma chuan pek ngei ngei tha ka ti tlat a ni. A chhan chu an fate kawrmawi lei an duh a, pheikhawk thar an duh ve tlat. House Leader zahawm tak Pu Zoramthanga ta annih avangin an beiseina a sang em em a ni. Tin, kan tih theih pawh ka ring bawk. Chuvangin, Department M.R. nei reng reng te hi chu ngaihsak an phu thu ka sawilang duh a ni.

A dawtlehah chuanin Demand 23 na Art & Culture Department hi kan bihchiang deuh a, nichina Chawngte bialtu rawn sawi kha arawn sawi fuh khawp mai a. Hnam avanga dress leh tawng vanga inhlal te min kaikhawmtu a ni, min hnuk hnaitu a ni, a tih kha adik em em a ni. Mi hlate hnuk hnaitu Department chu amah deuh chiah hi a ni. Keimahni thum chi hrang hrang leh kan tawng chi hrang hrang nena hlim taka min hnuk khawm theitu Department chu Art & Culture Department hi a ni. Midang hian kan chhawk thei lo reng reng, a teuh deuh ber chu, Tourism Department hi ani. Fund dang atangin a chhawk ve zawk chu pawh chu Art & Culture an tel lo thei lo chutiang chu a nih avangin tunah hian an department in State Library te pawh mi In luah hawha an la awm reng te pawh hi an awmlo dawn hnai tawh turah ngai ta ila. Library hi veng kelkila dah a rem loh avangin, Venglaili ah tal

awmse tih ngaihdan a awm thin a, mahse, a har fu tawh mai si a. Engpawh nisela heng Secretariat te hi Secretariat new building a a chhuah ni a thlen hunah chuanin ka duhdan chuan hemi a hnaivaiah awm thei hram se ka duhdan fo ani. Hetiang te pawh hi vawiinniah hian kan tarlang tel duh a.

Pu Speaker, a tawpber a tarlan ka duh chu Industry a ni. Mizoram Industry kan hmanna hi a rei tawh em em mai a. Industrial Estate kan ti a, mi State a an tar te leh an hnathawh dante leh an in bun dan te em chuan kan estate ve chu a la khawhar thlak hle ani. Amaherawhchu, hman ami te avang alawm tih lam sawi ka tum lo kan tih theih tawh kan tih theuh ah hian tih tur kan la ngah a ni tih erawh hi chu a chiang a ni. Hetia Motor kan han khalh a min lo tibuitu pakhat chiang tak chu kawngpui lun em em khawi dawrah emaw eng Industry emaw a lo awm flat mai te hi Bike siamna emaw khawi Work shop te emaw a lo awm flat mai te hi, an lo indah hnawh lo thei lova. Khatiang te te te zuk ngaihtuah chhuah kha chuanin tih tur chu kan nei a ni. Sorkar hian tih te ngaihtuah naah a awm lo thei lo.

A tawp berah chuan kan Mau chungchangthu ah hianin kan sorkarin State dang ami Mau an project chhuak tur hi ropui ka ti a ni. Engatinge kan tih chuanin Industry lian tak tak ti tur chuan Mizoram Mau banrek tiat lek lek hi a hlawk lo lutuk a, a awmsa tha mahse, a awmsa zawng zawng chu hman tangkai tur. Tun ami zawng zawng pawh hi kum 2007 ah hman tangkai vek tur zawhna leh chhanna an rawn tihah pawh khan hei hi hma kan la mek a ni an tih ka ring. Tichuan, a let li, let nga vela Mau kan project chhuak hi a ropui ka ti. Hei hi hlawhtling ngei tura hma an lak pawh Pu Speaker, ka duh sak a ni tih thu ka sawi a ni e, ka lawm e.

S P E A K E R

: Awle, kan sawi zo thawkhat a ni tawh a, tunah kan Opposition Leader zah-awm tak Pu Lal Thanhawla lo sawm ila.

P U L A L T H A N H A W L A

: Pu Speaker, tun kan Session-ah hian kan Plan Budget te a lo pung chho nasa a, kan lawm tlang hle hlawm a,

A lawmawm kan ti theuhva. Kan sorkar pawh kan congratulate a. Vawiina kan demand pawh hi a thahnem tham hle ani. A pahniha lakkhawm phei chuan thahnem tham tak a ni. Amaherawhchu, a tam a kan lawm rual hian a hman dan hi a ngaihtuahawm thin a. Tunhma hun anga an hmang mai mai dawn anih chuan kan lawm a rual dawn lova. Zoram mipui then darhna a ni thei a ni. Chuvangin, Pu Speaker, a pawimawh ber zawk chu a tam rual rual hian a hman dan tha, a hman dan dik, a hman dan zakhua rawi deuh a ngai a ni. Chumi chungchangah chuan kan chah duh a. Tin, chutiang kawngah chuan keini tehluh hian tanpui theihna kan neih chuan tanpui kan inhuam reng a ni tih ka sawi lang leh duh a ni. Serchhip District hi ram laili tak a ni a, chhim leh hmar, chhak leh thlang atangin a lai em em a. Tichuan Thenzawl bik phei saw chu a climate saw extreme, thlasikah vawt lutuk, nipuih lum tak ani. Games & Sports atan te hian kan thawnchhuah turte han train nan a tha em em a. Chung kawngah chuan hma lak a tha a, chutih rual chuan Civil Sub Division a ni a, kan Chief Minister zahawm takin Civil S.D.O. Office tur hmeithai choka tiat lek a hawng tawh a. Amaherawhchu, Civil S.D.O. hi an la hmu ngailo ani. Chuvangin, heng hi tihchangtlun kan hotu dang dang ten an rawn sawi tawh kha. Zoram hmun dang tamtakah chutiang chu a awm a. Heng kawng ah te hian kan kal chak chuan mipui tan hamthatna a ani. Chuvangin heng kawngah te hian kalchak turin ka duh a.

Tin, chutiang bawkin Ten-plus-two School te pawh Thenzawlah sawn hawn thar a ni a, permit te min pe a, kan lawm hle a. Chutih rual chuan enkawlzui a ngai a. A laili avangin chawmtu feeder High School tam tak, a awm a, chuvangin enkawlzui a ngai hle tih kan Minister zahawm tak kan hrilh duh a. Chutih rual chuan Serchhip piah Science section-ah lecturer sawm emaw vel chauh an awm a. November ah a chanve an term a tawp dawn a, December ah a dang an tawp leh dawn a, January a exam tur a ni si a, naupang an lungngai hle a ni. Tin, heng hi tihchangtlun chuan ka sawi ang khan ram laili anih avangin feeder High School te, tin, College te a tam hle a. Sorkarin a ngaihven a tan a pawimawh hlein ka hria.

Tin, Lungleiah kan kal emaw, Lungleiam atangin kan kal emaw atlangpuiin Aizawl lam atanga chhuahin Zemabawk dai tih vellai chu kawng a tha viau a, kan kal thui deuhva, Chhiahtlang kan lut a, kawng a chhe hle a. Tichuan, Serchhip khaw bik han luh leh sawn kawng a lo chhe lehzual a. Chung tihloh chu kawng chhe tehchiam helai kawngpui High way kan neih chhunah hian a awm vak lo a ni. Hengte hi kan State in direct a mawhpurhna nilo mahsela,

Pu Speaker, chak tak a a titheitu te an hriattir a pawimawh a. Chuti anih loh chuan a khaw mipuite hi an khawngaihthlak em em a ni. Furah a diak a, nipuiaha a khu leh a, an khawngaihthlak hle ani.

Tin, Art & Culture hi kan ngaihthlak tawh angin kan hnam nunkawng engkima kaihhruaina turin kan innghahna a ni. Chuvangin tun aia changtlung zawka kalpui leh innovative ideas engemaw thilthar ngaihtuah a ngai hle a. Kan Art & Culture lamah kan hausa kan thirual hian thenawm State tam zawkte umpha tura tan kan lak a ngai hle a. Chung kawngah tihchangtlun zawk hi an phu hlein ka hria a.

Tin, Excise ina Revenue khati zozai a nei kha. Zu zawrhna atanga revenue a ni kha a vanduaithlak hle ani. Kan ngaihthlak tawh angin Hmeithaite, Pachhiate kan hrem a, kan tantir a, chungho Zu kan mankhawma chu kan lo zuar leh a nih chuan Zu zuar sorkar nih pawh kha a mualpho thlak tawh a, chuvangin heihi sim a tha. Prohibition a awm anih chuan hemi hnuaijah khan milian, mi te Police Officer anni emaw, tute anni emaw a inangin a hrut tur ani. Chuvangin, miharsa zawkte ta chhuhsak a, sorkarin revenue siam nan alo hmang a kan uanpui dawn anih chuan thilzahthlak takah ka ngai a ni. Chutiang chuan heng chungchang te pawh hi ngaihtuah ngun hle a ngai ani. Excise Department in Drug chumi khami an man tihte hi a lawmawm tawh lo tunah chuan Pu Speaker, tam tak an man atana reiloteah tunah chuan, tichuan OD te an tam phah a ni. Chuvang chuan Minister concern in entur, bihchian tur tam tak a nei, kan tanpui tehlu te a mamawh anih chuan, chung kawngah chuan tanpui kan inhuam tih kan sawi duh a ni.

Awle, Pu Speaker, nichinah khan chiang takin an rawn sawi a, a chhuanawm reng a, Sorkar pumpa chuan term khat a zawh chuan hna tha tawh sawi tur a nei tur a ni a. Engemaw han sawisel turte pawh a awm tur a ni. ONGC alo chhuak leh hi a lawmawm hle mai. Bilkhawthlir i bialah Pu Speaker, rei tak drilling tiin an awm tawh a, Thingdawl daijah an lo kal tawh a. Kum 10/15 tih vel kal tawhah khan hetah Aizawl West a lokal leh tur an ni a. Amaherawhchu, an lo kalna tur Kawnpui lamah kawng a zim a, Leilawn te a chak tawh lova, chu chu Border roads te nen sawiin tihchak turin kan tih kha an theih mai rih loh avangin an in saseng a ngai a. Aizawl West an tih hnuah chuan North Hlimen tlangdunga pheih leh tur hi an ni a, Oil leh Gas engemaw zat hmuh an inbeisei khawp mai. Tuna an rawn tharthawh leh hi a lawmawm hle a ni.

Tin, Pu Speaker, Serlui 'B' Hydel Project hi kan hunlaih khan tuna Defence Minister Pronab Mukharjee khuan min tuipei hle a, amaherawhchu, an han khawih an han khawihin a hlawk dawn lo tih an hriat avangin an bansan, abandon a tul ta a ni. Tunah hian hei an han tharthawh leh a, alawmawm khawp mai a. Mega Watt. 12 ah an han ti chho chung pawh hian firm power supply tura kha chu MW 3 aiin atam chuan ka ring lova, mahse, ka rin thu a ni. Chuta kan sawi duh zawka chu hei cheng vaibelchhe tam tak, REC atangin kan han puk leh phawt mai a. Tin, Ministry of non-conventional sources of energy in capital subsidy pein an tanpui a, tunah hian 2 crores point something a rawn release tawh ani tih te kan hria a, alawmawm khawp mai. Amaherawhchu, hemi rual hian ka hlauhthawn zawka chu, an danah an guideline ah chianguang takin heng thawk tur hian tender koh tur tih a ni a, mahse, tender lova BHEL Bharat Heavy Electrical ltd. Leh MECON te kan pek mai anih te hi sum petu hian hre ta sela engtingge an tih ang, kan Minister zahawm tak hian alo negotiate lawk a tiang hian tender lohvin an kal ta mai em ni? tih te ka ngaihtuah a. Tin, Ar hmai tiat lek han samfaina tur atana cheng vaibelchhe 3 nuai 82 leh sing 7 leh 325 lai mai, an mahni a company zawka ten estimate an han siam teuh ringawt mai te hi eng dan nge ni a tih te hi eng ang agreement siam nge an nih tih te hi keini ang chuan kan hre ve phak lova, hriat a chakawm a. Tin, he vaibelchhe 3 lai sam an tuma hi khulai athawktu kan Engineer te leh tualchhung mi te chuan cheng nuai 2 nuai 3 chuan tha takin kan zo thei ang an ti a ni. Chuvangin heng ang chi te hi ennawn a ngai a, hetiangka tangka siam nan leh sum siam nan a kal anga a lan hi chuan

PU IAL THANHAWLA : Pu Speaker, sum siamnan a kal ang a ala hi chuan a tawpah sum tam tak sen hnuah tute emaw hlawk hnuah abandon a ngai ang tih a hlauhawm khawp mai, heng hi enthat a ngai.

Tin, Tuirial Hydel Project a compensation hmutute hi tuman an itsik ka ring lova an lawmpui awm khawp ang. Mahse, a kalphung a system a diklo hi ani kan hotuten an sawi chu ni. Tunah pawh Pu Speaker, i bial a ni a, i chhungte pawhin huan lo ram an nei ve ang, an hmu tawh em ka hrelo. Tin, Chief Minister khan a neituten an zuar tlat si a, a ti a. Keini pawh min zawrh a, kan lei duhlo mai, a dikloh avangin. Tin, kan hotute kutchhuak a ni a, hetiang in diklo takin thil a kal ang tih hlauhthawmna avangin Notification te pawh chhuah a ni a, chumi lo ti bawrhbangtu chu Senior Officer tepawh kan suspend a ni. Notification kan chhuah lai khan in 50 pawh an tlinglo a ni a hmutu turte hi. Tunah 300/400 chuang an ni ta hi a rapthlak kan ti a, khami a lo nihdan kha a ni kan duhloh zawk chu ni.

Tin, heng award siamtu District Collector-te pawh kan ringhlel a ni Pu Speaker, tih tak takah chuan. Chuvangin, heng hi bih that nise kan ti a ni. Tupawh, Chief Minister chhungte pawhin lo hmu sela kha kha chu kan itsiklo mahse awmang deuh chu a awm, Champhai bialah chuan nise tuman an sawisel ka ringlo Pu Speaker khulai luidung kher kher alo ni khu min an riakhlehna lai a kha, thalo an tihna lai a kha a ni a. Ni 60 chuang bandh an siam pawh a sorkar a ngawireng thei te kha mipuiin mak an ti a ni, chu zawk chu a ni kan hotute sawi kha. Chuvangin, tuten emaw lo hrilhiah an tum anchhungte an tih mai mai kha a ni lova, a rawn irhchhuah dan hi a dik lova. Hetiang zela kan tih chuan kan huan ro tur hi member zahawm tak Pu Saikapthianga sawi ang khan kan tichhe zel ang tih a hlauhawm a ni. Referral Hospital 500 bedded 30 ah kan chhuah tawh a, khum 30 awmna Hospital hi Referral Hospital a ni ngai dawn lo.

Greater Aizawl Water Supply Scheme chu Contractor-in a offer na ang kan hre vek, kan hnawl thung a ni, a dikloh avangin. Chumi diklo chung a kan kalpui chu tunah hian advance in crores 23 Contractor te hnathawh hma a pek te hi a rapthlak a ni. Chuvangin, kan hnam ro turte sum hman diklo leh sum duh avanga a chhe zel dawn anih chuan he hnam hi kan dingchhuak loving tih a hlauhawm Pu Speaker, chulai zawk a chu a ni tunah hian kan sawi chu.

Pu Speaker, anihna dan dik a ngaihtuah zel a ngai, compensation hi kei leh ka chhungten an la ngailo. Tuirial tlangdungah hian duh ilang chuan khatih laia Minister zawng zawng pawh khan kan la thei ang. He Ministry a Minister of State pakhat Hlimen V/C chhuatah zanhnih a va riak a, ram pekna tur lehkha, blank a dil a, a vau si a, an pe lo ngam si lova, an inrawn a, hreh takin keini vanga kan khawtlangin a tawrh dawn ai chuan i pe mai ang an ti a, a blank panga an pe a, chumi panga zinga pakhat ah chuan nuai 28 a la tawh tihte hi alawm Pu Speaker diklo kan tih, thildang kan sawisel lo, a dawngtu chu tupawh ni rawh se kan lawmpui. Zemabawk dai Kumpinu hunlai atanga kan ramte saw an sawi leh thin a, Pu Speaker, Sipaiin an luah a, a luahman hmuh pawh kan in beisei lo. Mahse, kan sawi lohini, kan dil lohini a nuai sawm tel kan hmu mai a ni. Tunah pawh hmuh tur kan nei, vawikhatmah ka inrawlh lo, tunah sawn company lian takin luah an duh a, luah tir ka tum a, Eastern Command in an phal lova, Defence Minister hnenah ka sawi a, an luah thei ang, an luah tur a ni. Tin, Sipai ram luah zawng zawng pek kir vek a ti dawn mek a ni tunah hian. Chutiang chuan, lei leh van inkarah hian han sawisel theitu tur pakhatmah an awmlo. Pu Speaker, min itsik a, an sawisel duh anih chuan he malsawmna min petu chunglam a mi khi an chhuahchhal a ngai ang.

Tin, Pu Speaker, Lengpui Airport khu tunah hian khatiang zawnga an sawi dawn anih chuan CBI, kei chu dikna hailan mai hi ka duh a. He ramah hian corruption te, hlemhletna te, dik lote leh rinawm lohna te hian bu a khuar thui tawh lutuk a, a thuk tawh lutuk a, chu chu kan hailan vek a tul. Suangpuilawn inthlan laia candidate rukbo lem, he sorkar mi rawihtena a tirhte tun thleng hian an la chhuichhuak thei lo ka ti Pu Speaker, chuvangin, tualchhung chhui reng reng chu O.P. Singh a ni emaw Aii Puk a ni emaw a chhuak dawnlo reng reng. Hmanniah ka sawi tawh kha gun running a ni emaw thil dikloah ruling party-te inhnamhnawihna ni a hriat reng rengah chuan Police ten an chhuichhuak theilo, Nula Remmawii thattu chungchangah chuan an inhnamhnawihlo tih an hrechiang a, chunglam atangin khaptu an awm lova, Nepal-ah an man daih thei ka ti, an va efficient tehlu em. Chuvangin, Pu Speaker, Lengpui Airport tepawh tunah hian diklo awm ni a hria an awm chuan chhui a tha, chhui zel ang, a vai khuan veibelchhe hnih pawh kan senglo nia mawle, a hnuah tu tu in emaw an han phuahchawpah khan an senbelh ta mai a ni, a pawh khawp mai. Chuvangin, Pu Speaker, tuna hemi Tuirial

chungchangah pawh hian thudik a lo chbuhahna tur atan kan hotuten tiang khan an rawn sawichhuak a, a diklo lai a kha. Chu chu mimal itsik emaw, huat vang a ni lova, he ramah hian dikna lal sela mipuiten he sorkar hi ring sela, an rin ngamin awmse tihna mai a ni. Vawiinah hian chunglam a mi khian a rilru ang pu mi, a thinlung ang pu mi, a hnamthlante zingah hian roreltu a duh a, roreltute Pathian ruat a ni tih kan hria Bible-ah min hrilh, an thu pawh awi turin min duh, thuawi tlakin an awm kan duhsak a ni.

Tin, PMGSY-ah Pu Speaker, tender an ko a, a lawmawm lutuk ringawt, mahse a bawlhhlawh zawk chu contract agreement, contractor te hnena 4% an lak tur te, running bill a chung a 4% lak leh an tumte, a hralh theih an tih te leh 25% aia to lo tur tihte kha a ni kan duhloh Guwahati-a an mi tirhte pawh an hming nen lam kan hre vek. He agreement hi a awmna computer pawh kan hria a lawm Pu Speaker, heng zawk hi a ni kan sawi chu tunah hian hnam ro atana sorkar hmasa atanga a bul lo tan tawh vawiinah hian chingpen ta mek a tam lutuk, hetiang zela kan kal chuan hnam ro tha kan nei thei lovang tih tepawh a hlauhawm a ni.

Hmanni-ah pawh ka sawi tawh MPC unauten Congress Sorkar leh tun Sorkar hi chhui rawh se, tih kha an rawn chhuah a, min rawn support a a lawmawm khawp mai. Tualchhunga kan inchhuiin a tawp zel si a, ACB pawh kan ring thei tawh lova, he sorkar thuhnuai anni. Seperation of Executive leh Judiciary awmluh avang pawhin judiciary pawh a rinawmlo ang tih pawh hlauhawm khawpin a awm a ni, chungte avang chuan outside agency hi min chhuitu tur kan duh a ni. Sual do hi Pathian lawm zawng a ni, huaisen takin sual dan do tur a ni, a tute mai pawhin sual do in thisen em kan la chhuah lo a ni. Chuvangin, Pu Speaker, tunah hian rawtna ka siam duh a, MPC pawhin an pawm tawh a. Mizorama Sorkar 1978-79 atangin 1984 thleng 1984 atanga 1998, 1998 atanga vawiin thleng hi, khang sorkar hrang hrang kha India rama Investigation Agency tha bera an sawi CBI hian min chhui vek sela 1978, 1979 atangin khalai sorkarah khan Aizawl khawlaili tha berah sorkar ram inpe an awm em ? khawi sum in nge Babel-insang an sak ? 1984 khan an hotupa Lalthanhawla'n khawi atangin nge in a sak ? a chungkhat laina duhsak a nei em ? tih te chhui sela. Vawiina kan Minister-ho

pawhin khawi atangin nge in an sak ? Heng Project lianpui puiah te engatinge kan hnam ro tur te a sawngnawi tak zel, engvang nge ? tih te hi chhui ni sela, Utilisation Certificate lem avanga lawmthu sawi mai mai hi a tak lo, a Kristian lo. Chuvangin, Pu Speaker, tunah hian ka rawtnawn leh duh a ni. Chuta a diklo chu thla kher char charin kan tla mai tur a ni. He ramah hian dikna a lal tur a ni. Hmanah an sawi tawh, keimah pawh ka in chhuitir mai a, an rawt an rawt a, an chhuina final recommendation pawh an sawi leh ngai tawh lo. Chuvangin, O.P. Singh-a chungchanga a minister te, a minister hmasa te, an aia lal zawkte a kan kai dan kan hriat te, Aipuk chungchanga zanlaia an siamthat a reh leh mai te, hengho zawng zawngte leh Congress hunlai te, P.C. hunlai a mite hi mipuim rinhlelh kan nei a, ngaihthat lohna kan nei a, c hungho zawng zawng hi kan khawtlang nun te, Kohhran nun te, Mizoram hnam nun te hi a tlai hma a siamthat anih theihna turin dikna a lal theihna turin chutiang zawngchhuak tur chuan influence theih loh i ruai ang u, tih hi ka rawt nawn leh a ni Pu Speaker. P.C. in an pawm tawh, an press release ah vawiinah kan ruling party ten pawm sela, tichuan hma la tlang ila he ramah hian dikna a lal ang, thudik a lo chhuak ang, chutatang chuan kan Kohhran leh Zoram mipuiten a point kaldan dik an hre thei dawn a ni. Ka lawm e.

S P E A K E R : Awle, member zahawm tak tak 21 in an sawiho ta a, tunah chuan a changtu minister te kan discussion te wind up a hrilhfiah ngaite hrilhfiah a, an demand te pass han dil turin ka sawm ang a. A hmasa in Dr. Lalzama, Minister zahawm tak i lo sawm ang.

Dr. LALZAMA
MINISTER : Pu Speaker, a pawimawhna te an han sawi diat diat bawk a, a lawm-awm hle in ka hria a ni. Hei a hmasa berin Higher & Technical Education Deptt. hi kan sawi hmasa ber ang a. Hei hi Deptt. zau tak kan nihna pawh a awm a, a chhan chu Education Institution hi hmun hla tak tak a awmte a ni a. Tunah hian Govt. College 8 leh Deficit College 12 leh Private College 5. Tin, Teachers Training Institute 2 leh Polytechnic 2 leh Law College te enkawl a ni a. Hei bakah hian Technical Education tih changtlun nan 3rd Education Project hnuaiiah World Bank tanpuina in hmalak a ni bawk a.

Helamah hian Technical Education lam pawh tihphuisui a ni chho mek zel a ni. He Project ah hian 36 crores hmuh a ni mek a, chutiang chuan hma kan la chho a, sum harsatna karah pawh lehlamah chuan hmasawna kan lo nei ve a ni.

Pu Speaker, a hmasain han tarlan ka duh chu he Deptt. atana pawimawh tak chu heng deficit college 12 te hian University a permanent affiliation an neihna tur hi a ni, hei hi kan vei hle a. Hei hi kan hmalakna a ni a, University hotute nen pawh kan sawi tam viau tawh a, anni pawn an sawi ve berte pawh a ni a. A pawimawhna chu UGC a tanpuina chi hrang hrang hmuh theihna a ni a, thil pawimawh tak a ni. Tichuan, khatiang tur khan University in Inspection Team a tir ang a, a recommend kha a ngai ve thin a, chutiang chuan va recommend tlak a college pawh a that a ngai a. Chumi awmzia chu a building lam ah te, zirtirtu lamah te leh naupangah te leh an in enkawl dan zawng zawng kha a tha leh recommend tlat nih kha a ngai ve a, chutiang tur ah chuan theihtawpin hma te pawh kan la chho mek zel a ni. Hei hi thil pawimawh tak a ni.

Tin, nichinah khan kan Member zahawm tak khan SLET chungchang a rawn sawilang leh a, hmannah pawh kan sawi nual tawh a. hei hi UGC ina State hrang hranga State Level Eligibility Test Exam Centre a dah a ni a, India ram State 16 ah hian SLET Exam Centre hi 2003 kumah pawh khan dah a ni tawh a. Tin, hei Parliamentary Sub-Committee on HRD nikum 2003 Dec., 31-a an Committee phei kha chuanin SLET Pass ngat a hi chu All India-ah hianin eligible ni rawh se, Lecturer Appointment atan hian an ti nghe nghe a ni. Hemi atan hian UGC in SLET Commission rawn dinin Gurwahati University ah a rawn hung a, chu chu keini pawhin kan zawm ve a, kan ti ve a ni. Hei hi kan la hriatchian loh deuh avang anih ka ring a, tha ta lo leh quality hniam zawng tura ngaih hi a pawh hle in ka hria. Hun a lo rei ang a kan han hrethang ang a, kan la Chiang tulh tulh turah pawh ka ngai a. An zawhna leh khatiang Exam zawng zawng pawh kha khulam tih vek a ni a, helaia duh duha lo tih a, en mai c hi pawh a nilo reng reng a. Tiang chuan commission ten an rawn buatsaih tur thil anih avangin kan lo nei thei ta hi a lawmawm hle in ka hria a. Kan Deptt. hmalakna in University nena tang kawpin hetiang hian kan ti dawn a ni a, anihna takah phei c huan hmannah kan han sawifiah tawh ang khan University-ina a conduct tur a ni a, nakum lamah phei chuan University hian a conduct tawhin a rinawm.

.....870/-

Tin, NET hi a bo chuang dawn lova, a awm reng dawn a. SLET bakah hian NET te pawh hi a la awmreng dawn a ni. Chu chu Deptt. hrang hrang, Science atan pawh he Centre hi rawn din turin kan ti mek a

PU ANDREW LALHERLIANA Pu Speaker, khawngaihin, khami State Level leh NET kha tunah khanin State Level Eligibility Test kha nei tur khanin NET kha i sawibo lek lekin ka hria a. Mizoram University hian tunah State Level Eligibility Test neih tur hi an hriatpui lo che u ni a hriatna kan nei a ni. Chuvang chuan hei hi anmahni hriatpui lova in Deptt. hmalakna a ni mai lo maw ? tih kha kan zawt duh a ni.

Dr. LALZAMA MINISTER : Pu Speaker, a tha e. Kan hriatpui e. Khami kha chu Committee a awm a, University ah khuan. Khamiah khan Mizorama Vice Chancellor te, State hrang hrang a Vice Chancellor te zu kalkhawmin an ngaihtuah ang a, tahkhan affiliation fee te, Centre fee te an pe ang a khatianga tih tur kha a ni a. Amaherawhchu, a dik tak chuan kum hmasa lam te khan Mizoram University atang hian an lo zu tel lova, hmannah pawh Commission Member Secretary pawh a lo kal a kan inah ngei pawh ka sawipui a, lo kal ni sela chu nikum lamah pawh in nei tawh ang a ti a. Tichuan, fel takin kan Deptt. in hetia tih tur a ni dawn lawm ni tiin hma an zuk la in mi an rawn address a, kha vang mai kha a ni a, hriatpui tehreng mai. Kan zu sawifel a, cooperation tha takin hei hi kan siam a ni.

Tin, Pro-Vice Chancellor te pawh khatianga khan ka hrilh veka chutianga fel taka remsiam vek chu a ni a. Tin, NET hi kan sawibo ngai reng reng lova, a awm zel dawn a, sawibo ahnehin Science Department ah pawh hian NET Exam la neih loha hi neih tir tumin keimah ngei pawhin hma ka la a, CSIR ah an lo zu dil tawh a, Vice Chancellor pawh ka han hrilh khan an dil tawh a, naupangte an tieme tih vangin an lo pe mai lova, kei pawhin ka zu phone a, tin D.O. letter pawh ka ziah pui nghe nghe a. Hetianga State naupang leh te zawk te ngaihthah mai theih a ni hleinem, chhungkua ah pawh nausen leh naute te

mamawh kan ngaihthah mai thei hlei nem, special attention pekna chi zawk a ni e, tite pawhin ka sawi nghe nghe a ni. Chuvang chuan Pu Speaker NET tih bo tih lampang kha chu tum a hnehin tihpun kan tum zawk a nih chu.

(Pu Andrew Lalheriana NET neilo nikumah khan Hrangbana College Teacher an lak khan neih tura tihsi kha, kha kha kan mausam leh niin kan hria a, NET neilo pali kan la a ni lo maw khang ah te pawh khan?) Khang kha chu tunah hian Court Case awm mek niin ka hria a, khati zawng kha ka zuk hrethuk vak lova tunah rih chuan, engpawh nisela NET neilo reng reng emaw SLET neilo emaw kha chu tuna UGC Norms kan adopt ve chinah hi chuan affiliation atana an va inspect pawhin khatiang an awm kha chuan kum 3 chhungin an Pass tur a ni tih kha a awmzel a ni. Lo chhinchhiah ta ula a tha in ka hria. Entirnan - Lawngtlai College pawh hmanniah an va en a, Permanent Affiliation kha tih tur kan ti si a, an va en khan NET neilo an lo thahnem deuh a, SLET emaw NET emaw kum 3 chhungin nei se tih condition awmin kan ti dawn nia tih a ni. Chuvangin, khatiang kha an lo awm anih pawhin an qualify ve zel turah ngai phawt mai ilang a tha ang e.

Engpawhnise, NET hi a pawimawh a, hma la chho deuh deuh turin kan infuih reng a, a nei kawp thei an awm pawhin a tha a, a nei pawhin University a Lecturer turin an qualify na tur ve ve a ni tih pawh lo hria ila. Chubakah National Assessment and Accreditation Council an ti a, hei hian Mizoram College te rawn endik a, Accredited Institution neive tura an dil angin Team an lo kal a, Aizawl College te pawh saw Grade B + an pe a, Champhai College hi B, Aizawl West C + an pe a, tiang khan an ti a. Hemi lamtawi NAAC Meeting ah hian State tinah State Level Quality Coordination Committee lo din rawh u an ti a, chubakah Quality Assurance Cell tepawh lo din rawh u an ti a, kan han beichho mek a ni. Khang khan quality sang zawk College zirna reng rengah an result te rawn entu tur a kha kan din dawn a ni a, quality pawh chawisan hle kan tum a. Khami NAAC Accreditation pawh nei thei tura lo inbuatsaihna pawimawh tak ani dawn ani tih kha kan tarlang duh a. 150 certified institution pawh nei thei tur khawp hianin tan lak tur tihte pawh kan sawi tan tawh a ni. India ramah pawh hian Amethy University chauh hi 150 certified university ala ni a, Hospital te, College te a then then an ni ve nual tawh a, Mizoram-ah hian hetiang zawngte hian hma la ve

ila efficient tak mai kan nih theihna turin tih te kan sawi zawk a ni a, chung chu thu pawimawh tak mai a ni a. Deptt. tin hian khatiang tur khan tan la ila a lawmawm hle in ka ring a ni. India ramah pawh hian Deptt. zawng zawng ten 150 certification nei turin hman an la nghe nghe a ni, chutiang te chu lo chhinchhiah ta ila.

Tin, UPSC Exam-a Mizo Nula/
Tlangval tam zawk kan tlin ve theihna turin tiin Coaching Centre pawh din ve turin kan buatsaih a, kan Chief Minister pawhin a tarlan tawh kha. A bul tanna tur chuan a theih dan ang angin pawisa pawh seng tlem thei zawngin kan ngaihtuah mek zel a, nakum lamah te chuan kan din theih tawh pawh kan beisei a ni. Nichinah khan College Lecturer-te indaih lohzia in han tarlang a, khang tepawh kha engpawh nisela sum te a harsa a, a theih ang ang a hmalak chhoh tum zel a ni. Lecturer mai pawh ni lovin Office a Staff zawng zawng te pawh an duh dan ang thlap mai a kalpui a chakawm hle a, hmalak pawh kan tum a ni.

Tin, Opposition Leader in a Serchhip College chungchang a sawiah pawh khan College Lecturer te Term a tawp mai dawn si a, a tih kha exam thleng a extent tur a ni. Tichuan, khitah pawh BCA zirna tan tum a ni nghe nghe a ni.

Tichuan, Member zahawm tak tak ten in han sawiah khan a Technical Line pawh kha in han sawi zela, a dik a, hei BE Course ringawt pawh hi BE Biotechnology te BE (Computer Science) te, BE (Information Science) te, BE (Mechanical) te, BE (Electricals & Electronics) te, BBM (Business Management) te, BHM (Hotel Management) te, B.Com (Computer) te, MBA (Business Administration) te, MTA (Tourism Administration) te, MSW (Social Work) te, BA Journalism tih te, BPT Physio-Therapy te, BSc Ratio Therapy te, BSP medical Laboratory Technology te, MSc (Hotel Management) te, BSc (Genetics) te, BSc Bio-Technology te, MSc Bio-Technology te. Tin, Post Graduate Diploma in Environmental Education te, Post Graduate Diploma in Tourism and Travel Management tih te, khatiang khanin course hrang hrang hi kan ram a la awmlo hi a tam khawp a. Tin, chu bakah chuan han sawi vek lo mai ila, MBA Markieting International Mass Communication tih te, Marketing Hospital Management han tih te, MBA Master Degree in Marketing Management tih te, Personal Management te, Management Science han tih te, Communication & Journalism tih te, tamtak ala awm a, khang kha kan sawi vek lo ang a. Chutiang ang tepawh chu kan ramah hian a zir turte kan awm theih chuan zir dan kawng te hi zawng ila tih te kan sawi mek a, hma pawh kan la tan mek nghe nghe a ni.

Tin, chubakah chuan kan hriat awm a pawimawh deuh deuh han tarlan leh ka duh chu Book Grant chungchang kha Pu Lalhmingthanga Member zahawm tak khan hmanni a sawi kha an sawichhuak leh a. Book Grant kha pek tur sum Deptt. ah chuan a awmlo chungin harsatnate eng engemaw kan han sawiin kan Chief Minister zahawm takin khawngaihin a pek dan tur kawng dap turin a tifel tawh nghe nghe a, Lunglei a Mizoram Polytechnic a zirlai hote leh he i Women Polytechnic a zirlai pawh pek tum a ni. Tin, an stipend tepawh pek tum a ni bawk a, hma kan han la bawk a ni.

Tin, Technical Education lamah pawh hian hmalakna tur kawng hrang hrang han thlirkual a ni a, hmalakna tur pawh a tam khawp mai a, building chungchangah hian sakthat ngaite tam tak a awm a, mahni bial a mite kha thenkhatin in han sawilang a, heng sakthatna turte hi sum kan dil mek a, kan hlawhtlin thuai pawh kan beisei a. Ni 30th emaw 1st week of December ah te hian chuan a en tur a lo kal thei ang e tih pawh Telephone kan dawng a, han teh thuai thuai tepawh kan nghakhlel hle a ni.

Tin, Central Sponsored Scheme hnuaia Mizoram Hindi Training College, Durtlanga sak mek te hi kan la luah theilo deuh hlek a. Mahse, additional requirement kan han submit leh a, a detail estimate pawh kan submit leh dawn mek a ni a, rawn thehthla rawh u, an ti a. Tin, C.T.E. Building pawh Republic Veng a mi hi chutiang bawk chuan a bak la awm a kha a detail estimate kha an lo phut ve avangin chutiang chuan kan han ti bawk a ni. Tichuan, a pawimawh zual kan hriat tur awma ka duh zual deuh chu nichinah pawh a then chu an sawilang a. A budget chungchangah hian Notional Common Minimum Programme in-a a han duanah chuan 6% GDP dah turin Education Sector-ah hian a ti a. Chutiang chu Kothari Commission pawhin a lo tih zat a ni a, helaiah hian a Education Sector pumpui ah ni lovin, a Higher Education bik teah phei chuan a la hniam khawp mai a, 1.54% ang chauh a la ni. Chuvang chuan, heng pawh hi a theih ang ang a san chhoh zel turin tan pawh kan la mek a. Tin, a tul ang zelin additional requirement pawh kan theh lut bawk thin a, quality sang zawnga kan kal chhoh hi a pawimawh ber mai a, heng hi theih ang angin hmalak chhoh mek zel a ni tih ka sawifiah duh a ni.

Pu Speaker, Deptt. dang ka han sawi leh ang a, hun hman rei lutuk loh nan. Hei, Excise Deptt. hi kan han sawi viau a, a lawmawm khawp mai Excise Deptt. ah hian

Constable indaih lohna kan sawichhuak a, a dik reng a, 303 chauh constable tak pheih chu kan nei a ni. Chuvang chuan an hlawh leh allowance hrang hrang te hmu ve awm an ni, an tlukupui Police leh Prison lam a mite pawh chutiang khatiang an hmu han tih te kha a dik khawp mai. Khatiang khawp khan chhun leh zan zawmin an thawkrim ve a ni a. Engpawhnise, hengah pawh hian hma kan han la chho mek a, theih ang angin. Vawiinah pawh khan The Mizoram Narcotic Drugs & Spychotropic Substances Rules, 2004 kan han lay atang te khan member zahawmtak Pu K. Vanlalauva'n a sawi ang khan heng ruih theih thil kan dona-ah te hian kan hlawhtling chho zel ang tih pawh kan ring a ni. Mi indaih lohna kan hre tlang hle mai a, a lawmawm khawpin ka hria a. Engpawhnise, force han tih tam chu a that em em rualin a hlawhtlinna tak tak a hi chu mipuiin a kan tawiawmna hi a ni fo thin tih kan hriat erawh chu a tha in ka ring a.

Tichuan, member zahawm tak khan Dan hi in kengkawh tha em ? a ti a, kengkawh tha e, tih si a hlawhchham a ni an tih te kha a awm viau a. Amaherawhchu, Police tepawh hian ram dan hi an kengkawh tha a, mahse crime chihrang hrang chu a awm ve reng mai a, tiang zelin Kohhran pawh hianin dan hi a kengkawh tha em em a, thunun tur hi chu an awm ve zel a, chutiang deuh chu a ni ve a. Keini Excise Force tlemte in Dan kengkawh tha em em chung khan bawhchhe tawk leh buaipui tawk tur kha chu awm ve reng tur a ni tih kha ngaihtuahnaah awm selang a tha in ka ring a.

Tin, chubakah chuan zu neitu miretheite zu man sakte hralh leh a zu zuar ang deuhthaw khan kan Excise Deptt. hi thenkhatin an rawn sawi a, thil awmdan chu hetiang hi a ni. Zu hralhna leh a fine atang hianin nichina kan member zahawm tak Pu D.Thangliana'n a sawi ang khan Rs.3,86,345 chauh a ni a, hemi zu hralhna han tih zu man hi permit holder hi an awm ve a, khangho hnena hralhna kha a ni a. Nichina avai Revenue zawng zawng han tih kha chu hnamdang Sipai lam hote, Military te, Para Military te zawng zawng hi permit pek an ni a, khangho chhiah kan lak atanga tlingkhawm kha a ni tih kha lo hria ila. Miretheite khatiang chhuhsak ang a sawilan kha chu a diklo em em a ni tih kan sawilang duh a ni.

PU ZODINTLUANGA : Pu Speaker, sum hman atang khan tih a ni a, sipai lam kha chu kan hrethiam ve tho a, zu man atanga sorkar revenue lak zat kha a nia kan rawn sawi, khalai zawk kha a nia.

**Dr. LALZAMA
MINISTER**

: Pu Speaker, chu chu ka rawn sawilan kha a ni reng a ni. Khami laia nuai sawm sarh leh tih lai vela kha chu mirethei te mansak a ni hauhlo a ni tih kan sawilang duh a ni. Engpawhnise, kan ramah zu kan do c hungin a tam em em a, tin, ruihtheih thil chi dang dangte nen min tibuai a, chuang chuan State Prohibition Council Meeting ah pawh kan sawi a, Mizoramah hian hetiang hi a ni si a, chuangin Central YMA te leh MUP, MHIP te nen Kohhran hrang hrang hruaitu inzawmkhawm te nen hian tanho dan tur i ngaihtuah ang kan ti a. Tichuan, kan meeting fel tawh a, tanho dan turte nasa takin kan sawi a, kan member zahawm takin a heng hi a fail let der a ni e, tiin meeting-ah pawh an sawi a ni tih kha chu a meeting thu t lukna ni lovin mimal ngaihdan an sawilan ve mai kha a ni a, khati zawnga thlir theih pawh kha a ni lawm ni tih member pakhat khan a sawichhuak ve a ni a. Khami thu lai taka kha a rawn la vawng a ni a, a meeting in khatiang khan kan ti hauh lova, thutlukna a awm hran daih a ni tih kan hriat a pawimawh a. Chutiang chuan, Kohhran hrang hrang hruaitu te, YMA, MHIP leh MUP te nen pawh kan sawi vek tawh a, tanlak tur anih zia te, ruihhlo do kum ah pawh puang ila tih te sawiin kan han in ngen a. Hei hi YMA lam pawhin an lo vei em em a, Central YMA pawn an puang tawh nghe nghe a ni a, a lawmawm tak tak a ni. Chutiang chuan Kohhran lam pawh hian tanlak a ngai em em zela, tan la turin kan in ngen mek a ni.

Tin, a building chungchang kha an rawn sawi thliah thliah a, Excise Building luahman te hi Rs. 25,275/- thlatin chawi a ni a, a building nei turin tunah hian proposal a kal mek a, tun 2004-2005 chhung ngei hian bul chu kan tan theih kan han beisei a ni. Hengte hi ngun takin in sawite ka lo chhinchhiah thlap zel a chak thei ang berin hma kan han la zel dawn a ni.

.....876/-

Tin, chubakah chuan harsatnate hi kan in hriatpui a ngai viau reng a, mipuiin nasa takin min in beisei a mahse heng hi zawh tak tak a harsa a, khawchhung vengkhat ringawt pawh hi thil harsa anih lain a rampum mai dinhmunte han ngaihtuahin engemaw chen kan in hriatthiam hi a tul khawp mai a, jurisdiction a zau em em mai zel a ni. Lunglei te, hi anmahni jurisdiction ah chuan Lawngtlai district tepawh a va huam tel a ni a, khatiang zel kha a ni a. Saiha te, Kolasib te, Serchhip te, Champhai te pawhin District zau takah thawktu tlemte an awm ringawt mai a ni. Chuvang chuanin tlin tawk a harsa em em a, vehicle lamah pawh harsatna tam tak kan thawktute hian an tawk a, hmun hla tak a mi zu um 2/1 man turin hla takah Motor-a tlan a va ngai ta si a, a buaithlak ve thei em em thin a ni. Chuvang chuan, mipuite pawh tih takzeta kan tanho a ngai a, MLA tinte hian mahni bial theuhah pawh tan han la hle tur hian ka inngen duh bawk a ni. Hetiang kawngah hian mipuite hi kan tan tlan thiam a, kan tanpui thiam hi a hlawhtlinna ber tur chu a ni dawnin alang.

Art & Culture lam kan sawi leh ang a, Pu Speaker, a rei tawh lovang, a reilo zawngin kan sawi zung zung ang a. Kha in rawn sawi thliah thliah hlawm a, a lawmawm khawp mai a. Ni e, kan hnam nun tha te, kan pi pute nun te, hnam hrang hrang Mizoram chhunga mite ngei pawh in pumkhatna tura tanlakna Deptt. anih te in rawn sawi a. Tin, Library hmun neih loh zia te in rawn sawi bawk a, a hmunte hi ni e, a laili tak tur pawh a ni a, hemi New Capital Complex, Khatla hi laili tak tur chu a ni. Tichuan, a sakna tur pawh kan han beisei mek zel a ni a. Hma kan la a, hei Meuseum sakna tur pawh hi a hmun tur bawk hi kan mamawh em em a ni. Tunah hian kan ngaihtuah mek a, kan sorkar Deptt. concern ten min tihfel sak thuai dawn pawhin kan ring a, kan project tha tak mai a ni a, Museum changkang taka sa turin hma kan la meki zel a. Tin, Indian Museum Kolkata in District Museum turin Saikuti Hall-ah 1st floor leh 3rd floor te hi min han develop sak dawn a, ni 19 khan an lo kal a, Official te leh Architect te, Galleries leh a tul ang zawng zawng min rawn tihsak vek dawn nghe nghe a, Lunglei lam tan pawh hmasawna tak tur ah kan ngai a ni.

Tin, Lunglei Venglai-a Art & Culture Auditorium te hi sakthat a chhawng 3/4 vel nge ni sak tur khan hma pawh han la ila, sawlaih sawn Cultural Centre te leh Art & Culture Office te leh Hall te sak theih ani ang a, Car Parking tepawh kan siam thei ang chu tiin Lunglei khawlai a Auditorium saw sa turin hma kan la tan mek bawk a ni.

Tin, chubakah chuan chawhma lama member zahawm tak tak ten an sawi pakhat, hmun hrang hrangah lam leh zai te in zirtir a, a kalte kalman pawh in pek ve ni sela, YMA ten an pe thin ang deuh a han sawirik kha. Khatiang ang kha thil awm a ni lova, Instructor te kal reng reng hi Deptt. hian kalman a tum sak vek zel a ni. Tin, Deptt. hriatpui lohva khawi maw laia mimal anga kal te anih chuan thudang nisela. Khatiang kha YMA ten an lo pek sak mai thin tih ka han tarlang duh a ni, kha kha kan hriatsual palh anih ka ring.

PU LALRINLIANA SAILO:

Pu Speaker, Art & Culture ah hian Folk-Dance te zir tur hian demand a sang em em a, Minister zahawm tak pawhin a hriat ka ring a.

Chumi a kal ho chu Art & Culture Deptt. a mi sawn an daihlo a ni. Chu chu an zirtir chhuah sa tawhte kha an kal thin a, tichuan anmahni hriatpui leh anmahni tirh in. Vawiin a ka sawi ang khan YMA te leh Club te khan an lo pe thin ka ti a ni. Tuna Instructor emaw, Instructress emaw chhuak sawn khang kha chu Deptt. in a tih tur a tih ka ring a, chutiang khawp chuan an indaihlo a, hei aia tam zawk hian fund te hi a awm thei lawm ni ti a, amah tanna zawk a ni.

**Dr. LALZAMA
MINISTER**

Pu Speaker, a tha e, a lawmawm e. Hmalakna tur pawimawh tak tak kan hnam, kan ram, kan pi pu nun te humhalh zel tur, chawisan chhoh zel tur apiangah chawisang thei tura hmalakna kawngah thahnem kan ngai hle niin a hriat a, a lawmawm hle a ni.

Tin, hei Publication Board kan nei a, Member zahawm tak Pu Hiato kha niin ka hria a, nuai 1 dah tih kha nuai 10.30 a ni tih ka han sawilang duh a. Hengah pawh hian lehkhabu ziaktuten an Publish theihna tur a lo tanpui a ni thin tih kan hriat sa anih kha. Hnam Lam leh Modern Music ah thla thum Certificate Course in zirtir te a ni a. Nichin a Member ten an han sawi ang khan duh an tam em em a, hengah hian kan in zirtir senglo a ni a. Chutiangah chuan theih ang tawk tawk erawh chuan kan han bei a. Tin, midang lo thiam tawh te pawhin a helai chauhvina zirtir lova, a thiam tawh sa in a hmun hrang hrangah pawh zirtir thei tura in buatsaih tura fuihte hi a tul hle in a lang a ni.

.....878/-

Thingtlang lam Aizawl-a training ve theilo te tan mobile training tepawh buatsaih a ni a, kumin chhung hian hmun 11 zetah mobile training neih tawh a ni nghe nghe a ni.

Tin, Drama lamah pawh hmalakna a awm a, cultural meet te, cultural competition te thu leh hla lama symposium leh seminar neihte pawh a ni a. Tin, monument leh landmark hmingthang deuh deuhthe humhalh leh chhinchhiah a ni a, theih ang anga cheibawl a ni a. Tin, Vanapa Hall pawh kan vei tlang tawhin hma kan la mek a, Vanapa Hall hi engemaw chen chu a danglam thei ang tih ka ring a ni. Tin, Beraw tlangah sawn Govt. of India atanga kan hmuh sum atangin Multipurpose Cultural Complex leh Auditorium kan sa a, tunah Auditorium phei chu peihfel tep a ni tawh a, hemi peihfel hunah hi chuan Auditorium mawi leh changkang tak mi 300 vel awmna kan nei thei dawnin a lang a ni.

Tin, nichina ka sawiah khan Cultural Programme pawh hi Mizoram mai pawh ni lovin Scotland ram thlengin kan zuk nei a, tin, India ram hmun hrang hrang Gujarat, Chandigarh, Kanpur, Dimapur, Darjeeling, Guwahati ah te neih a ni a, hengah hian sponsore tuten senso zawng zawng hi an tum vek zel a. Tin, Drama Programme pawh hi India ram hmun hrang hrang leh Aizawl-ah te neih a ni bawk a. Tin, Cultural Programme hi kan han nei bawk thin a, kum 2004 hian hmun 11 ah kan nei tawh a. Kum 2005 ah hian hmun 6 ah la neih tur a ni nghe nghe a, 2004-2005 huamchhung rau rauah hian chutiang chuan buatsaih a ni bawk a. Khaw hrang hrang Pangzawl, Vathuampui, Champhai, Lunglei, Kolasib, etc. khatiang khan Mizoram hmun hrang hrangah hetiang hi inpumkhat nan kan nei bawk a ni. Tichuan theih ang tawkin Deptt. te tak te, budget pawh te tak te pawh nise, budget piahlamah hian hma nasa takin a la a.

Tin, pawimawh em em pakhat chu Raja Ram Mohan Roy Library Foundation an ti a, hei hi Govt. of India indin in Library lam hmasawmna atan tanpuina kan dawnna a ni a, tah hian pawisa leh Furniture te lehkhabu leina turte min rawn pe a, helaiah hian matching scheme a awm a, tunah hian matching scheme atan nuai 12 kan thawh ve a, khati anih chuan a let min rawn pe thei zel a. Entirnan - nuai 30 te matching scheme atang hian kan pek theih chuan nuai 60 hu kha kan dawng zel dawn a ni a. Chuvang chuan an tangkai hle maia, heng atang hian Library Building pawh sak theih kan beisei bawk a ni.

Tin, Non-Govt. Voluntary Libraries tih hi 415 khaw hrang hrangah kan nei a. Heng kumtina lehkhabyte khaw hrang hrang a Library recognized ho pek theihna te hi RRRLF atang khan a ni chutiang chuan thil pawimawh tak tak mipui tan a thawk nasa hle.

Tin, Library sakna tura Lawngtlai bialtu zahawm takin a sawi Finance Commission-in Building sak nan a rawn phallo a, chuvangin corpus fund ah dah ila, a pung atanga lehkhabu te leh journal te lei turin hmalak mai loh chuan a hmanna tura an tih ang lova hman hi an awih si lova. Engpawhnise, District hrang hranga Library changtlung neih theih turin hmalak zel pawh kan tum a ni. Chutiang chuanin a pawimawh zualzualte kan sawizo ni deuh mai sela. Sawitur tam tak la awm karah Pu Speaker, khatiang khan a pawimawh zualzual ni tawh mai sela.

Vawiinah hian ka Demand No. 7-na Excise Rs. 7,82,97,000/- Demand No. 21 Higher & Technical Education atan Rs. 30,34,02,000/- leh Demand No. 23-na Art & Culture Rs. 3,01,15,000/- A vaiin Rs. 41,18,14,000/- hi min pass sak turin ka ngen a ni e. Ka lawm e.

S P E A K E R : Awle, Minister of State zahawm tak Dr. Lalzama'n a Deptt. enkawl te tan a Demands for Grants pass a rawn dil a. Heng Demand No. 7 Excise atan Rs. 7,82,97,000/- Higher & Technical Education Rs. 30,34,02,000/- leh Demand No. 23 Art & Culture atan Rs. 3,01,15,000/- A vaiin Rs. 41,18,14,000/- a ni a, pass remti apiangin 'remti' ti rawh ule. Rem tilo kan awm em ? Remtilo kan awm chuan 'rem tilo' ti rawh ule.

Awle, Dr. Lalzama, Minister of State zahawm tak Demand No. 7, 21, 23 avaiin Rs. 41,18,14,000/- chu House-in lungrual takin a pass a ni.

Le, tunah chuan kan Chief Minister zahawm tak Pu Zoramthanga a Deptt. chan chungchanga discussion te wind-up turin ilo sawm ila. Tin, a Demand-te pass han dil nghal sela a tha ang e.

PU ZORAMTHANGA
CHIEF MINISTER

Pu Speaker, ka lawm e. Kan Member zahawm takte khan point tam tak han sawifiah tur chi te, han clear tur chi te an sawi a.

Amaherawhchu, a vai a han sawichian vek sen a ni lova, a thei ang chin chin chu kan sawi thuak thuak ang a. Tin, kan Officer-te leh midangten an lo chhinchhiah bawk a, a hmasa bera kan sawiduh chu Finance leh Planning chungchang thua khani hemi kan Planning leh kan Programme Implementation ah crore 14 lai awm tepawh kha a va tam angreng ve tihte pawh a ni a. Engpawhnise, tlema a reserve deuh hlek hi Planning a kan dah loh chuan R.E. Stage a mamawh zualah hian pek a ngai ve thin a, chuvangin khatah khan kan han dah a. Amaherawhchu, kan dah theih a pawh kha kan hawn tih hnu khan a tak takah chuan crore 14 kha a awm hauh law, a tlahniam angreng viau mai a. Chuvangin, tlem chuan khilai a kha han uar ve deuh a crore tlemte a han siam chu kan nei ani tih kha kan sawiduh a.

Tin, Loan chungchang thu. Hei hi a dik khawp mai a, leiba ah hian chi hnih a awm a, kan hre theuh ang a, pakhat chu plan-a tlingkhawm a awm a, pakhat chu non-plan a kan leiba a awm bawk a, non-plan a leiba hi a buaithlak ber a, Central Sorkar pawhin a 'in ti tlahniam tur a ni' min tih a kha a ni a. Plan ah hi chuan kan duhzat kan bat a hi tunah entirnan - keimahni duhthu renga plan-a kan lakbelh a kan bat hi REC a mi tlem kan la e, tih loh hi chu keimahni in kan la lo ang tluk a ni. Loan ang a kan lak hi chu Drivers Voluntary Retirement ah hian Bond kan float a, chu chu loan ang a ni a, chu chu a ni deuh ringawt mai keimahnia kan lak hi chu. Adang hi chu plan ah khan hei Minister te chuan kan hre tawh hlawm ang a, plan a kan lak tur a kha Central assistant tur ang chiah pawh heti zat hi in la tur a ni, LIC ah heti zat, NABARD ah heti zat an rawn ti vek a ni. Chumi chu kan duh emaw, duhlo emaw ti ila tihluhna lutuk chu a nilo na a kan lak tur zat hi Central-in min rawn ti sa vek mai a ni. Chuta tang chuan State Resource in Mobilize theih engzatnge an ti a, chu chu resource discussion kha a hma in kan han nei ta a. Chuta kan resource an han tih a pawh in thawhchhuah kan pawmsak ang che u an tih a hi a tak tak a kan thawhchhuah pawh ni chiah lo, mahsela Plan in a Planning Commission in a min pek anih loh avanga in State Resource ang kan pawmsak che u an tih tepawh ala tel ta cheu a, chumi nen chuan kan State Resource min han educate sak a, khami pialamah khan LIC a NABARD-ah chuti zat loan in la ang a min han ti a. Chung chu kan loan lak a kha a then chu 10% keimahni in a kan pek leh ngai, 90 anmahni min puihna te, a

then chu 25% te, a then chu Central Spo1nsor Scheme atanga kan lak, 25, 75 te 50/50 te thlengin a awm ta a. Chuvangin hei PHE ahte chuan a percentage a sang a, tin a thenah pheih chuan 100% a min pek chi tepawh a awm a. Amaherawhchu khang chi hrang hrang awm karah Plan anga kan han ngaih theih tur Central atanga loan, Plan discussion a kan lak hi chu heti zat hi in lak a ni tur a ni min tih kha State zawng zawng hi an awm ta phawt a. Chumi chu kan lo rul vek thei lova, State zawng zawng in, khami kha State a upat hian a tlingkhawm tam a, State a naupangin a tlingkawm tlem a, source ah a then chu min han rulh tirin min han cut sak ngat ngat a, chu chu Plan Fund a loan kan lak tlingkhawm hi a ni. Tunah hian upto-date hnai ber ka hre lova, hman deuh a ka hriat chinah kha chuan India rama khami loan tlingkhawm tlem ber kha chu Sikkim an ni a, a dawttu keini kan ni a. A dang ho chu lian lutuk vek anni. Mahse tun a hnung ber hi ka hrechiang chiah lova, a chhan chu kan State a naupang deuh a, kan size a tlem a, chuvang mai chu a ni. Kha kha Central Sorkarin Plan Fund a in loan tlingkhawm a tam lutuk tiin min hau ngai lova. Anmahniin heti zat la rawh u tiin, an engto ber erawh chu Non-Plan ah kan administrative liability kan hlawh tur O.E te leh thildang a bat kan ngah hi an duh loh ber chu a ni. Chu erawh chu cut hniam ula nangmahni State resource ti chho ula helai a a gap a hi ti zim rawh u tiin nasa takin min nawr a. Midang pawh source a nei lak belh tawh suh u, in expenditure cut rawh u an tihve lai chu, chu chu a ni. Khalaiah khan hetia sawi thuak chuan Central hian ba kan ngah hi duh lo em em nise kan Plan Fund a kan ba ngei ngei tur a min pek a tam ber hi a ni tlat a. Chu chu an ti tlem ang a, la tawh suh u an ti ang. Mahse khami tello in India ram hi kan kal theilo tih an hriat avangin State zawng zawng hi chuti zat chu in lak tur a ni an rawn ti sa vek a. Plan Discussion a Chief Minister te kan kal a kan sawi ber hi chu Dy.Chairman, Planning Commission in ama directionah Crore 4/5 a lian a zirin lo pek belh theih a nei a. Chu chu dil chhuah belh kan tum a. Chu chiah chu a ni hna tak tak chu ni. A dang hi chu chhiarkawp a an lo chawh sa vek a ni, Resource discussion atangin. Chu chu anih avangin helai a loan kan ngah em mai tih pawh hi mi hriatah India ram financial expert te hriatah sawi sual palh a hlauhawm a. Keini chu kan State loan a tam tawh tak tak a nia vaibelchhe 100 kan tlin tawh ti ila an nuih a za mai ang. Mahse Non-Plan expenditure a a gap a kha tih san a, loan emaw deficit emaw kan ngah kha chu pawh kan ti a. Kha kha erawh chu theih tawpin keini pawhin tih tlem kan tum kha a ni e tih kha kan sawi tel duh a ni.

PU LIANSUAMA

: Pu Speaker, State Resource i sawi ang chi eng ang pawh ni ta sela, kha ho zawng eng ang nge a break up, a vel talin vaibelchhe 616 break up kha

.....882/-

PU ZORAMTHANGA : Pu Speaker, khailaiah khan kan minus
CHIEF MINISTER nasa khawp a. Kan State Resource te
kan ti a, kan belh ta a, mahse
keimahni minus na tur nena an han
tih chuan a tlangpui thu in zero hnuai hi kan ni deuh ber a ni. Keimahni
kan hman tur kan State Resources a min han chhutsakah pawh khan.
Chuvangin a majority hi chu Central Assistance te, Additional Central
Assistance te, Normal Central Assistance te tlingkhawm kha ni deuh zel.
Kan State resources-ah hei hi kan pawm sak che u tih chiah kha kan englo
nena an paih khawm chuan zero hnuai hian a awm fo; Vawikhat chu
zero chiahah kan awm a, in tha hle mai an ti a ni. Chuvangin, a gap kha a
minus lian viau zel a ni. Kan State resources Planning Commission a kan
sawi a kan zuk chawh chhuah meuh hi chu a plus hi kan tling chho pha lo
reng reng a ni. Vawikhat zero ah kan awm a, hei zero ah in awm a kan pek
tur zawng zawng hi in la thei a lawm in vannei hle mai min ti a, chumi
hnu chuan zero kan tling pha lo a, minus lamah kan kal deuh ber a ni.
Chutah chuan a loan nen khan min pe ta a ni. Helai atan chuti zat,
NABARD tan chuti zat.....

PU LALDUHOMA : Pu Speaker, zero tih kha ka hrethiam
mang lo deuh hlek a, hemi Financial
Institution atanga kan puk, kan
State's own resources a min pawmsak
tel lo khan, keimahni own resources mobilize tak tak hi engzatnge tling ve
tih, a amount emaw , a percentage emaw ka hre duh a ni.

PU LIANSUAMA : Pu Speaker, kan rei laklawh deuh na
a, entirnan : Lottery atangin cheng
vaibelchhe engemaw zat Sales Tax
atangin kuminah vaibelchhe 29 vel,
tin, Power atanga Energy Bill, vaibelchhe 35 vel, tin, PHE & Water charge
atangin vaibelchhe 4 vel, Road Tax leh thil hrang hrang atanga lo lut tur
kha Annual Financial Statement-ah khan alo lang a ni. Khang zawng zawng
a kha kumina kan deh chhuah tur ni si a kha hetilaia kan resource receipt
leh disbursement-ah khan a lang vek a. Tichuan tuna ka zawh tak nachhan
a chu vaibelchhe 616 kan hmu a, kan sawi kan pass mek turah hian a loan
heti zat hi a awm e, NABARD heti zat, LIC ah heti zat, Market Borrowing
anah pawhin heti zat, tin, 10% loan grant a lo kalin a ken thin heti zat a ni a,

grant liau liau hi chuti zat, tikhen a tawi mawl deuh in a sawi theih mai em, a theih lem loh chuan naktuk naktip ahte pawh hriat kan duh a, tunlai hian eng eng emaw hi kan in sawisiak a, kan ba ngah zia, deficit te nen hianin kan sawi pawlh kan sawi pawlh thin a House-ah ngei hian kan Finance Minister ni bawh hian min han hrilhfiash se kan duh vang a n ni a.

**PU ZORAMTHANGA
CHIEF MINISTER**

: Pu Speaker, naktuk lamah leh naktip lamah kan la umzui dawn a, a detail leh zual chuan, chutah chuan ka rawn sawi thei ang a. A tlangpui thu-

in 2004 leh 2005 chhoah kan receipt kha chu Tax pangngaiash hian vaibelchhe 29 vel zet a ni a. Non Tax ah hian 63, avaiin 93 vel chu keimahni State atang chuan kan tlin pha ve a ni. Amaherawh chu, a percentage atanga han lak chuan heti mai chuan kan sawi thei lova, kha kha 93 vel chu a tlangpui chuan kan han tlin ve thei a, mahse kan Budget pumpui atanga han teh erawh chuan a tih tham lo em em ani tih kha kan sawi ani. Awle Pu Speaker a Finance lam a hi chu tlemin a technical deuh hlek avang hian keini tan pawh hian zir tur a tam khawp mai a, khalai kha kan sawi thuak thuak chho a.

Tin, chulo lehah chuan Finance lampangah hian kan sawi leh duh a chu kan member zahawm tak ten in han sawiah khan Chawngte-a Bank hawn thuah khan a point den den kan sawi ang a, kha kha chu Guwahati State Bank thuneitute hnenah pawh theihtawpin rawn hawng teh u, keimahni lamah pawh kan inpeih a nia, kan ti a. Kan nawr mek a, nawrchhuah hram chu kan tum a, State Bank lampawh kha kan sawitel leh duh a.

Tin, chuloah chuan GAD kan sawi leh lawk ang a, Lengpui Airport kha kan sawi leh duh chu thlawhna lo tumna atan hian a tehna chihrang hrang keini chuan kan hre ve vak lova, CAT I, CAT II, CAT III tih vel a lo tum theihna tur atana lei lama khawl lo dahthat a kha, kha kha kan neih hi a la that tawh loh avangin a clearance neih duh a kha a zau riau mai a. Chuvangin, khawthalo-ah hian a rawn tum theilo hma zual a, chumi a khawl neih thatna tur chu tumah hian NEC ah tepawh kan nawr a, hemi hi a theih nganglo anih chuan NEC in pawisa an neilo anih chuan DONER lamah te pawh nawr ila, chuti lo chu tlema khaw thalo deuh hleka a tum theilo reng mai hi hei em em lo deuh hian instrument landing system tlema tha deuh hlek chi dah ang kan ti a, chu chu kan nawr mek bawh a.

Tin, kan Oil stock-na tura kha a lian leh zual kan neih theih nan hei hi a hlawk thei ve viau mai a. Chuvangin, kan pawisa neih tam tawk loh avang khan kan duh ang hian tunhma ang pawhin englai pawhin mar patin kan neih ang khat reng khan kan lo inkhawl hmanloh tum a lo awm thin a. Neih laia khawl tam deuh hlek tlema a kar an awm pawha tlakhniam lohna turin a stock-na khu lian deuh a siam a, kha kha tih pawh kan tum e, tih kha Airport thua khawh kan sawitel duh a ni.

Tin, Pu Speaker, kan Vice Chairman, Planning Board in hman tangkailo a ni ang tih kha file zawng zawng hi a awm phawt chuan a through vek anih chu, a ni pawh theihtawp in a che a, amaherawhchu a ni pawh tharlam anih avangin Planning te leh Finance te chu zir tur a tam khawp a, a ni pawhin zir tur ka ngah hle mai a ti a, a tui sawt khawpin ka hria a, a awm phawt chuan Planning File zawng zawng hi chuan a through vek a ni, a kal lam/a hawlam in tih kha kan sawitel leh duh bawh ani.

Tin, kan sawi leh duh chu P.W.D. chungchang thu ah khan kan sawi tam ber kan internal road, Aizawl leh khawpui dangte pawh hi kan kawng a va chhe em tih leh maintenance a va tul em tih tepawh kha a dik khawp a, keini pawh kan ni a, north east ho pawh an ni a, India ram hmun tam ber pawh hi maintenance hi kan problem a ni a. Pu Speaker, Central Road Fund hi kan ram a petrol leh diesel kan hmandan leh kawng awmdan a zirin kan chanpual tur quota kan nei a, chu chu dan in a pek thlap a ni. Keini hi 3 crore tha awrh chauh changpha kan ni a, mahse kan zo nasa thei khawp a, state tamtak kawngchhe tam tak nei ve hian an quota hi kum 2/3 hi crore 100 tel hi hman lova dahkhawl hi an awm a, chu chu Service Transport Minister hnenah a hman thei talin hman turin Parliament dan hi chu nawr ang u, kan ti a. Service Transport Minister pakhat pheichu a phur khawp a, mahse Parliament a tih a ngai si a, state dangin an lo ui bawh si a, an hman thei bawh si lova, mak ka ti khawp mai a. Kan thenawm state hnaivai (State hming chu ka sawi lo ang a) Chief Minister pakhat chu C.R.F. hi in hman zo em ka ti a. C.R.F. te chu alo hre reng reng lo mai a. Chuti chuan keini chu a awm zawng zawng hi a mawng thlengin kan khawrh tak tak a. Chuti chung pawh chuan kuminah hian vawikhat pheichu a mang ang a, kan service transport Minister in kuminah hian nakuma in hman leh tur hi ka puk tir ang che u, a ti a. Vawikhat pheichu kan hman puk ringawt mai a. Khati khawp khan kawng maintenance-ah hian kan pawisa neih chhun hian a daih lova. Mahse chuti chuan kan State fund atangin kan han ti ve fat fat a, hei hi kan harsatna lai tak ani.

Tunah hian Aizawl khawpui ah te, kan tum leh chu Urban Development atangin strengthening of Urban Roads ah hian cent per cent Grant in. Mahse, N.B.C. hi an thawhtir deuh zel mai a. State-a kanzuk lak dawn chuan khang a C.P.S.U.-a kha an hmang anih chuan cent per cent- in State- a an pek dawn chuan 25% emaw kha State- in a tum angai a. Chutiang anih chuan thawhtir mai rawh u, tih mai loh theih ani lova. Chuvangin, N.B.C.C.-in an thawhfo na chhan pawh hi ani a. An nin an thawh khan kan thawhve ngai miah lovin an thawk mai a. Mahse keimahni State-in kan thawk ang e kan tih chuan a vaibelchhe tel hi kan thawh ve a ngai si a. Chuvangin thawk mai rawh u, keini chuan assets a lawm kan duh kan ti a. Tichuan, kan thawh tir thin a. Chu chu Central- in min thawhtir dan ani. An thu ani ve tlat mai si a. Chuvangin Aizawl khawpui ah pawh strengthening of Urban Town, Urban Capital atan scheme kan siam mek a, vaibelchhe tel kuminah hian nawrchhuah ham ham kan tum a, khatiang anih chuan Aizawl khawpui tana road strengthening a kan tihchhuah theih chuan kan pawisa reserve ang kan plan fund a kan tih kha a hman pawh kan hmang tam thei deuh ang a. Chu chu koi surut-a kan kawng hi han tihthat hram hram kan tum a ni.

Tin, Pu Lalhmingthanga kan MLA zahawm takina a han sawi Lunglei lam tepawh kha nikumah nuai 5 vel khan kan han ti a, mahse 700 metres vel chu kan siam hman a, ruahte kha a lo tam ta bawka, kan pawisa harsat nen kuminah hian 18 lakhs chu kan dah a, chhonzawm zel kan tum e, tih kha kan sawitel leh duh a.

Tin, World Bank saw, Asian Development Bank te hi kan duh a, kan avail lo thei lova, hetah hi chuan Central-in 90% hi min rulh sak a, 10% hi state-in kan tum a, hmanah kha chuan 25% te an ti a. Tikhan a rate hi an tidanglama kan nawr kan nawr a, kan tidanglam ve thin a, hemiah hian a buaithlak ber chu World Bank hian tihdan an nei a, tuna an tender pawh an ti lian lutuk a, national tender pawh a ni lova, international tender-in an bei si a, anmahni consultant World Bank in an tih tuna Malaysia-a mite khan an rawn monitor-a, an rawn bei a ni si a, PWD pheih chuan kan co-ordinate a, an sum leh paia kha, khamia kan kal khan an contract pek an lian lutuk a kan hriat danin infrastructure tam lutuk nen rawn inphurhluh a ngai a, an hmalaka kha hetah hian kan absorbed zo meuh lo a ni. Hemi tlangram ang kawngchhe lutuk mai a khawl tam lutuk nena rawn move tur khan an zo lo ti ila, an zo tho va; harsatna an nei ta a. Chuvangin, an hna a chak thei lova pawh kan ti a, phelte deuh ula chu tun aiin kan chak ang kan ti a.

Hei kan hria a, tuna World Bank ina kawng a lakah pawh kha harsatna kha kan nei a, a buaithlak kan ti khawp mai. World Bank nen pawh Mizoram sawrkar hian ahriatpui khawp mai a, amaherawh chu, black list- a tih turin I cut sak ang, han ti dawn ila, a bul atanga tan leh dawnin, kum engzat hnuah nge ni ang, a suak pak kan hlau si a, nasa takin Bagiratha-a contractor hi an headquarter South India atanga ko chhoin World Bank a an consultant te nen nasa tak a an tanna tur in in pawisa hmuh leh in hna thawh a inmih tawh rih lo ani a, kan ti a. Tichuan hei kan nawra, anni pawhin hei theihtawpin tan kan han tum ange, a tira kan ti chho hi chu kan muanga, a tawp lama infrastructure kan han in dinfel chinah hi chuan chak pawh kan chak ve a nia, an ti a. Tichuan, kan theihtawp chuan nawr chak kan han tum ani a. Hemi karah hian lehlamah chuan B.R.T.F. te pawh an tha viau thin a. Tunah hi chuan kan tawng an huat thu suhah N.E.C. hmuh danah phei chuan B.R.T.F. te hi chhawr tlakah hian an ngai lo emaw tih tur khawpin N.E.C Meeting ah pawh hian an inbei nasa a, BRTF hi in laktlak tawh lo, State PWD in phalo tiin nasa takin a nawr pawh an nawr a, anni pawh a tan pawh an tang tha leh a, chuvangin helaiah pawh hian BRTF ai hian kan PWD te hna kan pek hian state tam tak te kan chak zawk ni a kan hriat avangin duh pawh kan duh zawk nghe nghe a ni.

Tin, PMGSY kan hotuten in han sawi laite pawh kha thianghlim tak leh tha taka tih kan duh a, PMGSY tender dan hi anni pawh a tirah chuan a vawikhatna anih avangin an bangbo em em mai a tih that an duh si a, kan Engineer kalte kha nangnin in scheme rawn siam hi in master plan pawh a rawn siam hmasa ber in ni a, min pui teh u an ti a, rei deuh kan Engineer te min kawl sak a, Mizoramin kan tihna model ang deuh khan an kal a, an dapchawp ve si a. Tichuan, a vawikhatna phei kha chu a buai deuh nuai a ni.

A vawihnihna kha chu a fel deuh a, tuna lokal leh hi chu a rei tulh tulh a, an khirh tulh tulh mai a, tender an duh dan kha an duh khirh sawt khawp mai a. Kan thenawm state tam takah chuan anmahni ram mite Contractor hmang hlei thei lovin an awm a, Tripura ah pawh khuan tam tak chu pawnlammi in an thawk ringawt mai a ni. An mitten thawh chu an thawk a; mahse, an thawk tam tawklo khawp mai. Keini chu keimahni thawh vek hram hram kan tum a, PMGSY siamtuten tender dan tur condition an rawn siam dan chhungah si khan an dan bawhchhe lova Mizoten kan thawh theih hram dan kha theihtawpin hei hi inpawm thei lawm ni tiin a nawr pawh kan zu nawr a, vawiin ni thleng chuan hnamdang ni lovin Mizoten kan la

thawkin kan la in thawh tir thei hram hram a ni, anmahni guideline chhungah khan. Hei hi lawmawm pawh kan ti a, pawnlam mi hnuhlulh ngai lova kan la tithei hram hi lawmawm ka ti a. Amaherawhchu, kan hotute, kan member zahawm tak ten thil hriatchian loh deuh hlek in nei anih ka ring a, Party te chuan sumte chu kan dilve dawn che u a nia, party te chu thawh lawma nung kan ni a, kan tih khang 4% leh thildanga kha chu PMGSY hian kawngsiam ringawt an project a, a maintenance tur an telh lova, kan han lai ringawt a, kum khat a ni a, pavement kan la ti si lova, a min ta a, tam deuh a min a, a then a bal a, a then chu culvert rem hma in furah zau em em in a lo chhia a, maintain zuina tur kha sanction a awm lo a ni. 4% tal a kha reservation kan dah anih loh chuan a tih theih loh reng reng kan ti a, hriih pawh kan hriih a ni 20% emaw 25% emaw kha a Contractor hnen atangin lak tur ani tih kha mi hnen atanga 20% emaw 25% lak hnuaiah khan tuman contract thawh chi a nilo reng reng.

A awmzia chu miin a contract hnuaiah khan khawl nei a inhlawhfa dawn a, Bulldozer emaw, JCB emaw in, a inang ta lova. A then chu a contract value kha nuai 10 lo ni sela an han en vang vang a, flat rate in 20% chuan ka thawk duh, 25% in ka duh, 30% in ka duh, a then chu 10% pawh a thawh tlak mang loh lunghlawmte kha a awm a.

PU SAIKAPTHIANGA : Zawhfiah lawk duh ka nei a. khami 4% a maintenance atana an cut a kha PMGY Guideline khan a phal em? Tin, an cut kha leimin hma kha an lo dahtha vang vang mai niawm a ni a, khawiah nge an dah that?

PU LALDUHOMA : Pu Speaker, hriatthiam dan hi kan nei ve mai a, rindan pawh kan nei a. House a ni a, thudik sawi a that ka ring a. Anih leh tuna hna tender mek, hmani Zero Hour-a ka sawi kha dan dik taka select anih leh nih loh chungchang kan inhnial a tawp theih nan document kha min pe thei ang em?

PU LALRINLIANA SAILO:

Pu Speaker, Khawzawl - E.Lungdar road ah hian 20% an deduct tawp mai a ni. Khilai a mi leh Aizawl a mite pawh in an thawk zo a, 20% kha Chakma Company hian an nei ringawt mai a ni. Chuvangin, kan House Leader-in a sawi kha diklo deuh in ka hria.

**PU ZORAMTHANGA
CHIEF MINISTER**

Pu Speaker, 4% chauh kha a ni lova, entirnan - formation cutting-ah kha chuanin a tam lo zawk mah mah kha pawisa a lo kal a ni. Entirnan - hemi line hi nuai za man ni ta sela formation cutting ah chuan nuai zawmli vel a lokal ta a ni. Khami chhungah pawh khan pavement ah khan a thenah chuan formation cutting ah pawh detail estimate a zirin a tamin a tlem a ni. Pawisa tam tak a chanve zet a kha la hman loh a awm hrim hrim a ni. A chhan chu pavement ah leh thildang ah khan a dawt a tihngal tur ala awm hrim hrim a, khatah khan a tel a ni. Chuvangin, khatah khan alo la kal teuh dawn a. Tin, Pu Duha zawhna kha chu tender document a hi dan in a phal ang chi chu en theih vek a ni. Amaherawhchu, dan in a phal loh hi a theih loh mai a ni.

Tin, Pu Speaker a theih hram chuan kan Mizo contractor te chhawr len chhoh ve a, hnam dang la lut lova Mizorama thawhtir theih hram hram dan hi dan in a phal chin ah chuan ngaihna thiam pawh hi a duh pawh an duh ani. Kan buat saih nasa khawp mai ani. N.B.C.C. hnuaiyah pawh in register rawh u kan ti a an in register nual tawh ani. Chu mi hnuah an thawk tho ani. Kha kha theihtawpa tih chhoh pawh kan tum ani. Chu chu P.W.D. ah khan kan sawi belh leh duh a. Tin, chu lo ah chuan P.W.D code leh manual pawh kha a neih pawh kan duh viau a, amaherawh chu kan hna lian neih hi central P.W.D. code leh manual in a te hkhawng atanga an rawn tih kan hna lian a hi a ni leh deuh vek mai thin ani. Hemi P.M G.S.Y. pawh central P.W.D. code leh khami ang khan kal pui ani. Hemi pawh tih tur ani tih te a rawn kal thin avang hian a buai thlak kan ti a. Amaherawh chu Jeep Road hovin hemi thilah chuan proposal te min pe a, chumi ang chuan C.P.W.D. manual leh an code te nena inmila mahni a neih ve theih dan kha chu zawng ila atha mange kan tia a en erawh chu kan en a, chu chu kan sawi leh duh ani.

Tin, chu lo leh ah chuan a nepnawi deuh Legislator's Home a far leh rawnghnawih tur kha kuminah siam that kan tum e. Kha kha kan ti dawn e tih kha kan Member zahawm tak te sawi kha ka chhinchiah zingah kan sawi leh bawk a.

Tin, infrastructure development G.A.D. nen in connect-a kan S.A.D. te Office leh quarter te ho hi ava chhe ve tih ava tha ve tih kha adik khawp a kan infrastructure neih loh zia chu kan hria a. Kan Governor in te, kan Chief Minister Bungalow tepawh District Council hunlai atanga kan chhawm khata tanga lokal vek kha a ni a, khata tanga infrastructure han din tur hian din tur hi kan ngah khawp a. Kan Secretariat ber pawh kan hriat angin chhe tak atangin ti hian zawi zawiin kan thang chho a, tunah erawh chuan hei lawmawm takin Khatla Assam Rifle in remchangah an lo siam theihna tura kan ngaih Raj Bhavan te nen. Tin, quarter unit 10 tel nen kan dinchho thei ta mup mup mai a, a lawmawm kan ti a, malsawmna pawh kan dawng khawpin kan hria. Chubakah D.C Complex pakhat han din chhuah chhoh pawh hi a hrasa, tunah hian D.C Complex tam tawk tak a thar a mi kan han din chhuak chho thei hi a lawmawm kan ti a, a dawtah kan member zahawm tak te sawi ang khan heta kan la din loh te leh SDO hmun te khang pawh kha Office dang nen rawn tih chhoh zel kan tum a, kha kha theihtawpin tan kan la e, tih kha kan sawi leh duh bawk a ni.

Tin, Power & Electricity ah hian han lut leh ila. A hmasaberin kan Tuirial thil kha han lut ila, kan hotuten kan sawi kha a dik khawp a. Compensation lak te hi kan la tam lutuk thin a, a thalo a ni, an ti a. Ram hi a changkan a, development a kalchak chuan khawiah pawh development project anih dawn chuan a problem lian ber pakhat chu compensation hi a nilo thei lova, ram kan la changkan lohva, ramruak engemaw mai mai a la tam hian chuan a ziaawm chauh a ni. State dangah pawh en ila, Assam a ni emaw, West Bengal a ni emaw, keini ani emaw miin project a rawn tih dawnin availability of land ram a nei thei em ? state-in in tum theih chuan infrastructure kan rawn din dawn a nia, tih hi a hmasabera, ram ruak hi a neih tak tak theih loh a ni. Ram a developed tawh chinah chuan compensation kha a tam lo thei lo, hei hi chu a ni zel dawn a ni. Keiniah chuan fello la awm a chu, kan land tennure system hi a ni.

Tin, hei kan LSC inpek dante, kan pass inpek dan te hi a la fel tawk loh avangin thil fello tam tak lo belh leh ta mai te, awm a ngaih hmu leh ta lo te a tam em em a. Chuvangin, hmanhmawh takin tuntumah pawh kan Revenue Deptt. in hmanni lawka kan land law kan pass ve kan assessment pass kha kan hmanhmawh nachhan a ni a, khata tang khan ram kan assess dan, evaluation chuta tanga compensation dik tak kan lakna tur laia kha Aizawl khawpui chhungah pawh, a pawn anih pawhin, ram anih pawhin, khami kha kan hmanhmawhna chhan a ni a. Chuvangin, helaiyah pawh hian Aizawl chhehvel ramte chu mi ram, a tha laia te hi chu a ni thawkhat a, khatah khan tihluhnain tui va khuah emaw, infrastructure emaw va din ringawt theih a ni lova, mi court-ah an kal a, kan thiamlo tlat. Compensate loh theih loh a ni. Land Acquisition Rate kan neih fumfe loh avang erawh chuan a thlawna kan pek kha cheng nuai tam takin kan lei leh si a, keini te chuan hei Delhi ah pawh kan hria a, Mizoram House tur kan la dawn a, State Sorkar hnenah Delhi Sorkar-in a peka min pek anga an ngaihah premium ringawt pawh nuai za tel chuang inhmun-ah kan pe a, keini chu khatiang anih looh avang khan non-evaluation ah khan kan buai khawp, Taxation kan buaina thin hi a ni. Chuvangin, hei hi hmanna kan law passed atang khan heng zawng zawng hi awlsam taka chinfel theihna dan tur evaluation rate leh thildang rawn tih kan tum a, chuta tang chuan compensation hi a lo kal lehizel anih pawhin a negotiate a awm ang a, tahchuan acquisition rate mumal tak nen pawh kan lo kal thei ang tih pawh kha kan ring bawk a.

Tuirial chungchang thua pawh ram aquire tur ani tih hria khan an rawn zuar ve chur chur a, a lei pawh an rawn lei ve reng a ni. Kha kha hlawk pawh an tum ve a, tin, kan chhungte pawhin an lo lei ve, anni pawhin an duh ve tho. Chu chu acquisition a lo kal takah chuan keipawhin tha lo ka lo ti em em a, engahngemaw in lei ve kher kher le ka ti a, a mualpho thlak a lawm le ka ti a. Masela, chhungkaw tam takin an neihna karah kha chuan an lo nei ve a, hmu zingah tepawh an lo tel ve a, khatiang khan kan member zahawm tak ten chhungkaw riat lai Chief Minister chhungkua anni tihte pawh kha, kha aipawhin an la tam maithei, a chhan chu a hminga hotu han nih chuan kan chhungte nih an lo chak a, kan fiamthu ni lovin, hmannah pawh duty pakhatin a rawn sutlang a, an chhung hnaivai an thisen zawmpui ka ni, ka hmu ngei ngei tur a ni a ti a, an rawn tlang tir a, kan han zawhchian chuan 'a tupa inneih niah khuangpui pu ka nih kha' a ti a. Khatiang kha a ni a, nangni pawh ni ula in ni vekin ka ring.

Mizo chu chuti vek chu kan ni, ka zuk sawiduh chu kan chung tepawh an awm em em ang. Tin, hnai deuhthe pawh an awm ang a, hla deuhthe pawh an awm ang. Amaherawhchu, hemi compensation a hi chu nakinah pawh a lo kal zel ang a, kan rin tur laia erawhchu NEEPCO hnathawh a tibuai emaw khalai kan development tibuai laia chiah kha keini pawhin tha kan tih loh lai a chu a ni a. NEEPCO ina an hna kan inmil lohna lai tak mai a hi an ni pawhin an rawn tih a chu engahnge a tirah river-line forest a ni a, chuvangin private ram a awmlo in ti si a, chumiah chuan vaibelchhe sawmhnih leh pali compensatory-ah afforestation ah pek turin Forest Deptt. in min ti a, chumi hnuah survey han neih a, investigate tak takin mimal ram 1000 hectare chuang a lo awm si a, riverine forest reserve ni hauh lo, chumi chu an han en a, heta D.C hova Revenue Deptt. te leh NEEPCO hote nen ngei an han en khan a lo awm teuh mai a ni, dik si khan. Chumi tak a chu an han chhut khan vaibelchhe 23 a tlingchho ta tlat mai, anmahni pawh khan acceptance NEEPCO khan an mite khan an singn ve tho a ni. Chulaiah chuan engahnge river-rhine rorest a tirah a ni vek e, in tih kha double payment kan pe theilo an tih kha kan buaina lai tak chu a ni.

PU LALRINLIANA SAILO :

Pu Speaker, khalai tak kha a pawimawh lai tak a ni. NEEPCO-ina a hmuna an kal hian anni chu mikhual an ni a, helaia kan Chief

Minister zahawm tak naute hovin-a ka ram a ni an lo tih avang khan an sign lo thei lo a ni. An pawmlo thei lo a ni. Hetianga sawimam mai mai hi chu a pawi khawp mai, a thalo khawp a ni. Nichina a sawichiah pawh kha za a sawmhnih miin an ei tawh chuan hna a thawh theih loh a tihlai tak kha hna reng rengah kha chuan ngawi rawh khalai kha chu a diklo hrim hrim, kan zuk kal a ni. Keini chuan 47 chiah khatihlai kha Pu Speaker, kan hunlai khan 47 chiah compensation diltu anni. Chuvangin, hetiang sawimam mai hi chu a diklo nasa a ni.

**PU ZORAMTHANGA
CHIEF MINISTER**

: Pu Speaker, mahni pek tur ti rawh in ti alawm tih a sign zel a kha chu an lak tlak loh ve bawk anih chu a. Chutiang chuan, an thihna

dead warrant pawh an sign anga sin mawle. Chuvangin, kha kha an pawm loh chuan an object ve tur ani a, an pek tura chu tih ho avanga an aw zel dawn a an pek zel dawn s kna chuan kha kha chu athu a puitling lo em

mai, Pu Speaker hetah hian a bul intanna chu Pu Speaker a tira Detail project report alo kal hian agreement sign ah, No. of Villages a tih chhiat turah hian NIL. No.of Families- Nil, House- Nil, Agriculture Land- Nil, School Building - Nil, Community Hall- Nil House - Nil, Ponds - Nil, No of fruits bearing and other trees - Nil, kha kha atira detail project report, a dang zawng zawng chu riverine forest reserved vek ani e, tia mimal te hnena compensation pe tawh lo tura inngai ate kha NEEPCO te kha agreement sign pui kan lo ni a, 1996-ah . Amaherawh chuataka han en khan mimal ram alo tam si a, Nil reng reng kha alo tam si a. Chutih lain central sawrkar atanga Forest Department- in an han chhuta an mamawh NEEPCO- in ahmuna an han tih tak tak kha chuan 5830 hectares an ti ta a. Chumi mana achu an rate han chhut khan 24 crores an ti ta a. Chu chu Forest Department NEEPCO- in an pek tur ani ta a. Tah chuan 8- tling lo deuh hlek, 7 leh tih vel kha an ti a, abanga kha an pek leh dawnin mipui hnena pek tur tam ta bawk si nen khan chu chu an hrehna chu ani ta ani. Chuvangin he laiah hi chuan anni pawhin an tih chu engah nge anni pawhin atirah detail project report based a agreement kan sign ah riverine Forest Reserved vek ani a. Mimal ram, Agriculture land etc.- Nil vek ani in ti a, chumi base chuan crore 24 Forests Deptt. hnena pek rem kan lo ti a. Chumi hnuah a taka kan han en in mimal ram pass dik neite adang tam tak lo awm si te, double payment hi kan pe thei lo a ni an tihna bul intanna chiah chu chu chu a ni. Chu chu anih avangin, chumi settle tur chuan engtinge kan tih ang kan ti ta a.

PU H. LIANSILOVA

: Pu Speaker, 1990 ah khan khulai ram khu freezed vek a ni a, vawiin ah kan ngaihthlak tawh ang khan. Chumi sorkar thu kalha Land Settlement lo siam land holding lo siam tir tute pawh sorkarin officer han suspend tepawh a nei a, kha sorkar standing order kha a la dingchho ta zel a, tichuan khami an sign lai kha chuan Revenue atangin Land Holding siam kha a awmlo ni tur a ni a. Chutiang chuan an sign ta a, 1997 ah Land Acquisition Notification a kha chhuah a ni a, chuvangin land holding thar siam zui a awm lova, chu chu a dinhmun dik tak chu niawm tak a ni a. Mahse, kum 2001-ah Land Acquisition Notification kha chhuah thar leh a ni ta a, hemi hnu 2001 atang khan land holding kha alo awm ta chiam mai niin a lang a. Chutah chuan kan hotute han sawiah khan an buaina ta a chu V/C hian land holding an siam thei si lova, L.A.D. Minister ngei pawh khan House-ah pawh min lo hrilh tawh a, khatihlaia V/C pass hmang a land holding alo awm ta chiam a kha ngaih a tha ta lova, chu chu an buaina ber niin ka hria a.

.....893/-

Tin, Compensation tam bera pawh kha a hnawksak bera leh t una kan buaina a pawh khang Forest Reserve chhungah land holding siam theih anih loh chu a chiang sa si a khatiang chung a V/C pass lo awm ta teuh a, khamiten a land holding an lo neih a, compensation an pek zui tak a kha a diklo niin ka hria a. Chulai takah chuan engatinge V/C pass kha collectors te pawhin land holding status pawh a genuinness te verify lohva khatia compensation kha assessment an lo siam tak mai? Tin, land holding an neih lohna-ah khan teak leh thei puitling te kha neih awm loh tak si tuna kan hotute han sawichhuahna-ah khan an ngaihthat lohna kan buaina taka chu niin ka hria a. Chu chu han hrilhiah/sawichian theih dan a awm em?

PU ZORAMTHANGA
CHIEF MINISTER

: Pu Speaker, engpawhnise khami order kha kum 2 hnuah a thih avangin tih nawn leh chu a ngai hrim hrim a, a thih avangin kha kha chu a nawn lehna anih avangin a dik a. Chu chu anni pawhin an tanna ber a chu an hen en a, a tir leh a reality kar a hla ta lutuk a tin a ni, detail project report agreement sign puina-ah hian engkim mai kha NIL vek a ni a, thildang awmlo a ni a. Mahse, a taka zuk en khan an awmchiang ropui ta mai si a, pal phulh mai chi a lo ni si lova, riverine forest reserve ni miahlo, hemi an submerging area a an ngaih a pawh kha hectare sangkhat leh tih a lo awm bawk si a. Chung zawng zawng chu pal ringawt ila, court ah kal sela, rei a kal lo reng reng ang, a tih theih loh reng reng a ni. Chuvangin, miin glosed tepawh an lo nei a, khami assessment a kha lak a ngai ta a, chu tak chu anni pawhin a tira engmah ngai lo kha Forest Deptt. hnena crore 24 pek chin chiah, tawk tura agreement min sign pui kha a takah reality kan en a, a lo ni miah si lo an ti a. Chu chu tuna an tanna hi a ni ta a ni, chu chu kan buaina chu a ni ta a. Chuvangin, keini pheic huan kan tih a chu a ngawi rawh u Forest Deptt. te hian engemaw ti a in hriatthiam theih dan a awm lawm ni? ram kan pek a hi compensatory a forest a hrana thingphun ngei miah lo, ngaw awmsa, thing awmsa vek a ni a. Chuvangin, 24 crores em em a ngai em ni? Heng hi mipuite hnenah hian pek zawk tur a ni lawm ni tiin keimahni pawhin kan nawr a. Power Deptt. pheic huan dik an ti a, chu chu Forest Deptt. ho nen kan sawiho leh dawn nia an tih a ni nghe nghe a ni. Chuvangin, hei hi chu keini pawhin kan han en tur chu a tira agreement sign na leh a reality kar hla lutuk a hi in puh dawn

chuan ni e, politician te chuan kan zuk hriatpui vek kher lovin a khatilai kha chu a Deptt. worker tepawh kan puh thei a. Mahse, khatianga a kaikuang in zawng zawnga kan kal dawn chuan a tira agreement sign puina leh a reality in hla lutuk a hi tuna kan buaina chu a ni ta a ni. Fel hek lo, heta NIL vek kha 150 hectare chauh riverine forest a kha a ni si lova, chu chu tuna kan buaina hi a ni ta a ni.

PU LIANSUAMA

Pu Speaker, kum 1990 land holding freeze tuna compensation tam ber kha crop vang a ni a. Tin, commercial plantation tepawh a ni ang a. Heta sawi sawilo hian a hmunah hian chung Serthlum a ni emaw, Hatkora a ni emaw, Teak a ni emaw chu zuk endik leh ta lawk mai se, tiang chuan chianguang deuh hlek in a hmu tur ngei chuan hmuh mai kha re-check theih mai lawm ni ?

**PU ZORAMTHANGA
CHIEF MINISTER**

Pu Speaker, DC ho nen, NEEPCO ho nen khan an zuk en vek a, stage chi hrang hrang an ti a, a tak tak pawh a awm a ni. A then chu, hei chu in uar deuh a ni, a crop a damage hi chu chuti chu a ni dawn em ni tih tur chi chu a awm ang. Amaherawhchu, a tharin i ti tha leh ang tih chu, nia kha kha chu Power leh Forest Deptt. te nena hei chu khulam thu tur a nia, khalam kha chu kan hre theilo a, compensation pek tura nangni NEEPCO pawhin accept hi chu pe ula chuan a ziaawm mai tur, Forest erawh chu in pek tur double chu hei chu inngaihnathiam theih deuh dan zawng ila a va tha em kan ti a, nawr pawh kan nawr a ni.

Engpawhnise, hei hi chu NEEPCO hi ka tawng an huatthu suhah Mizoramah hian an che thalo em em a, hetah Tuivai-ah pawh an thawkte hlawh pe thei lovin an tawp ringawt mai a, kha kha kan member zahawm tak ten an rawn sawi zingah pawh khan kan vau a ni. Hetianga in tawp ringawt dawn anih chuan khati ringawt kan duh lo, midang hnena pek emaw, chi dang emaw a Tuivai hi a tawp ringawt kan duh lo, chhunzawm kan duh tunah chhunzawm dawnin Central Sector ah pawh pe dawn ila State Sector ah pawh la dawn ila in la hawlh dur dur si a, in kalsan law law si loh chuan a tih theih loh. Chuvangin, inthawk thei anih chuan thawk ula, in kalsan dawn anih leh kalsan law law ula. State in hmalakdan kan rawn zawng ang e, tiin leh kha pawh kan pe a, kan vau a ni reng a.

Tin, an tih theih si loh chuan a ninawm lutuk a, khu khu laksak pawh ka duh a ni. Chuti chuan Central Sector a ni emaw, State Sector a ni emaw, a tul anga hmalak anih theihna kha kha NEEPCO hi hetah hian an che thalo viau a ni. Mizoramah an Projector puiah chuan.....

PU LALDUHOMA

: Pu Speaker, a rawn kalpel mai dawnin ka hria a, a controversial issue ah kha chuan chen ka chak tawh lova, handing over of land kha, chumi pah chuan tuna kan Chief Minister zahawm takin a zawi zawk, local arrangement kha 24 crores Forest Deptt. an lo pek tawh hmang khan he project flop lo tura chhanchhuah theih a la ni a. Khalai kha active deuh hleka a thu tawpah chuan kan tih tur anih mai hmel a, khalai kha tih puitlin an tum tak tak eng em ?

**PU ZORAMTHANGA
CHIEF MINISTER**

: Pu Speaker, 24 crores a ngai reng lo, Re. 1/- pawh thingphun a ngai lo kan hre vek. Amaherawhchu, Central-in an hisap a, hectare 5830 anih chuan 24 crores an ti mai a ni a, chu chu a kaldan a ni. Chuvangin, kan member zahawm tak Pu Duha'n a sawi kha kan nawr lai a ni a, Power Deptt. chu kan hmin khawp mai a, Forest Deptt. nen kan sawiho leh ang an ti a ni. Tin, hand-over tih kha hei hi Mizoram hian ramdanga hand-over tur ram hand-over tih term hmanga project kan neih hmasak ber a niawm e. Chu chu ram kha 1996 a agreement lo sign ah khan state in heng hi a acquired ang a, chumi zawh chuan NEEPCO hnenah a hand-over tih kha agreement 1996 a signed kha a ni a. Tin, a dik bawk a, an tih tura, an thawh theihna tura ram a kha an hand-over loh chuan hna an thawh theih dawn loh avang a ni. Amaherawhchu, khami tur khan NEEPCO te Vai leh hnamdang chuan permanent non-holding system right an neih loh avangin an ti thei lova, hemi hi anih hnuah chuan land list a kalpui tur a ni. Land list erawhchu kan sign vawikhatna tur anih avangin hei hi sign thei a hna an thawk a, kan ti thei anih chuan fimkhur takin land list terms and conditions chu a vawikhatna tur anih avangin kan siam erawhchu a ngai a, chu chu hand-over term chu a ni.

Tin, Power chungchangah chuan engemaw information a kan tih duh mai mai chu Mini Hydel Project hi 13 lai kan nei tawh a, chung zingah chuan 7 a la function thei a, a dang 6 erawh chu a chhe vek tawh a, tunah hian Champhai, Tuipui leh Serlui'A' kha a repair a hman leh mai theih a niawm mang e aw kan ti a, kan bei mek a. Champhai, Tuipui phei khi chu commission atanga thla khat a kal meuh lo, a chhe nghal ringawt a, kha kha kan umzui a, tih theih hram tumin tunah hian kan bei chho mek a ni.

Tin, Tuipang leh Kau-Tlabung hi kan hotute sawi ang deuh kha a ni a, a enkawl pawh a hrehawm khawp mai a. Amaherawhchu, tunah chuan a tak tak dawn pawh a ang ta a, a khawl phei chu kan tinung a, mahse, heng part te hi foreign atanga lak ngai tlem a awm a, Mumbai a lo thleng vek tawh a, anmahni pawh vawithum/vawili an lo kal a, kan test vek tawh a. Mahse, tlem pathum/pali vel nen a tih ngai kha a awm a. Khami tello pawh khan kan run chhin tawh a; mahse, operate tir tak tak tur chuan kha kha a ngai a. Chu chu an rawn kal chhohpui dawn a, vawiin lamah te chuan Mumbai lam atang chuan an lo thawk chho tawh mai awm mang e aw kan ti a. An lo thlenah chuan kha kha operate theih tur a ni a, chu chu anmahni min hrilh dan a ni a. Tunu kut ringhlel emlaw hi kan ang a, a lo thlen a kan tih chiah loh hi chuan keipawh hi rin ngam hi har ka ti ve tawh khawp a. Chuvangin, November zawng tihna hman a awm tawh lova, December thla chhungah chuan kan ti thei ngei turah chuan kan ingai a, hmanah khan Hindu leh Mosolman kut vel avang hian kan lo thawk chho thei lova, a part pawh a lo thleng diam a, kan rawn la chho dawn e, an ti a. Anmahni pawh vawithum/vawili lokalin a pahnih hian kan run tawh chu a ni a, kha kha operation a chhunzawm tak tak theih tur chuan kumin Calendar Year chuan ti thei turah chuan kan ingai phawt chu a ni a. Chu chu kan han thlir mek a ni e.

Tin, Pu Speaker, a rei lutuk dawn a, helaia pakhat Industry kha kan ti leh zawk ang a. Aw, Teirei kha kan sorkar hlim khan kan hawng a, mahse a Deptt. te huatthu ni suh sela Deptt. ten an han run khan kumthum, kumli anih khan khawl pathumah khan khawl pahnih kha a run tha hlei thei ta lova, i privatise mai teh ang kan ti a, kan privatise ta a, tunah chuan khawl pathumin a run leh hlak hlak tawh e.

PU LIANSUAMA : Pu Speaker, private hnena hlan a ngaih !!!!! Deptt. khan a enkawl zo lovin sorkar khan a hria em ni ? An zawh sa vek tawh si, private-ina an run thei zawk tlat mai kha tutenge private a run-tu kha ?

PU ZORAMTHANGA CHIEF MINISTER : Pu Speaker, private hi hei kan hre theuh a, Deptt. pakhat kan demna ni lovin kan tumdan chuan Water Pumping System tepawh hi privatise vek ila, tuna kan Hydel Project local pawh hi a maintenance chu privatize ila a tlo ber a. Deptt. chu vawiiinah Officer pakhat a awm a, a tukah a kal leh mai a, a dawtin a rawn ti leh a, khatia vantlang a hman apiangin tih kha a nilo thei lova. Khatiang kha chu khawlah chuan a tlo tak tak thei lova, mi ramah pawh privatize kha a tlo avangin agreement kan sign mai a, in ti ang a, a rate chuti zatin kan lei ang a, chu chu ni rawh se, kan ti mai a, adang pawh hi kan privatize zel ang, chu chu kan policy a ni, chuti lo chu a tlo thei lo. Hei, en ila, adang corporation ah pawh kan hmu vek a, mitin in a kan tawh luai luai karah chuanin pawisa kha a liam duak duak a, State Transport Corporation a ni emaw, thildang emaw, KVI a ni emaw, ZIDCO a ni emaw, MAMCO a ni emaw, MIFCO a ni emaw Sorkar chuan business a run tak tak thei lo tih kan hre vek a. Chuvangin, India Sorkar pawn privatization a policy ang khan maintenance hi chu, maintenance chang a nilo, hetah a Power Deptt. pumpuun India ramina corporate body a siam tum hial zawk a ni nghe nghe a, chutilo chu business ang khan a run theih loh. Chuvangin, hei hi privatize a kan run chinah chuan a tlan hlak hlak mai a ni. Chu chu Deptt. thiamloh pawh a ni lo, adang pawh a ni tho tho, a chhan chu mitin ina khawih nuaih nuaih mai kha a ni thei lova, chuvangin khawl a rei thei lo, motor pawh inkhalh chhawk luai luai chu anih tho hi. Chuvangin, kha kha private ina neih leh Sorkar ina neih chu a kar a hla em hetiang chiah hi Deptt. dangah pawh anih tho hi. Kha kha adang pawh tihzel kan duh a ni. Tichuan, helaia Sub-Division rual a enkawltu a te kha hmundangah an vaiin kan chhawr thei ta a, a hlawk em em a ni.

Serlui 'B' compensation pawh kha pek kan tum a kan bei chhova. Tin, a pahnihna kha, pahnih in sawi vangin compensation a kha kan sawi hmasa a nia, kha pawh kha pek kan tum a, mahse tlemin enfiah duhlai deuh hlek kha kan neih avangin kha kha an muang deuh hlek a, jungle clearance a kha....

PULLIANSUAMA : Pu Speaker, min hmin chiah lo deuh a. Tichuan Teirei Hydel Project Private ina an run tak tak hnuah khan Mizoram Sorkarin khati lai atanga power a rawn generate a kha kan lei ta em ni? Tichuan keimahni siamchhuahsa-ah chuan anni ho khanin a thau chu an sawk ta miah miah mai tihna a ni maw, kan lei tak si chuan? A free a Department, in a tih lai kha chuan Sorkarin chawi tur a nei miah lova, pawisa sen belh tur, staff te hlawh tih mai loh chu. Chuvang chuan tuna private in a kan siam hmin sa diam an khawih takah chuan kan han lei tak si chuan chutiangu chu a van atthlak awm ve Sorkar tan chuan.

**PU ZORAMTHANGA
CHIEF MINISTER**

Pu Speaker, a rate sang khan hmundanga an hralhna ang chuan la dawn ila an sumdawn nan khawl kan siamsak tihna a ni a. mahse keimahnin a rate kan bituk khan kan laksak tihna a ni. Chu chu a unit cost a kha chuti mai chuan a technical ka hrechiang ta lova, nakinah a detail ka rawn pe thei ang che u. Kha kha chu kan rawn pe thei ang che u. Ram changkangah chuan Private a maintain hi chu Privatize a ni a. Tin, heta Serlui 'B' Jungle Clearance a kha kei pawh BHEL hovina an rawn tih hi tam kan ti a. Amaherawhchu anni chuan khatia nangni ti a thing kih phawk phawk a tih mai a ni lo. Chuvangin, a bul nena kara uluk taka tih vek kan tum avangin hei hi chu nangni in a kih fai a hetia in clear ang ringawt hi a ni lova nia an ti a. Mahse keini pawhin tan kan ti deuh a ni, Department in a taka an rawn thawh hunah khami kha chu an thawh ang mil a la chhut turah kan dah a ni. Tin, connection a ka sawi tel leh duh chu Central Sorkar huatthu ni suh sela, kan ngamlo em mai a, a Company hming a te chu sawi ta chiah lo ila. Khuta kan Thermal Plant, Bairabi ami pawh kan run char char a, tunah hian clearance pawh kan nei tawh a. Tun Christmas bawrah hian khulam Power Supply a tlem chuan kan run chho zel dawn a ni tih kha ka sawi tel duh a.

Khutianguh pawh khuan min rawn petu tur a te kha Planning Commission lam atangin pawisa min rawn tum vek a, an conditionah chuan hei hi min pe tur a ni an rawn ti tlat a. Tender ang a midang tih kan tum khan kan hmulo tawp mai a

PU SAIKAPTHIANGA : Pu Speaker, kha tak kha kan House hian enfiah a ngai a, kha-tianga Central-in pawisa min pek hemi te hi thawh tir rawh u tih zel a hi ka hriatsual loh chuan Congress sorkarah khan a awm miah lo ani. Chuvangin khatianga rawn tih tanna kha B.J.P. central a a sorkar atang hian ani tan emni tih hi hriat angai ani.

A chhan chu Mizoram a kan hna apiang khulamin an hauh zel chuan kan hnam kal zel tur atan a pawl ngawt ang. Chuvangin tih tawp hi kan chief Ministerin a zo lo deuh anih pawhin Party hrang hrang a tanga kal khawm hian kan move angai ani.

Tun sorkar tharah engmah an la dawng lo reng reng. Kha kha thil pawimawh tak ani tlat ani.

SPEAKER : Kawrthah bialtu zahawm tak sawi kha hre chungin Chief Minister khan han chhonzawm zel se.

**PU ZORAMTHANGA
CHIEF MINISTER** : Pu Speaker, hmanni lawka lokal Minister pawh khan kan pek tur min tuk nghal thlap. Chuvangin, khalama kha chu House-ah sawi vak lo ila chuti lo chuan atih theihloh lai kha a awm tlat. Bairabi Thermal Plant pawh khu midang hnenah kan ti dawn a, a kal thei lo reng reng. Chuvangin anmahniin direct-in BHEL ah khan funding an pe mai a, a Pawisa pawh kan kutah alut lova, direct funding an bei mai ani. Tin, kan Member zahawm takin Teirei atanga kan lakna kha unit- khatah Re.1/- in kan lei a, mipui hnenah Rs 2.10, a dang anga kan hralh khan Re.1.10 kha sorkarin kan hlep ve theih ani a. Tin, khuta tanga kan leina hmundang a mite chu a to lutuk ania, he mite chu unit khat Re 1 in kan lei sak ta a, an hralhna pangngai aia tlawm daihin chu chu maintenance atana kan condition chu ani.

Awle, Pu Speaker, Industry kan ti leh lawk ang e. Industry-ah chuan Minor Mineral Concession Rules kha chukan member zahawm tak Pu Andrew Lalherliana 'n a sawi kha chu tlem a fello lai awm thei awm kha chu en that kan lo tum ang a, Cabinet lam te pawhin kan lo siam theih mai legislate ngai kher lo anih avangin, a fel chiah lo ani mai thei a, a fel lo lai chu in finchhuah zel ila a vawikhatna

ania siam that kan lo tum ang e. Tin, mau chung chang thu kan Member zahawm tak ten an sawi kha Zoram mau hi a tha tawk lawmni tih kha chu a tha tawk reng mai a, tuna kan mau pangngai pheh hi chu a tha ber pakhat ani a, a tuia mahse a te si a, a hlawk silova tih ang deuh ani a. Chuvangin, a mau hian tuna kan duh chu phulrua hi tunah hian a rah ta a, a rah hi a tam theih ang ber kui tiah chu chu kan duh a ni. Mau te chu harvest dawn ila theih tawpin tang mah ila 1/10 hi kan harvest dawn lo reng reng a 95% chu kan hman phak loh in a ral emaw a ni tho tho dawn a. Chuvangin, kha lam kha chu ven thawn angai hauh lo. Tuna kan tih hi chu khami kan lakna akha a duh apiangina an harvest tham chu kan mau pangngai chu 90% a la awm dawn ani. Amaherawh chu mimin hmun aneih a a phun duh tak tak chuan Mizoram mau tam tak pawh kha phun leh sela kan paw ti reng reng lo. Mahse, min an duh vak loving. Australia vawk lian kan duh vek tawh ani. A hlawk tlat ani. Rua alet eng emaw tia lian kha min phun an duh a chumi chu kan zuk zawn chu ani.

PU SAIKAPTHIANGA : Pu Speaker, mau a kha apumin an teh lova, a quintal in ania an lei. Chuvang chuan a pum lian tam vak lo quintal khat leh a te pum tam tak quintal khat kha a rih zawng kha a in ang tho ani. Chuvang chuan khatiang ringawt kha ani lo.

PU ZORAMTHANGA : Pu Speaker, a duh a piangin a phun theih, mahni duh duh a phun theih. A lian chi phun duh in a phun theih baw k ang a...

PU SAIKAPTHIANGA : Chulai tak a chu min privatize thei em ? Forest ho phalna lo in kan hralh thei em ? tih kha a pawimawh ta ani

PU ZORAMTHANGA : Privatise vek kan tum . Private ramah private forest an ti ang a, chutia tih vek chu kan tum ani.

PU LALRINLIANA SAILO:

Pu Speaker, ni 17 a rawn chhuak Starred Question No. 96-na Pu R. Khawpuithanga leh Pu Lalthleng-Liana te zawhna chhanna-ah chuan (a) Sairang Bamboo khawl hi a function tawh em ? tih a ni a. Chhannaah Commercial Production a la nilo in ti a, eng ber nge a thawh ang ti laiah hian. Commercial Production a neih hnuah chuan Mizoram Mau leh Rua atangin a hnuai mite hi siam tum a ni. Bamboo float boats designed float boats, bamboo panel boats tiang chuan a rawn ziak thla zel a, Mizoram Mau leh rua atangin a ti kher a ni.

Tin, Pu Speaker, pakhat leh khatih laia kan Minister zahawm tak Forest Deppt. changtu khan ni 3 December, 2001 a i sawi kha Mizoramin kan ngah em em Mau leh Rua te hi mumal taka kan enkawl chhoh chuan mipui hamthatna leh a bik takin thingtlang lam hmasawna leh chawikanna kawng a thil pawimawh ber zinga mi a ni tih a hriat thu a sawi tih hi Govt. Press Release in a chhuah a ni. Engatinge foreign Mau kan tih chipping a ni, chip a phelsep vek a ni, a quintal in a lian leh te in ko ri a tu lo.

S P E A K E R

A wind-up tu kha i pui lek lekin ka hria a, khalam kha chu ni ta lo sela. Amaherawhchu, kan member ten kan hriatchian duh tur a chu he House-ah hian term hmasa pawhin sawi tam tak a awm a, foreign Mau chuti/khati tih a ni a, foreign Mau ti a kan sawi mai thin a kha foreign Mau ni lovin Bangalore atangte a lak a ni a, India ram chhung State pawna lak a ni, Raw chi lak ani tih kha kan sawichiang duh lawk a nie.

**PU ZORAMTHANGA
CHIEF MINISTER**

Pu Speaker, ka sawi ang khan a ma tissue ah pheih chuan Mau hi a tha ber a, mahse ka sawi ang khan a tet avangin a hlawk lova. Chuvangin, plantation a han tihah chuan an duh vak lo a ni, a hlawk loh avangin tunah pawh a duh apiangin an phun a, a duh apiangin hmun siam theih a ni a. Tin, a mamawh pawh kan mamawh tho mahsela a lian chi tunah hian kan han identified deuh hi chu keimahni Phulrua hi tlangsang pawh ngam a ni a, tunah hian a rah a, a chi, a tiak a tih theih nghal dawn avangin hei hi tha kan ti a.

Tin, a pahnihna-ah chuan adang pawh hi Rawthing te, Rawnal tepawh a tha tho a, Rawmi pawh a tha hlei hlei a, mahse a rah rih tlat lova, a chi kha a hmuh theih loh avangin tuna kan neih te hi adang pahnih kan identified deuh hlek a hi chu Balcoa an ti a, chu chu India ramah tissue culture an nei tawh a, chumi leh Jaikantia a lian ber chi, chu chu a tissue culture a neih tawh avangin chuti pahnih leh Phulrua tal hi chu tiin tuna kan tum chu a ni a, a dang pawh hi a tha thova. Mahse, a hlawk apiang kha kalna tur chu a ni e. Mizorama awm hi a tha vek tho, chu chu kan sawi duh a ni.

Tin, khulaia kan khawl hmasa zawk kha a function thei a, mahse kan electric supply hi tawp thut thut nei anih avangin a line double na tur tunah kan bei mek a, Sairang atangin nuai 80 lai senga a line a khu 3 phase a kalpui in kan ti mek a. Chumi anih loh chuan degree 100 chuanga sa kan nem char char laia power a tawp chuan a buai tlat mai a, khatah khan alternative supply a ngai a, chumi kan tih hma chuan generator te deuh kan chah a, chu chuan alternative a tawp thut pawha a lo tih theihna turin. December thla hi chuan a lo thlen hman kan beisei a, a lo thlen chuan a production te deuh chu kan kalpui thei ang a. Tuna khawl lian khu tuna kan bar connection lian a lo kal hunah kan function tir thei bawk ang a, a khawl hmasa zawk Taiwan siam tho khu generator a lo thlen hunah chuan commercial production te deuh hlek chuan kan kalpui thei thovang. Chu chu tuna a dinhmun a ni. Pu Speaker, sawi tur a tam khawp mai a, kan member te kan tui tlang bawk a, a lawmawm hle in ka hria a, engpawhnise, ka sawi rei lutuk ang e.

PU LIANSUAMA

: Pu Speaker, Secretariat Economic Service a nuai 700.801 lo lang ve hlawl mai kha Secretariat-ah hian khatiang ang kumdangah a awm ngai si lova, engnge ni min han hrilhfiah se tih kha tlem han ti leh lawk teh se.

**PU ZORAMTHANGA
CHIEF MINISTER**

: Pu Speaker, nuai 700,801 ah khan nuai 5200 leh crores 52 hi EFC a mi a ni a, Eleventh Finance Commission in a an tih, khami kalchho a kha a ni a. Tin, crores 15 hi RSVY an ti a, hei hi district hniam zual bikte tana tuna an rawn pek thar a ni a, a chuang bang tuna planning a awma kha chu nichina kan sawi a kha chu crores 11 emaw chauh a ni. Kha kha a awmdan a nie.

Awle, Pu Speaker, ka Demand Legislative Assembly - 7,84,00,000 : Governor - 5,10,000 : Council of Ministers - 1,89,60,000 : Vigilance - 1,00,16,000 : Finance - 1,19,79,66,000 : Planning & Prog. Implementation : 14,87,31,000 : General Administration - 29,12,18,000 : Power & Electricity - 1,04,08,70,000 : Industries - 17,34,49,000 : Public Works - 1,56,08,01,000 a vaiin 4,52,09,21,000 hi he House hian lungrual taka min pass pui turin ka rawn ngen e.

S P E A K E R : Awle, kan Chief Minister zahawm takin a Departments chante Demand for grants discussion te rawn wind up in pass sak a rawn dil a, hengte hi pass remti apiangin 'remti' ti rawh ule. Remtilo kan awm em ? Remtilo kan awm chuan 'remtilo' ti rawh u. Awle, kan Chief Minister Demand No. 1, 2, 3, 5, 9, 14, 15, 39, 40, 45 te chu a vaiin 4,52,09,21,000 hi he House in lungrual takin a pass a ni.

Tunah Legislative Business kan la ang a, 2004-2005 Budget a Demand for grants te chu kan pass a, mahse tihmakmawh pakhat kan la nei a. Budget chahbi ti a kan sawi thin 'Mizoram Appropriation (No. 5) Bill, 2004' chu kan ngaihtuah leh dawn a, hei hi kan Chief Minister in House-ah introduce han dil se.

PU ZORAMTHANGA CHIEF MINISTER : Pu Speaker, I remtihna leh House remtihna in 'The Mizoram Appropriation (No. 5) Bill, 2004' chu he House-ah introduce ka rawn dil e.

S P E A K E R : Introduce kan remti em ? Han introduce sela.

PU ZORAMTHANGA CHIEF MINISTER : Pu Speaker, i remtihna leh House remtihna in 'The Mizoram Appropriation (No. 5) Bill, 2004' chu House ah ka rawn introduce e.

S P E A K E R : Awle, a rawn introduce ta a, a copy kha sem nise. Appropriation Bill hi Demand for Grants kan pass tawhte kan hman theihna tura Bill a ni a, kan tihdan thin angin sawiho pawh a ni ngai lova, chuan kan Chief Minister in pass rawn dil mai sela a tha ang e.

**PU ZORAMTHANGA
CHIEF MINISTER** : Pu Speaker, i remtihna in 'The Mizoram Appropriation Bill, 2004 hi House-in a remtih chuan min pass sak mai ula tiin ka rawn dile.

S P E A K E R : Mizoram Appropriation No. 5 Bill, 2004 chu Chief Minister in sawiho vak lovin pass nghal a rawn dil a, pass remti apiangin 'remti' ti rawh ule, remtilo chuan 'remtilo' ti rawh ule. Awle, House-in 'The Mizoram Appropriation No. 5 Bill,' 2004 chu a passed a ni. Kan Business chu kan zo e.

Sitting is adjourned 8:00 P.M.